

宛陵先生集

二

宛陵先生集
卷之二
PDG



宛陵先生集目錄卷第二十

和劉原甫過子飲 送湯秀才下第歸

送門人游江西 苔來上人春日卽事

送楊職方信州倅 送勾太丞穎州倅

和來叔六篇 詳定幕次呈同舍

代鳩婦言 看花呈子華

禁中輕紅牡丹 和鄭幾桃花

啼鳥 次彌緝叔遺酒

和景仁殿幕開典 游延義閣後藥欄

龍栢 延義閣牡丹

奉呈諸君 細竹

夜賦 三月九日迎駕

浹日 官槐

景福殿除釀花 詩癖

石詠 逾旬

晨起 金沙花

賜食 賜酒

賜香 賜燭

賜果 檜詠

柳絮 殿後書事

雨夜 景福殿水

雨後 象戲

再觀牡丹 白牡丹

紫牡丹 七寶茶

庖烟 省中

天上 明月

再賦 殿中柳絮

目錄終

宛陵先生集卷第二十

宋宛陵梅堯臣聖俞著

次韻和劉原甫紫微過予飲酒

所居汴水近未有鼓吹蛙昨日春雨晴車騎臨
我家我家苦僻遠庭下無泥沙爲撒麩面醅爲
煎鷹爪茶乳羹毛紫莖蜜果釘乾瓜與我相對
飲但恨諸友遐笑語雖同昔放浪不少加忽觀
壁間字坐歎目昏花公壯尚若此我老死豈賒
門前賣桃李呼買婀娜華東簷大槐樹上有鳥
雀諱恃舊無猜嫌醉弁已傾斜將去還見規禮
數何檢差後從江韓來襍帶歡莫涯

送湯延賞秀才下第歸

參差綠柳上撩亂黃鸝飛失意暫時屈獨嗟千
里歸淮船行欲駛江鯢去應肥謝眺吾鄉守欣
欣見綠衣

送門人歐陽秀才游江西

客心如萌芽忽與春風動又隨落花飛去作西
江夢我家無梧桐安可又留鳳凰巢在桂林鳥

哺不得共無忘桂枝榮舉酒一以送

荅來上人春日卽事

南園三衣客王城一見春花明馳道遠雨漲御
溝新茗憶山中物雲懷嶺上鄰如何異鄉感却
出解空人

送楊申職方通判信州

從來饒信吏愛實裝侈越其買冰王營蒼山斲
明月明月有時生窮嚴有時竭君常抱清節歷
職老無闕與我年齒同獨未變華髮又爲江外
行盡柯美明發

送勾諶太丞通判潁州

潁川倒灣流欄船曲轉釣吏運如太守民望亞
諸侯芳園深通野寒湖半抱州前賢多舊迹佳
詠聽君雷

和永叔六篇

嘉祐四年春 御試進士翰林學士歐陽永叔
韓子華集賢校理江鄰幾同爲評定官有詩六
篇出而使子和焉

詳定幕次呈同舍

苑樹天邊雨露勻，群公偷看錦叢新。
眼穿欲折無由折，賞到人間不是春。

代鳩婦言

不如作蜚依鸞族，以絲自裹還自足。
與爾爲婦過一生，怒卽分飛同轉目。
辛勤哺雛寄鵲巢，子母生離因爾逐。
羽毛曾未顏色衰，飲啄不計豐儉時。
天陰輒遣呼輒歸，恩情紙薄誰信之。
朝爲夫婦夕行路，世間反覆那能知。
伋妻白母非美事，後代放此誠堪悲。

看花呈子華內翰

時不選數老獨嗟鬢，毛未變目未花。
愛公深殿見桃李，長才高詠無能加。
紅英灼灼弄日色，穠艷皎皎生鉛華。
長廊垂幕風不動，映柳黃鸝吟未涯。
羹餽新泥補巢缺，蝸壓峻陸臨角斜。
是時唯聞鳥雀鬧，盡日不聽車輪譁。
雖傳此景無分到，但訝習慣猶豪誇。
他年造物儘有意，不使齷齪居貧家。

禁中鞞紅牡丹 洛中花之奇者

與公同是洛陽客，今日論年皆作翁。
一見此花知有感，衰顏不似舊時紅。

和鄴幾學士桃花

深殿有春人到稀，武陵雖說昧當時。
躊躇莫憶人間世，恐至塵中悔却遲。

啼鳥

提胡蘆提胡蘆，爾莫勸翁沽美酒。
公多金錢賜醇酎，名聲堅特爲不朽。
百舌子百舌子，春泥方滑滑泥。
雖滑滑，箠道平莫學竹，難言易發深宮許。
爾來報春便是好鳥，同其群清聲囀入君王耳。
安用穿叢苦避人，桃李無言何所益。
畢竟有謝須紛紛，莫以榮華長不歇。
人間已見程公門，安不忘危誰可貴。
貴時能憶困時聞。

縉叔以詩遺酒次其韻 雜言

君嘗謂我性嗜酒，又復謂我耽於詩。
一日不飲情頗惡，一日不吟無所爲。
酒能銷憂忘富貴，詩欲主盟張鼓旗。
百觚孔聖不可擬，白眼步兵吾

久師君多場壺能以遺向口蒲碗傾瓊醪醇醖
其滑泛綠蟻從此便醉醒無期既以樂吾真亦
以泰吾身真問今人與古人

和范景仁王景彝殿中雜題三十八首並

次韻

殿幕間興

宮殿深沉處鶯花爛漫時闌闌呀清吭舊舊發
朱堦天上春應早人間日轉遲得賢如漢盛五
字變周詩

游延義閣後藥欄

授經聞漢帝嘗此講秦餘一日承丹詔同時見
子虛來游瓊閣外間傍藥欄初柳絮輕枯屐履
條澁惹勝解歸臬上燕思寄袖中書此鳥如矜
慎飛飛與客踈

龍栢

花非龍香葉非栢獨竊二美誇芳蕤苦練不分
顏色近紫荆未甘開謝遲辟公莫以得地貴竟
費佳句何足思

延義閣牡丹

花中第一品天上見應難近暑多紅藥層城有
射于生雖由地勢開不許人看天子何時賞宮
娥捧玉盤

奉呈諸君

參天朱閣峻拂地柳條垂太液綠波漲建章春
湔運長人執兵立小豎揮花嬉但只逢人說無
由預此時

細竹

森森漢官竹託本異孤生玉砌綠根近朱欄與
筍平朝烟生密翠晚影漏斜明應待女媧采參
差風瑋清

夜賦

月從東殿生叢竹照倚竦葉間清露滴枝上寒
禽動聞覺萬慮空靜聞嚴鼓重官燭前更明相
看應似夢

三月九日迎駕

前殿臨朝百辟回後官廷閣九重開鳴梢已自

金階出黃屋勅運王輦來不問偷桃方朔飽誰
知載戟子雲才群官望幸無名姓只有窮吟許
外陪

次日

光陰天上早氣候日邊溫懸曙時過眼飛蟲稍
入軒看花成子大聞鶯養雜喧每覺瓊池宴風
飄管吹繁

官槐

漢家官殿蔭長槐嫩色葱蔥不染埃天仗龍旂
穿影去鈎陳豹尾拂枝來青蟲掛後蜂窠子素
月生時柱並栽我意方同杜工部冷淘唯喜葉
新開

有折景福殿後醱釀花至者

有鳥嚙花出清香不畏風初從上林發來過未
央中簇簇霜包密層層玉葉同誰將作美酒醉
看月生東

詩癖

人間詩癖勝錢癖搜索肝脾過幾春囊橐無銀

貧似舊風騷有喜句多新但將苦意摩層宙莫
計終窮步暮津試看一生銅臭者美他登第亦
何頻

石詠

君王愛石醜百孔皆相通怪狀一如此補天有
何功匪言不可轉安得來宮中女豈比桂礎瑩
然受磨礱

逾句

重說已經旬慮懷獨寢人通宵彈玉枕白晝拂
牀塵幾想運雕輦何當快倦身門前車馬立疑
是角生輪

晨起

月向西樓下天光候日開殘星明寶盞百舌響
官槐玉井傳新汲金爐換宿灰黃門馳有詔唱
第許卿來

金沙花

金有披沙得花應不可多栽培由地力艷色與
天和王座君王賞朱欄將相羅稱觴千萬壽繁

葉柰香何

賜食

誰言出相是山東今日求賢欲致功玉饌滿盤
來禁裏鵲羹分與下天中但知愷弟肅君賜舊
訝權輿向國風曾笑侏儒飽欲死宜思薇蕨不
忘忠

賜酒

時頒光祿酒花出漢宮墻湛露承天漉沆露落
羽觴近親龍尾道遠繫雀頭香滿殿人誰見終
知曼倩狂

賜書 善經二字

邈來金殿盡英豪 帝筆親承始是遭就裏少
年唯買誼其間蜀客乃王褒善經有意尊儒甚
推澤方知待士高歸付子孫傳百世深堂閒挂
亦蕭騷

賜燭

天子賜燭昏夜時嫦娥閉月栽桂枝稱量高下
唯妍辭相與盡心無附離求安去病如上池照

糴不容毫髮私品藻一定何可移光焰奪畫
兩爲宣王徒美庭燎詩魏帝自微月殿披我朝
好士萬古垂搜索賢俊登蒿藜執不力吐肚騰
胛枉用晏飲生脛脂雲龍將見升駸駸燃此必
欲無所遺收殘喜氣如蒸炊蜜蜂慙愧空多知

賜果

前日宮醪賜玉尊今朝待果小黃門乾桃熏李
非時物置案盈盤不次恩投以赤心思武帝握
同玄壁詠劉琨嘗聞食莫陳王業知是幽公幾
世孫

檜詠

文章老重欲追古便作帝宮蒼檜詩青葱玉樹
傳楊子盤屈洪桃見左思龍鱗已愛松身直珠
實還看栢葉垂秀木艷叢那可擬但將霜雪定
堅矣

柳絮

陶令生涯漉酒中門前種柳萬條新花今吹作
蓬萊雪曲舊得於關塞人應與殘紅閣是伴不

隨舞蝶去爭春可憐輕質都無定一落銀河莫問津

殿後書事

天子尋常幸直廬
裹頭宮女捧雕輿
紅泥已賜春醅酒
黃帕曾經御覽書
林果鳥應嘶去後
燕窠蟲有落來餘
禁中事事能傳詠
播在人間不是虛

雨夜

電光初照樹
我葉上微風
與雨和玉腕
愁聞無處奈
庭花暗落不應多
長楊靜響千重瓦
太液寒生幾寸波
洗濯青春如有意
平明濕羽未離柯

景福殿水

宮井蛟龍天矯
垂曉餅初汲
渴禽窺清泠
已向金盆貯
甘滑還從玉椀知
九醞酒醇由此得
小團茶味爲侶
遲閣門地脉應相似
翰苑曾邀詠昔詩
歐陽永叔曾邀余賦閣門水

雨後

新晴殿閣曉初日
霧煙中柳重宮腰
翳花肥粉頰
豐渥恩君自厚
蓂蕤我纔充草木
欣欣發誰知造化功

象戲

象戲本從碁局爭
後官龜背等人情
今聞儒者飽無事
亦學婦人閑
闕明堂上有奇
誰可勝
罈中賭酒令
方行直驅猛獸如
羣邑何似昇平不用兵

再觀牡丹

聞說偷觀近玉欄
腸如車轂轉千盤
無人憶著洛陽日
走馬魏王堤上看

白牡丹

白雲堆裏紫霞心
不與姚黃色闕深
聞伴春風有時歇
豈能長在玉階陰

紫牡丹

葉底風吹紫錦囊
宮爐應近更添香
試看沉色濃如潑
不愧逢君翰墨場

七寶茶

七物甘香雜菜茶浮花泛綠亂於霞暖之始覺
君恩重休作尋常一等誇

庖烟

幕歷庖烟出綵油欲通雲霧未能周濕薪燒盡
日停午試問霏霏何處浮

省中

漢相家人尚苦疑不言溫室樹何枝君今坦坦
無猜忌夸說皇居盡入詩

天上

紫微垣裏月光飛玉佩腰間正陸離天上去來
知幾日蟠桃結子是歸時

明月

明月已生城上頭小星光滅大星流來朝放勝
出宮去何處殘花轉入溝

再賦

誰人重誅大刀頭只願長明不願流縱使西傾
必東出寧同寒水瀉宮溝

殿中柳絮

玉几當中寶作林無端絮惹御袍香群公唱第
魚龍化列侍金階若堵墻

宛陵先生集目錄卷第二十一

和景彝春宴

和景彝同飲還省宿

和永叔試諸葛筆

唐書局後得芸香

嘲江翁選接籬

和景彝閣後紫薇花

送李泰伯歸建昌

送林殿丞倅和州

王知章尉河內

送祖擇之赴陝府

中伏日永叔遺冰

和永叔送擇之赴陝

送施綽秀才下第

送張山甫武功簿

送微上人歸天台

寄天台梵才上人

送李信臣尉飾縣

送王巡檢之定海

劉公同飲永叔家

來上人歸宣城

始作鷲子巾

謹賦

送侯孝傑殿丞簽判潞州

送張子野知虢州

送尹駕部監靈仙觀

送朱戶曹之廣德

次韻和永叔

送王司徒定海監酒稅

李端明挽歌三首

和永叔夜聞風聲有感

和永叔石枕與笛竹簟

寄題朱職方新園

和原甫午寢晚歸

三十二弟歸宣城

送刁景純學士赴越州

送宋郎中知商州

定力院賦三學士

和景彝省闈宿齋

送刁景純知會稽

次韻答王景彝聞余飲

和景彝對月

和景彝西閣獨直

目錄終

宛陵先生集卷第二十一

宋宛陵梅堯臣聖俞著

次韻景彝春宴

法座初瞻戶牖間
衣垂處見雲山
滿斟玉酒傳宣盡
齊挿宮花拜賜閒
紅線織成庭下毯
明珠結出耳中環
闔雞旗底蓬蓬鼓
逐勝爭名利
害關

次韻景彝三月十六日范景仁家同飲

還省宿

種桃依竹似僊家
邀對春風共泛霞
席上未觀雙舞鳳
城頭已覺聚啼鴉
忽跨馬人歸省幕
暮生烟樹斂花
稚子候門知我醉
東方明月照扉斜

次韻承叔試諸葛高筆戲書

公負天下才
用心如用筆
端勁隨意行
曾無一畫失
因看落紙字
大小得踈密
筆工諸葛高
海內稱第一
頻年直我來
我媿不堪七
安能事墨研
欲效前人述
懶性真嵇康
閒坐喜捫蝨
是以

持獻公不使物受屈
果然公愛之奇蹟
寫名實豈惟播今時
當亦傳異日嗟哉
試筆詩版不容人乞

唐書局後叢莽中得芸香一本

有芸如苜蓿生在蓬
藿中草盛芸不長
穠烈隨微風我來偶見之
乃稱彼藜藿上當百
雉城南接文昌宮借問
此何地剛修多鉅公
天喜書將成不欲有
蠹蟲是產茲弱本
積爾發荒叢黃花三四
穗結實極無窮豈料
風聞人偏憐葵葉紅
嘲景彝調愛葵花美

嘲江翁還接鑷

江簡云昔德張鑷詩有恐傍人偷剪鑷尋常懶

藏出書堂

何言恐偷樣自是君婦懶
五日縫一巾猶道苦未晚

次韻景彝閣後紫薇花盛開

禁中五月紫薇樹閣後
近聞都著花薄薄嫩膚
撲鳥爪離離碎葉剪
晨霞鳳皇浴去池波
響鴉鵲陰來日影斜
六十無名空執筆
頰毛應笑朕

管華

送李太白歸建昌

推天以知命自古豈不然桓雅及臧倉嘗毀聖
與賢後人何蹈之其事實好還君居麻源谷學
禮如鄭玄聲名久已大籍籍四海傳昨因丞相
舉便謂升雲烟場來太學館食貧向三年忽懷
粉榆下歸思獨綿綿得告許暫往落莫求楚船
捋髯滄江上仰看儂飛鳶誰識鷓鴣志聞誦莊
叟篇喜問里中兒重到舊林泉洗蕩俗塵垢焚
裂跨馬驚不向世路去徒取愁腸煎雞豚粗可
養禾黍亦足田不慙莎衣蟲以葉自包纏及其
飽滿時曷異冠貂蟬君意我強寫雖慕何田緣

送林大年殿丞登第倅和州

和靜先生負美才族孫今似漢庭枚敗亡項籍
江邊廟應魏文場戰勝來

王知章尉河內

古縣太行下老槐三四株以言新作吏不似舊
爲儒黃綬心猶壯青雲志豈無漢朝吾遠祖不

道此官廳

送祖擇之赴陝府

古來分陝重猶有召公棠此樹且能久後人宜
不忘君從金馬去郡在鐵牛旁山色臨關險河
聲出地長鱗無空美酒魚必薦嘉魴天子憂民
切行當務勸桑

中伏日末叔遺冰

日色若炎火正當三伏時盤冰賜近臣格釋中
使馳瑩澈宵水玉涼氣侵人肌近日多故友分
貺能者誰信都顧貧賤物物義不遺念我老且
病赤瘠生枯皮巨塊置我前凝結造化移畏冷
不敢食有類夏蟲疑雖然已快意何必咀嚼爲
天子厚於公不使熾毒欺公亦厚於我將恐煎
熬隨我有舐犢愛自憐小子龜

次韻和末叔贈別擇之赴陝郊

古人相送贈以言今人相送舉以酒酒行殷勤
意豈踈酒罷躊躇悲更有行當何之來者誰陝
府兵吏爭逐走壺漿往往過函關翰林惜別方

携手自言老大遇知難願得公詩爲不朽公因
索筆作長謹落落寓言誠十九我慙竹管厠宮
懸縱合律度應非偶太守西行已不貧忽獲明
珠盈大斗歸立螭頭未是遲暫向棠陰問遺叟

送施粹秀才下第

君嘗老於敵輕彼群兒嬉堅銳不可恃屢非選
自疲胸中多奇秘既鯨何所爲東走滄海上夏
果采荔枝奉親樂無涯豈愧祿仕遲

送張山甫武功簿

洛陽舊交有七人五人已爲泉下塵各家生兒
爲門戶唯子弟兄先立身我與信都侯獨在喜
見及祿知天仁昨日聞補武功吏氣調欲與南
山親少年勉力向職事莫學老貪文字新

送徵上人歸省天台

釋子懷慈母吾儒未易輕不弄琪樹去肯向石
橋行海近雲多潤山高日少晴天恩新賜服書
字欲傳名

寄天台梵才上人

常觀月從東海出想照石橋旁畔人試問當年
與今日清光不改只如新

送李信臣尉節縣先歸湖州

梁王吹臺側五月多荷花荷開對鸞鷺吳客遠
思家家在水中城四面如鋪霞馬能長相守千
里獨起嗟補官東海上物景莫言賒

送王巡檢之定海

休淬鷓鴣劍休調鵠血弓平時自壯大何所立
戰功得兵不滿百防寇滄海東駕船如飛鶴出
入巨浪中苟能勇移此遇敵無廢忠

同梅二十五飲末叔家觀所抄集近事

劉敞

陶公一畝宅尤愛北窓風心遠地誠僻客來尊
不空觀書太史氏全性市門翁子亦何爲者於
此清賞同

來上人歸宣城兼東太守孫學士

李白不賦昭亭山看盡飛鳥雲獨聞我今相送
一懷思想在謝公窓戶間

始作鷺子巾

累髻不羨額自名鷺子巾
翼羅尾涎涎誰問巢由人

謹賦

避暑就高臺不如就賢人
賢人若冰雪論道通鬼神
自言信手書字字事有因
往往得遺逸烜赫見名臣
是日劉夫子拍手氣益振
重觀太史公吾徒幸來親
大笑舉玉杯陶然任天真
內樂不復熱豈以身爲身

送侯孝傑殿丞簽判潞州

同在洛陽時交游盡豪傑
倏忽三十年浮沉漸磨滅
唯餘一二人或位冠夔禹
我今存若亡似竹空有節
人皆欲吹置老硬不可截
君自縵山來別我不畏熱
言作路從事家貧祿仕切
六月上太行辛勤非計拙
天當氣候涼清風自巖巒
雖云數日勞斗與炎蒸絕
君本公王孫才行實修潔
鏘鏘發英聲瑩瑩如佩玦
是爲君子器終見不渝涅
相逢未易期夢寐歸鼓柁

送張子野知魏州先歸湖州

未赴魏太守暫歸吳興家
吳興近洞庭橋林正吹花
君當橋袖時摘包帶霜華
清甘不楚齒若酒傾殘霞
谿山小女兒姹姹兩髮丫
裏裏上氍毹嘈嘈弄琵琶
是時與之醉何似走塵沙

送尹瞻駕部監靈僊觀

天地如轉磨屑屑今古人
一落大化手團品惟其新
不幸積不用袞袞同埃塵
日月行何窮過盡千萬春
人生占幾許百歲猶比晨
君求瀟山潛捨去兩朱輪
願效陶淵明翦紗爲破巾
山前溪多鱗山下酒甚醇
看雲舉大杓杓造舒州民
李白嘗愛之死生曾與均
此志我亦有更將猿鳥親

送朱玠戶曹之廣德軍

南方小兒繞讀書性性得官
呵路衝君今五十始作揀手
板青袍非壯圖况來桐汭水
上城折腰強顏休歎吁城西
古祠能致雨歲不有旱民無
連民舉未央君可娛舊俗不
與吾鄉殊

次韻和永叔原甫致齋集禧

廟壺靈祠屬二公齊心相望切朱宮綠渠繚繞
墉垣水廣沼清泠漲殿風已詠應麟來五時仍
歌翔鳳雜殊翁遙知畢事期尋勝尚問衰羸未
狀窮

送王司徒定海監酒稅

悠悠信風帆杳杳向滄島商通遠國多釀過東
夷少懷鄉寄書遲見日知晨早應聞有海花何
必樹萱草

端明李侍郎挽歌三首

少年爲侍從名譽竟軒騰每吐曾中鳳寧容筆
上蠅受覆延漢室蔽謗過周陵今日泉宮啓師
臣禮秩增

官豈不爲達其如望未充歛辭傾一代發問誰
三公歎向承明直思行邵伯風嗟嗟玉樹折埋
沒彼蒿宮

秋樹無黃鳥蟬聲亦自衰素車新隴去白馬舊
賓來蓬上朝陽露池中熾劫灰短長何足較嗣

子有高才

次韻和永叔夜聞風聲有感

月落夜正黑風起庭槐端窓間星動搖枕上人
寤歎所歎次陰雲苦熱彌不歡當其氣莫出局
若無衣寒虛堂卧竹簟汗體如露溽驅蚊蕪蒿
艾寧復襲芝蘭煎灼一如此衰枯誰可完消磨
任寒暑安有不死丹三伏已過二炎赫應漸殘
試看蠅蝮蟲辛勤方轉丸馬得從釣舟逆上巖
子湍此事人所易謝榮爲獨難誰顧萬古名黑
石持鐫刊風聲不用撼淋頭開素統

次韻和永叔石枕與笛竹簟

溪上枕剖龍卵石斲匠篔簹製蛇皮紋客從東方
一持贈竹色蒸青石抱雲磨沙斲骨自含潤飽
霜弔節無留塵京師貴豪空有力六月耐此炎
蒸劇早風赤日吹熱來大厦高簷任雕飾頭顱
汗匝無富貧雖有頒水論官職官高職重水則
多日永冰消難更得唯公掃室施枕篔簹迎涼自
感東方客東方客應非俗昏能使賢人心體適

賢人何以偏伏人天下才名方赫赫我吟困窮
不可聽晝夜蚊蚋蒼蠅聲蠅如遠雞耳初感蚊
若隱雷空際鳴葛厨頂綻屋蠋墮菅席中裂麻
經橫平生賦分只煎炒安有祿玉琉璃清猶勝
昔年杜子美老走未陽牛角死因思楊惲廢時
言但願人生行樂爾公今事業在朝廷去就尤
當慎終始待公睦足秋風來去奉高談揮麈尾
寄題朱表臣職方真州新園

青窓江上樹杳藹宮前道道側有新園園中無
惡草松隴方在望茅崖聞已考朝廷正急才何
得言歸老

次韻和原甫閣下午寢晚歸見示

殿閣風來夏日長青林抽嫩見餘芳筆供五吏
詞休敏篋展雙紋睡正涼故事早歸何獨晚舊
交新詠尚無忘不言偃仰中國樂還愛眉間喜
色黃

三十二第寺丞歸宣城因寄太守孫學士

謝公下車日郡內一登望昭亭山蒼蒼寒露水
漾漾句清宛微渾三洲分細浪小艇下灘來群
鷗舞潭上借問鷗何若水深魚莫向鷗餒猶識
機魚樂不忘餉子去見太守於我必有訪但寄
此薄言鑄前爲之唱

送刁景純學士赴越州

會稽迎太守舟屋畫粉艫前舟載圖書後舟載
女樂月出鏡湖心長笛使孤作還見漁者來曾
令李暮倚吹裂比竹管士果不可度二分學官
裝艷色闕京洛嘗聞有西子苗苗不相若得郡
考故跡精絕古所作慎莫爲俗牽乘閒數斟酌

送宋郎中知商州

孝孫

商於六百里太守二千石地廣任亦重車建旗
仍亦嘗聞四老人采芝留舊跡古廟藏空山曾
無漢羽翼其事有圖畫家傳多典籍願君爲政
間校覽知嚙昔

六月晦日定力院同原父賦送伯鎮景

純樞言三學士

清秋三黃鵠舉翼東來飛鳴聲既相呼烟水亦
相依蓬池不暫止太液未言歸酌酒望滄海飄
飄思菊衣

次韻和景彝省闈宿齋二首

晝日南宮雨後涼齋嚴官重靜杉常庭前闕雀
墮還起欄下秋花落自香看盡雲空天漏碧讀
殘書秩卷披黃九衢塵土莫能到蕭瑟微風葉
響廊

新月斜光依約兄夜蟬高樹有時鳴曲眉不想
西家棗餒腹還思二子清迭代物華何足較古
今榮辱豈須驚靜來應覺能聞少人事區區逐
日生

送刁景純知會稽

前有朱翁子後經王右軍至今風俗美自昔誦
歌聞秦望臨丹戟耶溪漱白雲只應絲管去驚
動海鷗群

次韻荅王景彝閑余月下與內飲

仰頭看月見新鴻形影雙飛玉鑑中呼我作卿

方舉酒更煩佳句賞高風

次韻和景彝對月

蕭蕭風雨變涼意索索晚雲開斗晴已洗浮埃
天外靜忽生圓月樹頭明草根蟲穴吟來又屋
角星河落更清我愧西垣侍臣比景寒霜鬢兩
三莖

和景彝西閣獨直

池頭鳳皇寒井上梧桐老鳳寒浴已晚桐老脫
亦早是時有詞臣獨直正視蕤縠蔽蔽代王言落
落香清藻演成五色絲世作非常寶賤如市朝
捷裏若華袞好四方號令施萬耳昏聩掃此職
唯其才用居寧草草

宛陵先生集目錄卷第二十二

和景彝攝事 和景彝秋興

司徒陳公挽詞 秋思

送葉都官蜀倅 次荅吳內翰遺石器

送張簽判奉寧軍 寄題陽武慶豐亭

酬永叔分遺海魚 送柳知錄大名

送都官虔州倅 秋雷

送蘄春俞寺丞 和原甫白鷺鷥

送劉賢良下第 九日永叔諸公過飲

送鮑都官錢塘倅 送刁國博通州倅

吳資政挽詞二首 九月二十四日大風

二十五日雪 送唐待制非使

送劉學士歸陳州 送陳賢良忠正簽判

送韓寺丞知餘杭 送周學士定州倅

送番禺杜杆主簿 選柳瑾祕詩編

送張殿丞知資陽 丁端公北使

張斯立遂州司理 寄題哀賢亭

荅沈屯田寄茶 送曹崇班駐泊相州

永叔諸公見訪

和原甫陪永叔題枯菊

和永叔飲余家 送獻甫知虹縣

衛尉邵少卿挽詞 和永叔對雪

寄題澤州園亭 送李灝秀才南歸

目錄終

宛陵先生集卷第二十二

宋宛陵梅堯臣聖俞著

次韻景彝奉慈廟孟秋攝事二十韻

闕宮初告饗駕輅已運秋公袞惟時攝齋虛用
爾休椒漿茲往奠鸞馭或來游任姒徽音繼邦
家故事脩前期嚴受誓侵曉肅傳騶雞狗歲深
戶蚊蠅響暗溝別祠綠相漢舊禮倣宗周蕭氣
接庭燎鼓聲通市樓樂章分廟奏牲物用毛柔
木主升新座牙盤列庶羞叩階除劔履宿羽動
梧楸錫胙人移俎焚辭漏晷籌豆邊將降陛胥
史劇奔牛事畢歸烏巷陰餘晦絲油驛車多叱
咤負檐起歌謳却直中書省重贈十二旒詞供
五更敏詔示四方優密議存王體斜封贊禹謀
勤誠屬異等潤色聞嘉猷強擬鄴中詠我思康
樂侯

次韻和景彝秋興

日月機上梭年華東注波未驚涼葉墜已見白
髮多牧馬歸方徙調弓力漸和籬邊滕曉菊陶

令柰貧何

司徒陳公挽詞二首

位至三公有恩加賜諡無再調金鉉聘屢剖王
麟符已歎鸞同穴還嗟鳳欠雛擁途看鹵部誰
爲畢三虞

公在中書日朝廷百事崇王官多不喜天子以
爲忠當貴人間少恩榮歿更隆若非笳鼓咽寂
寞奈秋風

秋思

梧桐在井上蟋蟀在牀下物情有與無節候不
相假寥寥風動葉颯颯雨墜瓦耳聽心自靜誰
是忘懷者

送葉都官赴蜀州倅

仲舒

每有人之蜀先憑問海棠徒知花底醉不報樹
頭芳上馬秋風急登山古路長西南生片月遙
想見清光

次韻荅吳長文內翰遺石器八十八件

山工日斲器殊匪事樵牧掘地取雲根剖堅如

剖王食具與果具待賓良有勛亦將茶具并飽
豐時出俗公何都贈予金多不入目我家固宜
之瓦椀居漏屋得此尤稱窮客來無不足唯應
赤脚婢收拾怨常酷夏席堆青蓋冬盤釘旨蓄
竟無梁肉饌甚愧蕭家錄

送張君儀太祝簽判奉寧軍

社雨燕巢空古陂菱葉老燕去春當還菱枯秋
不早莫以西風高杵馬亂懷抱指途無幾里駛
馬一稜草彼美賢王公文章爲世寶笑談樽俎
間勿負風月好

寄題陽武宰王安之慶豐亭

官爲人父母身自奉其親結宇後園中散步以
怡神寒溫適所適朝夕饋爾珍諸孫同在傍嬉
戲情各均庭下香草秀梁上乳鳥馴乳鳥名曰
烏反哺豈不仁香草名曰蘭相襲使之紉二物
已可知百里風俗淳

北州人有致達頭魚于永叔者素未聞
其名蓋海魚也分以爲遺聊知異物耳

因感而成詠

孰云北海魚乃與東溟異適聞達頭乾偶得書
尾寄枯鱗冒輕雲登俎爲厚味向來昧知名漁
官疑竊位有如臧文仲不與柳下惠從茲入杯
盤應莫惹鮑肆

送柳秘丞大名知錄

言今魏都去聽我願少休地息戎馬牧民苦黃
河派渾渾發西極奮奮入九州自古患夾溢于
今爲瘡痍禹力順而東漢防築其阨完壞非一
日利害經千秋主印無切責治水莫輕謀府公
山西種貴已爲通侯樽酒與歌舞上客共優游

送何都官通判虔州

楚越封圻接帆檣上下頻商通洲橘熟信到嶺
梅春白紵歌脩頸金盤饋紫鱗同勤太守職龔
遂漢名臣

秋雷

春雷不發蟄秋雷不收聲向無一日雨今無一
日晴昨夕王女笑閃閃揚目晴雷公與雨師自

取號令明舒慘由上天誕妄推五行日月不粒
食安問下土耕雖然屋瓦爛還有地菌生損彼
以益此誰能較人情竟時不無水用禹水乃平
黎民思堯仁往往見於羨猶吾大君意星火立
水衝水衝雖努力豈將雷雨爭

送俞尚寺丞知蘄春縣

應見言風物于今有貢地潛蹤遠意龜飲露上
兼葭清潔一如此傷殘都莫涯君惟修職業男
未女綠車

和劉原甫白鷺鷥

出注肇國注華在西
海斯中州四十一萬

舟行過西王母三
年乃達番禺也

能言異國鳥來與舳帆飄嘗過西王母曾殊北
海鱗雪衣應不妬隴客幸相饒因憶稱處士舊
洲蘭蕙凋

送劉定賢良下第赴廣陵令

劉蕢不登科衆口誦其策得者爲之羞聞者爲
之惜摧歲一時屈論議千古白至今簡篇中一
字不敢易其言究時病春刺若戈戟引經見大

法非蹈春秋僻我朝屢得人無不陸顯赫乃知
所中否實命繫通厄中則首公相人情作冠幘
否則走仕塗人情作屨寫秋風廣陵城千里夷
門客壯心雖暫失美寶有時獲悵悵以送君致
龍翻點額

九日永叔長文原甫景仁鄰幾持國過

飲

秋堂雨更靜佳菊粲粲芳置酒延群公掇英浮
新黃心猶慕淵明歸來醉柴桑莫問車馬之去
跡亂康莊

送鮑都官錢塘通判

文鱗游西海夕飛向吳洲朱蠶生明月淵潛未
可求由來有變化何能計沉浮君子蹈出處誰
將等隅陬臨水賦二者相送無離憂

送通州通判刁國博

古郡見郎山海雲遮一半陽鳥出滄波光彩臨
硯按小吏抱牘來磨墨爲點竄豈以島嶼人百
事皆漫漫朝廷通守任不使守專斷是恐繆其

才民勞乃生亂辛勤雖然多魚鱗莫知筭夜月上蓬瀛偷閒舉杯看因行計較足少別休典歎

吳資政挽詞二首

天下文章老爲公地底銘平生懷道德舖寫若丹青蒲市一朝罷洛人皆淚零嗟嗟廟堂貴今以栢爲庭

我我陞土厚自古葬賢人百尺不逢水千年空閉春夜臺埋琬琰隴道刻駉驎西望綠纓淚曾無幕府賓

九月二十四日大風

秋感無蹤跡空中聲奔馳枯桑因已驗老病仍先知驚沙入破隙危葉墮綠枝幽懷聒不寐山岳將恐移

二十五日雪

秋露未爲霜秋空已飛雪著樹增葉危壓叢憂菊折平明開戶看斗覺頽簷潔天時莫倉猝誰預衣裳設

送唐待制子方北使

王命來天外關氏坐帳中儀雖聘鄰國禮豈異和戎漢使方持節胡人自帶弓唯應沙漠凜不減諫臣風

送劉元忠學士歸陳州省親

芸香間秘秩蘇合著新裘公子言歸日天王賜問優洽分周太宰禮重漢諸侯拜慶無如樂黃金作酒舟

送陳賢良忠正軍簽判

書對三千字息科第一人鯁魚飛北海龍劍躍平津直悟聰文主深論險剋臣已能明世弊枉作幕中賓

送韓持正寺丞知餘姚

君家二仲父連爲吳越宰錢塘與蕭山治跡應無改魚蝦莫狀腥網罟從人采天晴姚江深縣鼓朝翻海

送周介之學士通判定州

相公秉文武視卒如嬰兒今往佐其軍豈不重撫綏我有愚者慮贈君臨路岐相公居并州托

土曾不疑羌戎起潛變一旦覆我師我師無不
勇將吏實易之常抱雪耻志此旨君所知兵家
尤戒貪持重養以威正當土門路自昔屯虎貔
朔朝及旬望大校飲酒厄未若投單醪共飲河
水湄古人維其均今人意參差臨事欲之死身
往心已移上能同甘苦下必同安危願君因議
論該語何難爲

送番馬杜杆王簿

行識枕榔樹初窺翡翠巢地蒸蠻雨接山澗海
雲交訟少通華語蟲多入膳庖不須思朔雪梅
吐臘前梢

還柳瑾秘丞詩編

吾友蘇子美聞昔許君詩子美今下世令人重
嗟咨當其不得志泥水蟠蛟螭未激西海流安
可氣吐霓吳洲逢朱鬣腹有百碧遺他時使我
觀我觀顏怵怵便欲焚筆硯奈何難爭馳

送張殿丞吉甫知資陽

單騎欲之蜀絲衣初過秦王喬鳧是烏陶令酒

名中潮上愁逢雪裏中喜見春兩川風物美不
似走京塵

丁端公北使

出聘天王使來乘御史驄馳車看燕婦貂扇禦
胡風俗與華人似言從左祚通厨庭觀拜舞不
似未央中

張斯立遂州司理

自身買馬筆爲婦置羣雞將出咸陽門同涉蜀
道危疇昔未祿仕日夕講書詩不能青雲高乃
作黃綬卑前人未遇時往往甘棲遲如築九層
臺始起一板基雖然用功深歲久終莫窳我今
惜君行無力可致之去勿藉芳草世俗多夸毗

寄題哀賢亭

馬仲龍園墳
前所湖立也

蒼蒼墓門樹亦有黃鳥哀賢者不在世常恨理
蒿萊山根入溪泉流響出夜臺東方見子胥助
濤高崔嵬

荅建州沈屯田寄新茶

春芽研白膏夜火焙紫餅價與黃金齊包開青

蕪整礮爲王色塵遠及蘆底井一啜同醉翁思
君聊引領

送曹測崇班駐泊相州

知君鄴城去歷覽古時蹟我我銅雀臺其下遺
瓦礫不化鴛鴦飛多近蟾蜍滴哀哉魏武帝雄
智圖九錫俄聞望西陵作妓向朝夕曾何百年
間事往如霹靂空餘幾似土陰嶠古藪碧下有
牧羊人上有祥與癩寒風吹枯草草短聲刺刺
珠翠爲埃塵冠劍埋百尺顏回飲一瓢仲尼不
暖席擁徒食人肝生莫如盜跖令各今猶存焉
在刻金石我輩當太平白首如戰敵又知爲善
樂尚媿苟仕籍行行勤撫兵堅威甯德澤

十一月二十三日歐陽永叔劉原甫范

景仁何聖徒見訪之什

夷門魏公子來過抱關人車馬立市中貴義不
耻貧市人無不驚此老面薰皺豈將流俗眼能
辨王與珉爾後幾千載此賢埋埃塵誰謂四君
子蹈古猶比辰上馬後苑門訪我東城闔爲公

開蓬戶沽酒焚紫鱗銀杯青石盤共飲不計巡
薄暮各已醉歡笑頽冠巾來旣無猜嫌去亦無
踈親曷若世上士惟顧勢力均

次韻和原甫陪永叔景仁聖徒飲余家

題庭中枯菊之什

九日車馬過我庭黃菊鮮重來踰七旬枯萼無
復妍自非凌霜操枝葉徒相連衰敗未忍去根
葉尚翹然不意憔悴叢猶爲君子憐固值時節
晚豈恨地勢偏直如木上蘿綠蔓欲到天一朝
風雪厲零落向暮年至此事乃等高低復何言
公休誇松栢彭祖與顏淵各不相徒羨焉能論
柔堅願公時飲酒周孔今不泉

次韻和永叔飲余家詠枯菊

今年重陽公欲來旋種中庭已開菊黃金碎菊
千萬層小樹婆娑嘉趣足鬢頭插藥惜光輝酒
面洋英愛芬馥旋種旋摘趁時候相笑相尋不
拘束各看華髮已垂顛豈更少年苔色綠自茲
七十有三日公又連鑣入余屋塔傍猶見舊枯

叢根底青芽歎催促但能置酒與公酌獨欠琵琶彈啄木所歎坐客盡豪英槐上凍鴟偷側目盤中有肉鴟伺之烏鳥不知啼背曲諸公醉思索筆吟吾兒暗寫千毫禿明日持詩小吏忙未解宿醒聊和屬

送李獻甫寺丞知虹縣先歸金陵

今日歸爲美塗金作馬纓願言膏沐婦相望石頭城得邑柳堤合還家梅野晴里中多樂事州牧是名卿

衛尉邵少卿挽詞二首

位至九卿亞年過七十春桐鄉歸葬日棠樹去思人霧裏開蒿隧原邊起石麟地遙徒有淚灑向北風頻

買得吳門宅歸來自種花春風未歌微東岱已魂賒昔作千年調今爲一日嗟人將鐫美德磨石取江沙

次韻和永叔對雪十韻

王月梨梅柳絮粉皆不用

紛紛何亂目凜凜自開門著莫風難定侵凌物

已繁裝成新樹色遮盡古苔痕冷入梁王苑清乘衛國軒欺貧凍蓬華增險想轆轤小隙皆能及洪爐逼不溫雲衣隨處積水甲等閒屯團戲爲九轉堆雕作獸躡豈愁穿破履幸喜有清樽誰問諸公子高樓與後園

寄題劉仲叟澤州園亭

城臨太行谷谷暖宜草木旣移洛陽花又種阮家竹五色雜黃紅一林常翠綠其間廣亭開亦欲危榭築春歸百禽噪搏黍及布穀桑上啄椹食林下窺果熟果收椹已盡飛去不須逐婆娑黃楊樹誰謂逢澗縮物猶有進退此理何用告余心當效君未有地可卜綴書豈食樂且以苟微祿

送李灝秀才南歸

乘驢雪中來別我千里歸江南梅花發身與越鳥飛幾年客大梁著盡篋中衣空餘一束書去恨識者稀

宛陵先生集卷第二十二

宛陵先生集目錄卷第二十三

送刁經臣歸澗 贈狄梁公孫

寄晏頴呈永叔 寄題刁氏園亭

次酬永叔 李尚書挽詞

送朱司封知登州 送代州錢防禦

寄題董氏書齋 次酬永叔

和景彝上元夜 送雷太簡知虢州

和景彝元夕雨晴 早春書局卽事

古意 送李閣使知冀州

郭園梅花 送襄陵李令

詠仲更園中醜石 送趙子淵知潁州

寄題虢州吏隱亭

和王舍人憶省中小桃

和原甫社後對雪 和永叔二月雪

聞景彝禱祠廻 和景彝祀高禰書事

和永叔雨中 蒼毛秘校

仲更種郁李 和原甫復雨寄永叔

送正仲都官知睦州

續永叔歸田樂 和介甫明妃曲

酬楊太丞見別 贈王尚書挽詞

送陝西都運彭待制

送羅職方知秀州 寄懷州劉使君

劉相公挽詞 送胥太博湖州倅

寄題陽翟希隱堂 賦李學士穀芝蓮

目錄終

宛陵先生集卷第二十三

宋宛陵梅堯臣聖俞著

送刁經臣歸潤州兼寄雲師

古來山林士一往不復返區區世上名豈畢車
自挽前有高山危後有落日晚未知所止息已
慕田家飯愛君京口歸萬事不著眼乘馬飾鞍
轡乘舟盡屋版長途與白浪健駛固莫限力殫
風定時各各繫岸棧寄語老空人青唾勿鋤剗
贈狄梁公十二代孫國賓

雄雉飛上天乳雞白日鳴驅逐鳳皇雛百鳥不
出聲豈無鷓鴣與鴉至死莫得爭孤鶴獨不懼使
風羽翼成鶴性本君子嘹唳通太清至今有其
孫踰田中行明時與稻梁重節亦貴名爾無
冲天力且與鷺鷥并慎勿啄泥穢坐使白鷺輕

寄金山曇穎師呈永叔內翰

江中我我山上有道人住風濤響殿閣雲霧生
席屨道人如不聞道人如不顧誰能識此心來
往只鷗鷺京洛三十年塵埃一相遇我與信都

公已落衣冠故平生守仁義齒髮忽衰暮世事
不我拘自有浩然趣未由逢故人坐石語平素

寄題刁經臣潤州園亭

新作城邊園陂原上下斜竹多劉裕宅松接戴
顛家山色不須買江流何處涯但邀東海月莫
聽五更鴉

次韻和末叔夜坐鼓琴有感二首

夜坐彈玉琴琴韻與指隨不辭再三彈但恨世
少知知公愛陶潛全身衰弊時有琴不安絃與
俗異所爲寂然得真趣乃至無言期

舜琴曰朕有語舜鬱陶乎孝悌怨則否傲狠愧
豈無我嘗撫卷歎歎此孟氏書此書有深意仁
義世久虛公今乃有感其不在茲歟魚躍與鶴
舞物情曾未殊無情則無應何必問鳥魚

李尚書挽詞二首

相門三世貴家法百年同天子賜恩禮史臣書
祖風箴聲穿苦霧隴穴啓寒蓬自古焉能免在
茲是始終

伊水西頭月青山北脚雲夜臺無復曉陰嶺有時薰龍劍雙埋沒庭蘭竟鬱芬不知門下客誰刻道傍文

送朱司封知登州

駕言發夷門東方守牟城城臨滄海上不賦風濤聲海市有時望閭空虛生車馬或隱見人物亦縱橫變怪其若此安知無逢濂昨日聞公說今日聞公行行將勸農耕用之卜陰晴

送代州錢防禦

堂堂鴈門行赫赫符節分紫塞千里障紅旗十萬軍世家王爵貴祖廟將臣勳鍾鼓陳牛酒衣裘論典墳呼鷹下青漢牧馬出黃雲實憲何爲者燕然解勒文

寄題廬陵董氏桂林書齋

山東桑柘多江南松桂茂種桑事春蠶栽桂事華構嘗聞雲蓋下聚書爲大富往往見子孫綠天椽星宿掇星星若珠光彩出屋漏秋收萬種田作酒日爲壽亦有千里歸錦衣行白晝

次韻永叔乞藥有感

子厚論鍾乳要若鶯翎簡安取啗棗栗謂相出山東所產有所美慎勿憑村僮公問我餌藥石曰將使藥我餌乃藤根得方非倉公曾聞李習之其品今頗同此物俗爲賤不入貴品中吾妻希孟光自春供梁鴻荏苒歲月久顏丹聽益聰雖能氣血盛不療貧病攻何如面黧黑腰全明光宮亦莫如學釣繆鉤懸香齋但知烟水樂寧計身瘠豐我生無快意豈異抱篤癡公乎忽我求略辨雌與雄雄赤而雌白由來不同功沙合固切似朋好殊未窮長年苟不遇笑殺渭上翁

和王景彝正月十四夜有感

燈光暖熱夜催春天半樓閣飲近臣馳道橫頭起山岳露臺周匝簇朱輪隔簾艷色多相照下馬輕豪各競新我已暮年殊趣嚮濃油一盞按邊身

送雷太簡知虢州

牛車讀古書少作游秦客一朝起爲郎華省何

赫赫若有南山雲時時生枕席雲潤不益老
吸乘間陳抱病初駭聞既愈賴藥石遂請甞太
守號事簡且適况有三堂存韓詩猶可覲永歌
復飲酒東平希阮籍

次韻和景彝元夕雨晴

春雲收暮城九陌灑然清星出紫霄下月從滄
海明車音選似畫鼓響已知晴靜閉衙門卧無
心學後生

早春書局卽事

薔薇結舊蔓天桃種新紅傷根桃不死著架蔓
依叢要以玩芳物亦寧負春風誰念太行下移
谷學愚公

古意

林中卽鹿人常爲虎所卽虎豈援鹿者亦各求
其食趨利不顧害禍患安可息古來遷世士輕
彼用智力

送李閣使知冀州

駸駸黃金絡春風北渡河將軍守漢法壯士發

燕歌綠水塘蒲短晴天寒鴈多家聲復年少夏
鑠笑廉頗

郭園梅花 二月一日

未逢柳條青獨見梅蕊好猶怯春風寒不比江
南早清香拂酒杯素色欺蓬葆佳人金縷衣唱
徹嗟身老

送襄陵李令彥輔

李宋丞相妹婿承叔少居隨州尚往其家

公相爲近親翰林爲故人親舊各貴顯青袍未
離身六十去作令豈慕要路津又思漢東歸便
置漉酒巾深希陶淵明澹然意已真食棗齒易
黃晉俗誠自淳尙不願隋珠安肯與此鄰送君
識君心掃跡向世塵且歸漢東便欲致仕

詠劉仲更澤州園中醜石

君家太湖石何從太湖得太湖天東南太行天
西北相去三千里雖有何致力古人煩舟車頑
質無羽翼竅引木蓮根木蓮依以植秋地出其
中舌吐虹霓色君嘗夸拉我怪怪亦特特以醜
世爲惡茲以醜爲德事固無醜好醜好貴不惑

送趙子淵知潁州

舊穀不棲畝新春原鹿餓野荒多寇寇詔發撫
疲羸驛騎東風急苗田小雨遲應同漢太守嘗
澤亦能隨

寄題楊敏叔滄州吏隱亭

賢哉號略君守箠事頗簡有亭後園中登覽早
至晚了了松栢關氣象入醉眼花草發瑣細舍
鳥啼現曉竟日人不來亦莫去杯盞

次韻王舍人憶省中小桃寄江學士

淺綻燕脂紫蠟芳深斟吳酎白瓊觴鳳池人憶
去年豔雉省客無今日在髻鬢物華先上死依
侬歌吹下昭陽平明社雨莫催促應說移牀欲
近傍去歲正閏
禁中賞花

次韻劉原甫社後對雪

社日遇群飲北風歸馬驕陽鳥雲斗晦來燕翅
難調朝霞侵花冷春陰到地消宿醒無酒解薄
被覺寒餽爐炭重然獸衣裘更御貂蟄宮蟲復
閉時鳥腹將枵點綴何多思輕狂不柰飄雅知

妍可玩寧恤氣爲妖劍客偶然興海神非次朝
唱高仍和寡公又作長謔

次韻永叔二月雪

春雪損萌芽未必摧杞菊我心無愛憎隨分樂
自足桃李紅間白豈不悅我目杞菊嫩且甘豈
不飽我腹看花食蔬仍舉杯趁取衰遲鬢猶綠

聞王景彝雪中禱祀還

二月漫漫雪齋宮夜寂寥壇場祠乙鳥桑柘響
陰臬屨帶春泥重駒回廣野驕還批五色詔池
上路瓊瑤來帖云絃歌之外
時復林象哀鳴

次韻景彝祀高禩書事

聞說郊禩喜氣翔曾由乙卯命封商今朝鍾鼓
登歌祀何日熊羆作夢祥掃雪野廬風凜凜陸
壇公衮佩鏘鏘君門賜胙子何有不似矜誇鳳
沼傍

次韻和永叔雨中寄原甫舍人

賴得春巢燕未歸高簷終日雨衰衰細籠芳草
踏青後欲打梨花寒食時美景已嗟空過盡名

園猶許候相隨錦鞍切莫九衢去拍拍一如鷺

鳴池近日曾憶
赴北園

毛君寶秘校將出京示予詩因以荅之
古城踏成谷不見人馬蹤古人豈不行舊跡豈
不重從何求故步往返自憶憶視君百篇詩善
畫人形容毫髮無不似落筆任橫縱局如握明
鏡物物目所逢贈以東南歸擲去手中筇

劉仲更杉唐書局中種郁李

冷局少風景買花栽作春前時櫻桃過今日雀
李新搦條紅萼蕾姻娜含雨勻舊來薔薇叢饒
借與近鄰始移棗蓊密不慙車下榛日暮綴書
罷暫賞舉杯跋

和劉原甫復雨寄永叔

階下青青欲染衣晴光纔漏又霏微衝風鷺子
嘶泥去隔樹鴉鳴婦歸乍冷乍陰將禁火自
開自掩不關扉渾身酸削懶能出莫怪與公還
往稀

送正仲都官知睦州

每嗟相逢少常苦離別多行行復壯壯往往起
悲歌古來易水上義士有荆軻相驅思報恩飲
恨歌奈何况彼兒女懷牽纏如蔓羅是以世間
人鬢髮易番番喜君得郡章東歸隨春波灘上
嚴子祠繫船聯經過其人當漢與富貴不可羅
足加天子腹傲去釣于河冬披破羊裘夏披破
草蓑心中小宇宙尤哂獻玉和我慙賤丈夫豈
異帶面儼未免爲鬼笑誰知懼揮訶安得如君
行收跡已嗟訖空將閒歲月塵埃浪銷磨正同
三峽買盡力向盤渦

續永叔歸田樂秋冬二首

秋風忽來鳴蟋蟀豆葉半黃陂水枯織婦夜作
露欲冷社酒已無人相呼坎坎擊鼓坐林下醉
去自有兒童扶壯男獨獵南山虎中子已披荒
徑孤田家此樂樂有餘食肉緝皮裘豈無我雖
愛之乏寸土待買短艇歸江湖

北風如刀割寒骨穀已成困不倉猝任從密雪
落交加旋採乾薪燒楮拙鋤犁滿崖牛在牢鵝

鳴亂鳴雞亂發割烹炊黍待鄰叟飽向茅簷間
兀兀田家此樂樂無涯誰道一生空汨沒公希
平子定何如我效梁鴻終適越

和介甫明妃曲

明妃命薄漢計拙憑仗丹青死悞人一別漢宮
空掩淚便隨胡馬向胡塵馬上山川難記憶明
明夜月如相識月下琵琶旋裂聲手彈心苦誰
知得辭家只欲奉君王豈意蛾眉入虎狼男兒
返覆尚不保女子輕微何可望青冢猶存塞路
遠長安不見舊陵荒

羈楊愈太丞之壽州見別

疇昔西州謝法曹聲名籍甚我徒勞升沉一府
已荒冢憔悴兩人猶二毛眼見榮華能幾日心
知富貴只秋毫淮南魚美香粳滑飽去清吟豈
不高

贈太子太傅王尚書挽詞二首

周原開隴隧鹵部葬名臣北極履聲絕東朝車
跡溼歲舟移夜壑棲鵬去承塵共看劉寬墓碑

陰幾許人

平生性忠厚所守必尊君面實賢惠混心惟白
黑分事光中執法書集右將軍天意若埋沒北
邙松栢墳

送陝西都運彭待制

塞下兵難去關中粟未多君心同漢帝糧道得
蕭何函谷馬蹄入渭橋車轍過地形終險固山
色舊嵯峨不媿先賢傳重聽得寶歌歸來奏天
子安穩看鳴珂

送羅職方知秀州

陸雲嘗誇千里莼便輕羊酪同埃塵君今得郡
正千里已患無羊狀此珍乃知南北各所樂乘
舟不如乘馬惡水邊不見秦羅敷縱有西施肌
肉薄使君事事未稱意綠水芙蓉定何若

寄懷劉使君

昔我從仲父三年在河內春游丹水上花木弄
粉黛人誇走馬來盡眼看沒背薄暮半醉歸揮
花紅簇隊使君今少年時往勸耕未安行過樹

下野杏正破，穎何不學山。公酩酊還倒載，令人知使君心膽不瑣碎。切莫憇婦翁慷慨臨弁代，一朝由謗謫難去。良苦愛實計，幸不幸豈較進與退。因書寄此懷，繩墨老且悔。

贈僕射侍中劉相公挽詞三首

處外諸侯重，居朝聖主知。祇逢庚子日，夢異武丁時。歸櫂關山遠，凝笳道路悲。欲傳千古跡，佐世本無爲。

古今皆可見，富貴不常存。歌者未離席，弔賓俄在門。朱輪空返轍，綠酒尚盈樽。人事固如此，令名貽後昆。

歎此微末跡，見公三十年。貴爲天子相，能擇大賢東。第門闌在南，州隴隧延立。碑思叔子墜，淚峴山前。

送胥平叔太博通判湖州

依依堤邊柳，泛泛水中舟。舟行無遠近，柳影不隨流。東風欲粉絮，相逐江上頭。正見魷魚來，貫條尾脩脩。使斫橫刀膾，便銷千里愁。檣端燕暫

語，卽飛入高樓。樓中饒客飲，共候風色柔。明朝同掛帆，直過南徐州。吳地多平湖，纜柂明鏡秋。芙蓉拂雨舫，女艇花底謳。不羨乘五馬，却逢羅敷羞。此官當此時，莫憶塵中游。

寄題張令陽程希隱堂

每讀陶潛詩，令人忘世慮。潛本太尉孫，心遠跡亦去。不希五斗粟，自種五株樹。曠然箕山情，復起濠上趣。今時有若此，我豈不懷慕。

李士元學士守臨卞，日有穀一莖九穗者。數本芝數本蓮，花連葉並帶者各一本。因賦之。

臨卞傳瑞物，太守在郡時。旣多九穗穀，復有三秀芝。芝以保萬壽，穀以豐東甯。更看芙蓉葉，並蒂照清池。

宛陵先生集卷第二十三

宛陵先生集目錄卷第二十四

郭之美忽過 讀蟠桃詩寄子美

孫司諫知鄧州 史尉還烏程

薛宅觀鵬孤圖 寄汶上

蕭著作宰豐城 董簿之信州鉛山

弟得臣答判越州 李舍人淮南提刑

吳殿丞代州通判 和人喜雨

胥尉之復州景陵 李審言歸鄭州

李舍人見過 春鶻謔

來夢 送淮南李提刑

次道往鄭拜墓 孫太祝亳州簽判

寄靈隱通教僧 李少傅佚老亭

令狐秘丞守彭州 和李舍人寒食

和張應之見贈 哭尹子漸

次道約浴 陳經秘校之信幕

朱太傅常州倅 師古邀賦

和中道寶相花 擬陶體手問足

足答手 目釋

贈葉山人 李廷臣通判蔡州

朱櫻 悼子

懷悲 和中道雨樹

荅永叔寄示 黃敏復尉新城

寄永叔 丞相二章

閔饒校二章 薛八殿丞有遺

師厚來莫其姑 諭烏

弟裴易進士 聞詠呈次道

寄楚州呂濟叔 荅中道小疾見寄

五月五日 送可教僧歸越

和裴如晦雨中 雨中宿三君書堂

和中道雨中見寄

目錄終

宛陵先生集卷第二十四

宋宛陵梅堯臣聖俞著

郭之美忽過云往河北謁歐陽永叔沈

子山

春風無行迹似與草木期高低新萌芽閉戶我
未知忽聞人扣門手把蟠桃枝問我此蟠桃緣
何結子遲但笑不復荅問者當自推振衣向河
朔河朔人偉奇以茲不荅意遲子北歸時

讀蟠桃詩寄子美末叔

韓孟杜文詞兩雄力相當偶以怪自戲作詩驚
有唐篇章綴談笑雷電擊幽荒衆鳥誰敢和鳴
鳳呼其鳳孟窮苦纍纍韓富浩穰穰窮者咏其
精富者爛文章發生一爲宮琴歛一爲商二律
雖不同合奏乃鏘鏘天之產奇怪希世不可常
寂寞二百年至賢理無光郊死不爲島聖俞發
其藏患世愈不出孤吟夜號霜霜寒入毛骨清
響哀愈長玉山禾難熟終歲苦餓腸我不能飽
之更欲不自量引吭和其音力盡猶勉強嗟我

於韓徒足未及其牆而子得孟骨英靈空北邙
誠知非所敵但欲繼前芳近者蟠桃詩有傳來
北方發我衰病思諒如得春陽欣然便欲和洗
硯坐中堂筆墨不能下恍恍若有亡老雞黃爪
硬未易犯其場不戰輒自却雖奔未甘降更欲
呼子美子美隔濤江其人雖憔悴其志獨昂昂
氣力誠尚對勝敗可交相安得二子接揮鋒兩
交鏖我亦願助勇鼓旗譟其旁快哉夫子樂一
爵宜百觴垂離難會合此志何由償

孫司諫知鄧州

甫

南陽漢名都其俗尚敦樸亡徒項爲盜刺史安
與角田野遂焦熬蒿萊思沃濯茲雖得甘露向
已苦風電更張固所重下令未宜數且觀道傍
碑文字今已剝

史尉還烏程

宏

與君去年別君來竟悲喜乘馬夜訪君備陳昔
行李五月辭吳中六月渡楊子七月行喪妻是
月子又死買棺無藥金助貸賴知已嬌兒晝夜

啼幼女飲食止行路况炎蒸悲哀滿心耳青銅
不忍照憔悴鄰柵鬼八月至都下少長疾未已
一婢復嗔然老媪幾不起君門日預朝僕乘貧
可耻十月補王畿受代隔歲紀閉門陋巷中悶
默閱書史初聞君至之如見湖山美今聞君復
還爲我謝雲水故交儻相問懷抱今如此豈乏
南飛鴈豈無東下鯉自同嵇康懶作書愁把紙

薛九宅觀雕狐圖

蜀中處士李懷交手書皂雕擒赤狐猛爪入頰
背逆血短尾側俛窮蹄鋪雕爭怒力狐爭死二
物形意無纖殊一禽一獸固已別硬羽軟毛非
筆模入君此室見此圖如在原野從馳驅

寄汶上

大第未嘗身一至人猜巧宦我應非彈冠不讀
先賢傳說劔休更短後衣瘦馬青袍三十載故
人朱轂幾多違功名富貴無能取亂石清泉自
憶歸

蕭著作宰豐城

王都二月花正開社雨作陰運燕子人先春色
向江南江南春色歸春水拍岸綠波生荻芽展
羞聊可助甘旨縣涂爲政子所諳不敢贈言言
日邵

董安員外之信州鉛山簿

古岸綠蒲老春帆逆水輕涼解聊以芰泝險復
無程可用茲時樂無將遠道驚曾爲江上客因
贈北行人

弟得臣殿丞簽判越州

前爲山陰宰

再爲會稽行聊問會稽美禹穴遷所探秦望斯
所紀年代已浸深書碑必亡矣剡溪有樵風其
事恐非是買臣千載後得無負薪子黃庭昔換
鴉道士僮不死行當訪其真願以鴉報爾慎勿
笑我癡萬事難可擬摘筍復盈樽鱸魚新出水
此又食之珍因書悉條理

李舍人淮南提刑

啄木欲除蠹蠹去樹亦捫何須食微蠹爾腹豈
不飽天下本無事自爲庸人擾君實知古深終

慙用傾巧

吳殿丞代州通判

舉才不避勢必也知其長王官誠濟濟豈得佐邊疆代郡實雄夏昔已選帥良功名乃欲取叱馭登太行

和人喜雨

仲冬至仲春陰隔久不雨耕農將夫時萌穎未出土帝心實焦勞日夜不安處禱祠煩駁奔盼饗香無補帝時降金輿徧款靈真字百姓知帝勤變愁爲鼓舞和氣能致祥是日雲蔽午夕風不鳴條甘潤忽周曾已見堯爲君安問誰爲輔

胥員外之復州景陵尉

城隅漢水關正足槎頭編采荇無登俎施屐不貴錢江帆風勢美竹崖雨聲連必有蒼苔碣畱爲好事傳

李審言歸鄭州

嘗從京索閒羅馬望春山氣象歸王國丘陵接漢關長榆啼鳥亂細草牧陂閒老獸行塗路因

歌送子選

李舍人見過

春泥無處所窮巷少人行忽枉青絲騎曾非白面生笑言聊與適雞黍未嘗烹莫歎余貧甚吾儕業本清

春鶻謠

春巢粟粟衆鳥哺兒衆鳥不出巢群雛噉噉腹甚饑不出巢其謂何上有蒼鶻窺其窠問鶻何仇鶻不我顧我巢有雛開口待哺一日不擊巢雛不食爾憂爾雛衆鳥號呼又可吁

來夢

忽來夢我于水之左不語而坐忽來夢余于山之隅不語而居水果水乎不見其逝山果山乎不見其途爾果爾乎不見其徂覺而無物泣涕連如是歟非歟

汴之水三章送淮南提刑李舍人

汴之水分子河黃流濁濁激春波昨日初觀水東下千人走喜兮萬人歌歌謂何大船來兮小

船過百貨將集王都那君則揚舡兮以糺刑科
汙之水入于泗黃流清淮爲一致上牽下櫓日
夜來千人同濟兮萬人利利何謂國之漕商之
貨實所寄我送行舟于水之次春風吹兩旗君
作天王使晷客自求魚清江莫相避

宋次道一百五日往鄭拜墓

去不避春雨泣望松栢門颯然風悲響如感泉
下魂沃醑向墳土空濕陳草根人歸夜月冷石
馬在九原

孫太祝亳州簽判

微風起船尾雨氣生日脚不愁春路泥正泛春
波樂順去疾鳥飛問程殊我度才名畱守家更
入尚書幙

寄靈隱通教僧

奇山若洗青草木生石上根萌不可窮條蔓自
增王其陰有高僧日食惟一盞世人久已踈猿
鳥應相向

李少傅鄭圃佚老亭

莊生述天理老固當念佚舉世用自勞誰能以
爲必我公謝謁司嗣子都華秩代言輟帝右作
藩輔王室承顏向茲地園宇樂求日佳樹發已
繁脩竹移未密春禽時弄吭清景付吟筆朱金
待金構榮美安與匹

令狐秘丞守彭州

前時草草別渺漫二十年從宦各所適非爲道
路偏今始一相遇言愧少壯前子有萬里翻尚
不飛雲烟而復走隴蜀欲以條教宣將西過危
棧葉暗聞杜鵑未知爲郡樂預已抱愁煎再來
與子辭當去復畱連且念前期遠歲月實易遷
依韻和李舍人旅中寒食感事

一百五日風雨急斜飄細濕春郊衣梨花半殘
意思少客子漸老尋游非戢戢車徒九門感家
家烟火萬家微今朝甘自居窮巷無限墻間得
醉歸

依韻和張應之見贈

京洛多游好相與歲月深雖同執一篙吹曲各

異音自微衆音響安感萬物心我窮子來唁慄
慨發長吟

哭尹子漸

其弟師魯守澠

故人河內守昨日報已亡同氣泣上黨悲風生
太行曩爲衆所惜今復人共傷阮藉本真率感
髮壽不長

次道約食後同敏叔中道平叔如晦詣
景德浴以風埃遂止

昔思春服成浴乎沂水上仲尼亦所志語此雖
未向子今當是時有意同我尚已邈二三友欲
往期畢餉倏然風滿途塵土阻清曠安得一振
衣徒希舞雩唱

陳經秘校之信州幙

東吳海物錯南楚江味多家吳而宦彼風土去
幾何既得風土樂可贊政治和歸來識香草爲
綴楚人歌

朱武太博通判常州兼寄胡武平

昔我陽夏公嘗茲同郡治政餘作東園草木尚

有意豈不務安養斯民歌樂易是時有賢才鄉
舉堪皇器今方居象廬試質當時事願君思前
人文雅庶未墜

師厚云融古未有詩邀予賦之

貧衣弊易垢易垢少識難群處裳帶中旅亦裘
領端藏跡詎可索食血以自安人世猶俯仰爾
生何足觀

依韻和中道寶相花

嘉卉得所托植君之寢陽開榮同此春淡艷自
生光不爲露益色不爲風盡香節換葉已密尚
可見餘芳

擬陶體三首手問足

共生一體中出處常相并所動輒有跡何不擇
地行履曷雖可蔽步武豈無聲嘗思汝爲王請
別見直誠

足荅手

上下各有分同質質異支要用固爾先當念扶
我危我則爾獨安何以幸華夷且願縮袖間操

執自有時

目釋

我居元首間分並日月光左右各照曜言一豈
相妨尚恐有所譬獨見不能強嗟爾手與足何
爲欲競傷捉馳自有職勿使心悲涼

贈葉山人

傾珍奉賓客傲物去珥貂貴來不以屈飲酒且
逍遙黃金百鎰盍左右無纖腰但存丹砂術有
道在一畝

李廷臣通判蔡州

夾路青青草隨君去未休亦將離思遠還共翠
心抽細藉車輪穩蕙牽野蔓柔王孫歸不久冉
冉莫經秋

朱櫻

明珠摘木末紅露貯金盤始見侍臣賜已爲黃
雀殘味兼羊酪美食狀楚梅酸苑囿東周盛累
累暎葉丹

悼子小名十

舟行次符離我子死阿十臨之但驚迷至傷友

無泣歎定始懷念內若湯火集前時喪爾母道
恨尚無及邇來朝哭妻淚落襟袖濕又復夜哭
子痛併肝腸入吾將仰問天此理豈所執我惟
兩男子奉一何太急春鳥獨蔓延哺巢首戢戢

懷悲

自爾歸我家未嘗厭貧窶夜縫每至子朝飯輒
過午十日九食盞一日儻有脯東西十八年相
與同甘苦本期百歲恩豈料一夕去尚念臨終
時拊我不能語此身今雖存竟當共爲土

和中道雨樹

一旬苟不雨萬木昏蒼蒼朝見洗林葉動搖生
輝光晚逢開踈陰枝上漏微陽翠色固以好安
得無秋霜

末叔寄詩八首并祭子漸文一首因采
八詩之意警以爲答

昔聞退之與東野相與結交賤微時孟不改貧
韓漸費二人情契都不移韓無驕矜孟無覲直

以道義爲已知我今與子亦似此子亦不愧前人爲非都徒兒昨日至扣門乃得所遺詩上言病中初有寄下言我詠蟠桃枝盛衰開落感殘杏暮春無事羨游絲班班鳩鳴忽懷念一掃十幅無閒辭洛川花圖多品目闢新爭巧始可疑讀書又憶石夫子似蠶作蠶誠有之鎮陽歸夢非潭北吟此八章誰謂寢最後有文弔尹子壽夭難問信所悲共書大軸許傳玩一日百展曾忘疲報君亦欲齋蒲軸恐費紙墨令人嗤

黃敏復尉新城

新城接桐廬山茗久所利江東亡命兒販不畏
照荆堂上千金子捕以操兇器恐非吾徒爲勇
少乃可避

寄永叔

夏日求以靜渴鳥方在枝張口不能言翕翕兩翅披庭中有井泉井深無縷縻欲汲假其鄰鄰且非我知鴻鷗矯河上比爾得所宜得宜豈不樂胡然我念之

丞相二章

丞相之拜冠弁放至乘馬載驛如彼鉅擘有鷹有龜有魚烝然來萃翔沫嘯呼丞相之去乃還印綬乃飭車輪如彼涸津時靡翔羽時靡游鱗寂兮寂兮豈有嘉賓

閔讒狡

矯有讒狡讒以戕類狡以媚其貴謂不騫不墜謂人莫爾制而死制之誰謂無鬼孰制之死彼狡之將死若有以見既見既惡之引袂蒙面謂人莫爾辨而自辨之誰謂無鬼孰俾之讒

薛八殿丞有遺

未嘗營貨負貨負寧爲來俸苦月不足貧死口肯開好事忽我恤十千助晨杯薪水已過豐不得如顏回

師厚與胥氏婦來奠其姑

雙裾來此室慟哭拜靈牀魂衣想髮髯薄酒湛其觴合悽拊孤稚拭淚問平常我生都無如仰看燕在梁

諭烏

百鳥共戴鳳惟欲鳳德昌願鳳得其輔咨爾孰
可當百鳥告爾問惟烏最靈長乃呼烏與鵲將
政庶烏康烏時來佐鳳署置且非良咸用所附
已欲同助翱翔以燕代鴻鴈傳書識暄涼鸚鵡
代鸚鵡刺舌說語詳禿鶴代老鶴乘軒事昂藏
野鴉代雄雞爪觜稱擅場雀豹代雕鶚搏擊肅
秋霜蝙蝠嘗入幙捕蚊夜何忙老鴟啄臭腐盤
飛使游揚鶴與梟鶴待以爲非常一朝百鳥
狀讒烏出遠方烏伎亦止此不敢戀鳳傍養子
頗似父又貪噪豺狼爲烏鳥不伏獸肯爲爾戕
莫如且飲翻休用苦不量吉凶豈自了人事亦
交相

吊裴易進士

力學未及仕口中已含珠賦命固所負讀書非
所辜歛送有兄弟哭泣無妻孥惟此塵薄厚必
竟同一途

間誄寄呈次道

我聞日貧縛子間數疾纏間固不可常吾觀與
子然吾與子嗜學豈獨間窮年安安者誰歟分
亦似所偏

寄楚州呂濟叔

亭午鳥不下誰後過我廬忽聞扣門者偶出問
何如云是山陽吏太守遣置書自惟久窮困游
子安念子淮陰况嬰津賓館無暫虛豈意有所
逮委曲情未踈報言愧不覩聊以謝興居

荅中道小疾見寄

嵇康性彌懶曾不廢養生子姑當妙年何乃勞
其精老耽有至論身孰親於名詩本道情性不
須大厭聲方聞理平淡昏晚在淵明寢欲來於
夢食欲來於羹淵明儻有靈爲子氣不平其人
實傲佚不喜子纏索吾今敢告子幸願少適情
時能與子飲莫惜倒餅罌

五月五日

屈氏已沉死楚人哀不容何嘗奈讒謗徒欲却
蛟龍未泯生前恨而追沒後蹤沅湘碧潭水應

自照千峰

送可教僧歸越

萬事欣尋常羨慕每不足居南多北思在遠愜
近俗既來橘變枳但見空條綠氣味誰復論孤
根逗崑曲

和裴如晦雨中過其亡兄易居

人亡雨館寂車馬偶來臨濕衣添新淚故物傷
夙心淒淒庭下樹萬葉起哀音此地嘗對語在
昔豈知今

雨中宿謝胥裴三君書堂

急雨射窓鳴燈殘我正寢穴蚓聲苦長沉響入
孤枕衆醉如不聞強聒亦已甚夜短竟無寢困
腫劇塵磳

和中道雨中見寄

雨淫上復落雲暗不少開泥將沒馬脰思子日
幾迴我既不可往子亦不可來屋漏又苦甚巾
烏生莓苔安肯問農畝唯憂無酒材但能置醇
酎莫負吾樽壘

卷第二十四

宛陵先生集目錄卷第二十五

送謝寺丞及第 苦熱

和廷老三月十四日

劉薛二君過子 荅宗說遺水

劉殿丞通判建州 和中道伏日

和蔡仲謀苦熱 儼上人粹隱堂

送鄭都監瀛州 送刁安豐

劉八飲將散 贈張處士

將行與仲謀 荅裴送序意

和應之晚景 送楊秘丞入蜀

乙酉六月二十一日

聞末叔喪女 寄謝開封薛辛

草木 夢登河漢

寄宋次道中道 日蝕

寄王江州 薛九請賦山水字詩

七夕有感 過開封古城

通判桃花廳 許州起慶曆五年秋六年夏

任廷評歸京 和通判雞冠花

秋夜感懷

和通判招詠月

蚯蚓

秋風

韓寺丞通判郢州

韓欽聖問西洛牡丹

夢感

秋鴈

和通判有寄

曹承制知永康軍

三鳥

龍箕

宛陵先生集卷第二十五

宋宛陵梅堯臣聖俞著

送謝寺丞新賜及第赴扶溝宰

世所重登科如君特才選麗賦驚宗工妙譽動
京輦行鷄路非遐雙旗風欲展聯閔民版餘應
不負墳典

和李廷老三月十四日

三月日幾望士游漆水陽漆流已渙渙有美此
翱翔偶來適此願月色同滿牀士曰陟少室女
曰歸大梁及晨各異役悲喜竟回腸芍藥有遺
風贈好期不忘固匪子能逮是焉繼新章

苦熱

赤日若射火林風不動梢羸汗尚流沛冠服豈
堪包貴人諒有稟慣習非強教竊觀行車馬金
蕩劇煨炮寧思山中人石泉浸兩腋

劉薛二君過子過雨

猛雨迫好鳥止我屋室隅是時有劉薛亦旣此
馬俱我廐秣爾馬我厨飯爾奴二人乃可語因

目錄終

觀爾馬圖古筆得神妙俗工非所模收圖而且止鳥飛當駕驅

荅廷評宗說遺米

仲夏遵餘閭屋室如炊蒸孰云窮處者言贈太官冰時靡有暇死實亦賴友朋定能涼一席既已却青蠅吾心久自信飲已不以矜

劉牧殿丞通判建州

平生交游少海內寡與期識君且恨晚一見已將離人言何嗟別曾此非舊知借曰匪我舊亦既接音詞譬彼空林鳥止息偶同枝忽有振翮去尚爾鳴聲悲我今臨流送安顧俗所爲

和中道伏日次韻

伏日每苦熱古來亡事侵嘗聞東方朔割肉趨庭陰百職當早罷將畏赫日臨我無歸遣人懷念空露襟

和蔡仲謀苦熱

大熱曝萬物萬物不可逃燥者欲出火液者欲流膏飛鳥獸其羽走獸獸其毛人亦畏絺綌况

乃服冠袍廣屐雖云託呼風不動毫未知林泉間何以異我曹蠅蚊更晝夜膚體困爬搔四序苟迭代會有秋氣高

儼上人粹隱堂

十年不出戶世事皆刻鏤時無車馬游焚香坐讀書有堂曰粹隱惟見安且舒心遠迹非遠歲月速輪輿寓目暫爲實過者卽爲虛譬若開是室終日於此居欲問昨日事已覺今日踈明朝却視今復與前何如聊悟此中樂猶觀濠上魚

送鄭太保瀛州都監

秋氣入關河匈奴久已和瑯弓聊可試寶劍不須磨草木將搖落牛羊自寢訛能知塞垣景持以贈吾歌

送刁安豐

嘗游芍陂上頗見楚人爲水有鳥魚美土多薑芋宜寧無董生孝將奉叔敖祠舊令乃吾友寄聲於此時

劉八飲將散分得非休沐不得會

月晦日

君非休沐時茲會豈能得我無官局繁幸爾預
歡適莫辭衝雨歸歸時烏帽側

贈張處士

聞爾閑於琴寢處未嘗輟抱之京師來豈與工
師列一奏流水聲落指鳴嗚嗚央央既曰林壑人安
事塵土轍

將行與蔡仲謀飲分席上果得桃

曾無千歲人安見千歲實聊效昔所投瓊瑤報
非一

答裴送序意

我欲之許子有贈爲我爲學勿所偏誠知子心
苦愛我欲我文字無不全居常見我足吟詠乃
以述作爲不然始曰子知今則否固亦未能無
論焉我於詩言豈徒爾因事激風成小篇辭雖
淺陋頗尅苦未到二雅未忍捐安取唐季二三
子區區物象磨窮年苦古著書豈無意貧希祿
廩塵俗牽書辭辨說多碌碌吾敢虛語同後先

雅當稍稍釋銘誌願以直法書諸賢恐子未諭
我此意把筆慨歎臨長川

和張士曹應芝晚景

遠空雲解駁南陌雨初收獨鳥去烟外斜陽明
樹頭涼廳虛枕席漲滂起汀洲會有從軍役將
離更暮愁

送楊浩秘丞入蜀

有才不得試志亦無所干有母不得養法當之
遠官雖曰在良政孝心寧得安志願且未遂而
趨蜀道難行思叱馭者勿復苦長歎

乙酉六月二十一日子應辟許昌京師

內外之親則有刁氏昆弟蔡氏子予之
二季友人則胥平叔宋中道裴如晦各
携肴酒送我于王氏之園盡懽而去明
日子作詩以寄焉

性僻交游寡所從天下才今朝誰出祖親戚持
樽曷晚節相知人唯有胥宋裴所欠謝夫子歸
穫尚未迴岸傍逢名園繫舟共徘徊嘉運如笑

迎照水呈丹顯南庭葡萄架萬乳纍將礎群卉
競瑣細紫紅相低俛尋常固邂逅孰辨落與開
酒闌各分散白日將西頽城隅遠有隔北首望
吹臺

開封古城阻漢聞未叙喪女

去年我喪子與妻君聞我悲嘗俛眉今年我聞
若喪女野岸孤坐還增思思君平昔憐此女戲
弄膝下無不宜昨來稍長應慧黠想能學母粉
黛施幾多恩愛付涕淚灑作秋雨隨風吹風吹
北來雷我袂哀樂相恤唯已知自古壽夭不可
詰天高杳杳誰主之以道爲任自可遺目前况
有窻簷兒

寄謝開封宰薛贊善

子生多不偶事事相與背適從平川役乃遇河
決潰舟膠在中野寸步使心晦誰知赤縣尹勤
恤每外內文符飭亭長冠盜虞鼠輩仍能饋餅
餌童稚仲所賽今又置酒壺惠問亦已再令我
清夜飲是夕值月晦獨酌効謫倦而復無影對

如何亡情游似亦有世態家人誠可同况我昨
喪肥難曰預朝裾左右無粉黛兀然唯書史舊
學狀瑣碎欲探文字工下筆語多礙却思君西
齋新治虛可愛燕坐禽鳥寂吟哦簿書退此樂
吾未如區區勞覆載

草木

草木無處所動搖知風形今日萬葉黃昨日萬
葉青青既漸衰變黃亦漸凋零人生恃歲月種
栢滿郊垆

夢登河漢 六月二十九日

夜夢上河漢星辰布其傍位次稍能辨羅列爭
光芒自箕歷牛女與斗直和當既悟到上天百
事應可詳其中有神官張目如電光玄衣乘蒼
虬身珮水玉璫丘蛇與寄籠盤結爲紀綱我心
恐且怪再拜忽禍殃臣實居下土不意涉此方
旣得接威靈敢問固不量有牛豈不力何憚使
服箱有女豈不工何憚縫衣裳有斗豈不柄何
憚挹酒漿卷舌不得言安用施寄蒼何彼東方

箕有惡務簸揚唯識此五者願言無我忘神官
呼我前告我無不誠上天非汝知何苦詰其常
豈惜盡告汝於汝恐不祥至如人間疑汝敢問
於王扣頭謝神官臣言大爲狂駭汗忽爾覺殘
燈焚空堂

寄宋次道中道

再來魏闕下舊友無一人或爲美官去或爲泉
下塵晚歲相知者操節許松筠日世常山公伯
仲文學均與我數還往以義爲比鄰屢假篋中
書校證多護真次述盈百卷補予如繼秦中作
淵明詩平淡可擬倫于時多驕佚黃卷罕所親
昨以興西師往往劔射伸短衣誇走馬睥目語
常驥欲效西山勇遂笑東魯仁捨本趨富貴乃
與市賈瀆以此較於子素業固未泯前日之許
昌別君已經旬偶然值河決窮坐如涸鱗臨風
思有寄夜詠還達晨

日蝕

赫赫初出咸池中浴光洗跡生天東不覺有物

來晦昧團團一片如頑銅前時蝦蟇食爾妃天
下戢戢無有忠責罵四方誰膽大仰頭憤憤唯
盧仝欲持寸刃去其害氣力雖有天難通是時
了無毫芒益徒有文字辯且雄仝死于今百餘
載日月幾度遭遮蒙有人見之如不見誰肯開
口咨天公老鴉居處已自穩三足問時何垂憐
而今有鬚不能噪而今有爪不能攻任看怪物
瞽天眼方且省事保爾躬日月與物固無惡應
由此烏招禍凶吾意髮髯料此烏定亦閃避離
日宮安逢后羿不垂暴直與審慈學強弓射此
賈怨烏以謝毒惡蟲二曜各安次災害無由逢
南不尤赤烏東不誚蒼龍非龜勿吐氣西虎勿
嘯風五行不汨陳虞舜生重瞳我今作此詩可
與仝比功

寄王江州

休嗟謫宦去山根勝窮邊當職言無隱他時事
好還何嘗聞瘼火唯是對爐烟潮到益城否猶
期信可傳

薛九公期請賦山水字詩

薛君堂懸山水字請我試作山水詩呼童磨墨
慰君意強作安得有好辭昔年曾是杜陵客東
城水上橫此碑字方數尺形勢復豈似取次筆
畫爲東城父老語於我推本朔自開元時不知
當時何所用費功鐫刻爲瑰奇我去長安十載
後此石誰輦來京師苑中構殿激流水暮春修
禊浮酒卮是時祠臣出不意酒半使賦或氣萎
日斜鳴蹕不可駐未就引去如鞭管脫我幸得
預此列玉階立寫從然其今雖下筆不稱意已
書滿幅令君嗤

七夕有感

去年此夕肝腸絕歲月淒涼百事非一逝九泉
無處問又看牛女渡河歸

過開封古城

荒城臨殘日雞犬三四家豈復古阡陌但聞新
桑麻頽垣下多穴所窟狐與蛇漢兵墮銅鍊青
血爲土花

通判桃花廳自此詩許州起慶曆五年秋盡六年夏

種桃西庭下有意迨東風東風與雨至染出枝
上紅花底有小鳥其子曰桃蟲旣於桃得名爲
桃言女工翦羅作舞衣奉君歡莫窮舉杯無愧
者避世武陵翁

任廷平歸京并序

廷平任君往者登進士科入許惛後二年予祓
太原公辟與君爲代君之嚴君以太子少保致
仕西都西都去許其道有三非趨鄭過函谷而
至洛陽其途而遠西趨汝由闕塞而河南其途
小艱然邇於非道西非趨登封歷轍而至洛師
其途險惡不與二道比君之歸也捨二道之平
易踐西北之險惡何哉是非急於拜慶耶豈特
與人情異歟噫人以爲險在君爲易由出於天
誠不爲難也出天誠易險道可謂孝也乎其
行予故作詩以送之

言之少室西定陟輾轅險歸心不避危夕枕屢
成麗秋聲故苑空野氣荒陵掩獨念京洛塵曾

將客衣染

和通判太博雞冠花十韻

神農記百卉五色異甘酸乃有秋花實全如雞
幘丹籠烟何聳聳泣露更團團取譬可無意得
名殊足聊逼真歸造化任巧即彫剗赤玉書雷
魏丹砂句誦韓魏文帝與鍾繇求王粲書論王
云頭骨碎丹砂誠能因物比誰謂一時難有客驛辭穎
臨風運筆端嘗嗟古吟缺每惜此芳殘揣情苦
精妙繼音慙未安

秋夜感懷

風葉相追逐庭響如人行獨宿不成寐起坐心
屏營哀哉齊體人魂氣今何征曾不若墮籜繞
樹猶有聲涕淚不能止月落雞號鳴

依韻和通判八月十五夜招翫月二章

尋常圓魄豈不好競愛今宵分外明明極只知
無隔礙誰言桂樹向中生

一年一見最堪惜百歲百夕能幾多縱有明年
似今夕明年同會復如何

蚯蚓

蚯蚓在泥穴出縮常似盈龍蟠亦以蟠龍鳴亦
以鳴自謂與龍比恨不頭角生蝶蠅似相助草
根無停聲聒亂我不寐每夕但欲明天地且容
畜憎惡唯人情

秋風

秋風不饒物斗至聲已惡青林葉尚繁雖好將
恐落人意誠愛惜節候肯相若白髮無再玄感
衰茲可度

韓宗彥寺丞通判鄧州

往歲陪祠秦壇下始一相見如相知我今入幘
君有待喜得款語勝前時便嗟陳事日侵汨雖
欲數面曾無期忽聞兵吏已運候馬有行色車
將脂賀君有意事清簡太守亦鄙尋常爲駢駢
步驟豈局促鳳皇羽翼多威儀漢家近親不復
有召父舊聞竹今臆應由狂者生利害曾未略
究民間宜祇言引水幸圭賦矯請罷毀功何施
千載厚惠一日去至今農畝空嗟咨夫子才高

識且遠勿畏勢力重扶持他年人作去思頌願
以大字書長碑

韓欽聖問西洛牡丹之盛

韓君問我洛陽花爭新較舊無窮已今年誇好
方絕倫明年更好還相比君疑造化特着意果
乃區區可羞耻嘗聞都邑有勝意既不鍾人必
鍾此由是其中立品名紅紫葉繁矜色美萌芽
始見長蒿萊氣焰旋看壓桃李乃知何地偶增
異遂出群葩號奇偉亦如廣陵多芍藥閭井荒
殘無可齒淮山遠秀付草樹不產髦英產佳卉
人於天地亦一物固與萬類同生死天意無私
任自然損益推遷寧有彼彼盛此衰皆一時豈
闕履燾爲偏委呼兒持紙書此說爲我臧之報

韓子

夢感

生哀百十載死苦千萬春何爲千萬春厚地不
復晨我非忘情者夢故不夢新寃若昔之日言
語尋常親及寤動悲腸痛逆如刮鱗

秋鴈

秋鴈多夜飛前羣後孤來儻合鳴自得隻去音
已哀哀音能感人腸酸非食梅共將形影對安
得不早衰

依韻和通判把菊有寄

湖邊草樹多靈葉已少色唯菊不畏霜淺艷如
有德自與蘭並生非因人所植愛貴曾未厭秋
日短苦逼朋好各相望採持空歎息臨杯不能
飲對案不能食借問若何憂節物感人極

曹承制知末康軍

鐵聽黃金羈年少蜀城守蜀城臨古江正在離
岸口離岸李涼鑿其利實不久既避沫水害又
以溉田畝大此百民宜遺祠奉牲酒行當謹厥
事無乃爲政首

三鳥

翩翩三奇鳥各擇松桂宜二鳥同所向並立高
高枝一鳥依別樹屈比二鳥卑嗟嗟天下鳥莫
與三鳥期三鳥鳴少和蒿間多鸞斯頻頻徒爾

黨三鳥安可欺

龍箕一首 并序

在昔賢人良輔之生也或山之神靈和氣之鄰
或星之魄曜晶明之所鍾故詩有嵩高之作稱
厥甫申傳說騎箕之說又得之前古公之誕日
考之星歷月次于箕宜與說同也夫登翊王室
爲宋鉅臣豈徒然歟謹依雅頌作龍箕一章十
八句以獻

龍箕在天莫不孕靈我公生之既生既德曾誰
與京爰弼帝右繼序其榮之贊我太平萬事其
成之殷我輔邦庶民其寧之政靡薄厚百職其
揚之宜言顯光永錫乎后王迺祝眉壽迺獻兕
觥福祿其將之

宛陵先生集卷第二十五

宛陵先生集目錄卷第二十六

李廷老見訪

墨竹

江寧李諫議

寄水叔

送胥裴二子廻

憶桐城山行

和平叔道傍竹

苔裴如暉

夜酌趙侯家

暮雪

西湖對雪

和資政侍郎雪後

王龍圖知江陵

和通判雪後招飲

和資政登看山亭

雪中通判家飲廻

雪後西湖宴集

苔王德言遺枰

劉運使因按拜省

苔通判

元日

通判遺新柳

送孫受卿鎖應

和劉察院送客廻

不知夢

邨城道中

汝州後池聽水

春鳩

留別汝州王待制

夢覺

汝州

逢牧

寄滁州歐陽永叔

衛州倅趙中舍

王侍郎命賦梅花 荅永叔寄篆字

和荅范天民 樊推官勸予止酒

和通判雨中 荅水丘

和永叔琅琊六詠

宛陵先生集卷第二十六

宋宛陵梅堯臣聖俞著

李廷老自蔡州見訪云明日便歸鄭

故人夜相遇秉燭爲開席車馬立在門罅酒豈
暇索壺盞別後言忽忽恨將適旣去暝色合不
可見行跡

墨竹

許有盧娘能畫竹重抹細拖神且速如將石上
蕭蕭枝生向筆間天意足戰葉斜尖點映間透
勢虛枯斷選續粉節中心豈可知淡墨分明在
君目

江寧李諫議

滄江石頭下云云瀉天東寒潮日夕至不與廢
興同陛下始封地氣象常鬱蔥六代有舊跡物
景付與公切莫負山水可追王謝風

方在許昌幕內第潞州謝判官有書遠

余詩送近聞歐陽永叔移守此郡爲我

寄聲也

目錄終

從事滌陽去寄音苦求詩吾詩因少愛唯爾太守知不敢輒所拒勉勉作此辭山城本寂寞物色同淮夷淮俗舊輕僇未識遠博宜無將麟在郊便欲等文狸爾去事太守當矯庸庸爲伊人道義富嘗立天子燁我輩在蟻垤難謂太華卑又若游蹄泮安見滄海涯况於爾實親告爾爾勿疑

送胥裴二子廻馬上作

陰陰雪雲低游子去將懶豈惟遊子倦疲馬行亦歎送罷我獨還迴看鷹爲伴念此日暮時寂寞閉竹館

初冬夜坐憶桐城山行

我昔吏桐鄉窮山使屢躡路險獨後來心危常自怯下顧雲容容前溪未可涉半嶮風颭然驚鳥爭墮葉修蔓不知名丹竇坼在芙林端野鼠飛緣椀一何捷馬行聞虎氣豎耳鼻息歡遂投山家宿咳汗衣尚浹歸來撫童僕前事語妻妾吾妻常有言艱勤壯時業安慕終日間咲媚看

婦譽自是甘努力于今無所憚老大官雖暇失偶淚滿睫書之空自知城上鼓三疊

和平叔道傍竹

野田有修竹叢疎飽於霜下上乏佳禽左右雜枯桑豈無行路于行路狀榛荒忽見此翠色徘徊未能忘車馬去何疾迴顧隔山岡

答裴如晦

懷我歌我辭乃知行子倦音雖彼妙發想若此可見歌竟夜燈青野窓鳴濕霰髮髯聞孤鴻飛急應有羨

夜酌趙侯家聞合流曹光道詣府遂訪之一夕縱談明日光道赴本任邀余詩送因叙其言以贈焉

方與舊將飲談兵燈燭前聞有故交至心喜輒論邊跨馬踏明月往見競畱連且共語出處子懷予久然男兒太平時功業未可先故當守詩書道義躋古賢苟復不得用卷以放林泉吾蘊誠若此柰何貧所纏仕宦偶同郡文字可以傳

行立志茲語聊用樂永年

暮雪

暮雪止復落暗積如避人
平明視庭中物物各已新
草木一變妍枯槁忘其真
隨風來無迹高下得以均
采薇歌卒章霏霏露車輪
今豈無是作勞苦不足陳

西湖對雪

獨玩湖中雪移舟水凍灣
寒塘起孤鴈危樹失前山
著物偏能積衝風不礙還
無慙子猷興都盡剡溪間

依韻和資政侍郎雪後書事

風旗冷落偏欺酒
衆樹芳菲欲並梅
人意不知南畝望
只驚鴻鴈向川來

王龍圖知江陵

捧詔出荊州
天心寄遠憂
行車踐殘雪
寒色犯輕裘
祖帳山川闊
歌驅道路愁
吏運多越乘
兵衛聚吳鈞
地與蠻溪接
江通漢水流
風宜橋林賦
俗尚竹枝謳
樽俎思晴日
烟雲感舊游
終當

勞侍從寧久渚宮面

依韻和通判太博雪後招飲二首

雪晴何所樂
樂趣在杯中
况復君家美
雕盤膾饍紅

邀飲奏醴醑
案杯烹蟹螯
吾非獨醒者
莫誦楚人騷

依韻和資政侍郎雪後登看山亭

湖上晴烟凍未收
湖中佳景可遲留
更臨危樹看群岫
雪色嵐光向酒浮

雪中通判家飲廻

特一卒彈胡琴

朔風聲滿枯桑枝
陰雲不定蛟龍歸
凍禽聚立高樹時
密雲萬里增寒威
訪君雷連舉酒卮
胡琴奏罷歡已微
小駒跨去沒四蹄
飄花凌亂雷人衣
醉目遠望天地迷
何暇更問孤鴻飛
茅屋豈無單且餓
平明共賀麥壠肥

雪後資政侍郎西湖宴集偶書

潭心不凍處
鴈鷺自相依
積雪正無際
因風忽起飛
初驚如避弋
復下信忘機
偶得從公飲
聊

書此景歸

近有謝師厚寄襄陽棋子乃吳人所謂
綠橘耳今王德言遺姑蘇者十枚此真
物也因以詩荅

荊州持大橘亦自名黃柑忽得洞庭美氣味何
可參遂生吳洲思恨不羽翼南

運使劉察院因按歷歸西京拜省

在昔志四海所遇非一途朝以言悟主夕卽被
金朱千茲亦未幾用直升雲衢臺分東西屬御
史從子除天馬日千里豈並局促駒朔北邊亂
萌襄嘉賜璽書乃衣漢使繡威譽傾國都借問
世上榮萬國與此殊明朝歸洛陽聊且饒高車
亭候况非遠春郊無疾驅

余之親家有女子能點酥爲詩并花果

麟鳳等物一皆妙絕其家持以爲歲日
辛盤之助余喪偶兒女服未除不作歲
因轉贈通判通判有詩見荅故走筆聊
之

翦竹纏金大杉掌紅縷纒紋挑作綢瓊酥點出
探春詩王刻小書題在勝名花雜果能眩真祥
獸珍禽得非廣礪落男兒不足爲女工餘思聊
可賞

元日

昔遇風雪時孤舟泊吳淞江潮未應浦盡室坐
相對行庖得海物醜酸何瑣碎久作北州人食
此欣已再是時值新歲慶拜乃唯內草率具盤
餐約略施粉黛舉杯更獻酬各爾祝鮑背咀橘
齒病酸目已驚老態豈意未幾年中路苦失配
嘉辰衆所喜悲淚我何耐曩歡今已哀日月不
可賴前視四十春空期此身在世事都厭聞讀
書未忍退過目雖已忘寧捨心久愛何當往京
口竹里翦荒穢行歌樂春節薪菽甘自刈

通判遺新柳

園柳發新萸官居雪尚墜君喜持報春衰意非
舊勇芳菲卽可挿予髮斲種種

送孫曼卿鑠廳赴舉

舊果豈非好截樹接新枝欲變明年花曾不根
本移屬彼自然性曰茲山水卑子才實飽富又
爲人所推固當升高科我送作此詩

依韻和劉察院送客廻過溟水馬上有
作

車騎踏春堤條然思如濯望聽人自避解凍魚
方樂擊流古樹根跨岸枯薪約烟雲淡淡天嫩
綠生叢薄

不知夢

夢中不知夢但謂平常時相與共笑言焉間久
別離有贈若有得及覺已失之人生在世間何
異夢寐爲

郊城道中

行行溪水邊鏡碧不可唾安知有沫流草木多
偃卧潭鳥瞥復沒灘沙淨如簸不獨荊州民居
險頸粟大

汝州後池聽水

春水泉脉動分嵩臨澗源源津出石齒冷冷紫

竹根猶和野雲翠復落郡池喧心靜意自適不
知朝市煩

春鳩

鳴鳩識陰晦聒聒鷓逐雄鷓巢汝得共可蔽雨
與風春物况不晚杏萼已半紅試看池館間燕
雀隨西東

留別汝守王待制仲儀

來時柳未芽去見杏吐萼相歡無幾日節候已
非昨邂逅二十年三遇三聯索會合信難常焉
用計踈數

夢覺

夕夢多夢之覺來遂成憶憶子生平時事往無
一得信若此夢寐豈不見顏色復存來告言言
虛音匪默是覺曷爲真覺夢可以惑

汝州

主人少聽我爲言風土殊美哉面有頰生此頸
若壺噫號無冬夏歲禱無嗟吁只憐郡池上不
異山林居

逢牧

國馬一何多來牧郊甸初大群幾百雜小群數十驅或聚如鬪蟻或散如驚鳥或踐麥無根或齧樹無膚牧卒殊不顧抱鞭入民墟欲酒與之飲欲食與之饋日暮卒醉飽枕鞭當路隅茫茫非其土誰念有官租

寄滁州歐陽永叔

昔讀韋公集固多滁州詞爛熳寫風土下上窮幽奇君今得此郡名與前人馳君才比江海浩浩觀無涯下筆猶高帆十幅美滿吹一舉千里只在頃刻時尋常行舟楫傍岸撐牽疲有才苟如此但恨不勇爲仲尼著春秋貶骨常苦咎後世各有史善惡亦不遺君能切體類鏡照媿與施直辭鬼膽懼徵文姦魄悲不書兒女書不作風月詩唯存先王法好醜無使疑安求一時譽當期千載知此外有甘脆可以奉親慈山蔬采笋蔗野膳獵麋麋膾膾古來美莫爲今且推夏果亦瑣細一一舊顏窺圓尖剝水實青紅摘

林枝又足供宴樂聊與子所宜慎勿思北來我言非狂癡洗慮當以淨洗垢當以脂此語同飲食遠寄入君脾

衛州通判趙中舍

我久在河內頗知衛風俗沙田多種稻野飯殊脫粟况聞別乘至佇望大河曲飲罷何以贈柔條路傍綠

資政王侍郎命賦梅花用芳字

許都二月杏初盛公府後園梅亦芳因思江南花最早開時不避雪與霜主人惜春春未晚遂命官屬携壺觴酒行守吏摘花至素艷紫萼繁於裝天桃穠李不可比又况無此清淡香豈辭盡醉對顏色頻嗅競粘鬚藥黃何時結子助調鼎我心舊職不敢忘

歐陽永叔寄琅琊山李陽冰篆十八字

并永叔詩一首欲予繼作因成十四韻

奉答

我坐許昌塵土中山翠泉聲遠眼耳公雖被謫

守滁陽日少郡事窮山水東南有風西北來忽
得書詩連數紙并寄陽冰古篆字字形矯矯龍
虵起其文乃只題姓名大曆六年春氣尾報云
此篆無人知野僧好事爲公指公雷崑下久徘徊
公公剔薶苔汲泉洗點畫雖然未苦訛霜侵風
剝多皴理公疑鳥迹踏蒼崕山祇愛惜將有以
雲藏至今不近俗月伴古源清且泚此石公知
石不知公與前人定知已墨模幾幅許傳玩臂
於玦玉終可喜况復爲詩刻其下句奇字峻驚
山鬼何當少得從公游爲公揮筆寧非美

依韻答范天民

古今冠佩立朝人多作非山松下塵我愛蟠桃
種來久開花結子不由春

樊推官勸予止酒

少年好飲酒飲酒人少過今既齒髮衰好飲飲
不多每飲輒嘔泄安得六府和朝醒頭不舉塵
室如盤渦取樂及得病衛生理則那予欲從此
止但畏人譏訶樊子亦能勸苦口無所阿乃知

止爲是不止將如何

依韻和通判二月十五日雨中

仲春月旣望物候恰分中窓聽五更雨花開前
日風詩成止酒後病怯舉杯空短髮雖然黑心
如一老翁

感春之際以病止酒水丘有簡云時雨

乍晴物景鮮麗疑其未是止酒時因成

短章奉荅

東風固無迹何處見春歸土逐草心坼雨兼花
片飛雖憐柔甲長只恐艷條稀君但惜晴景休
言止酒非

和永叔琅琊山六詠

歸雲洞

洞深豈不有神物朝朝但見雲飛還雲收雨歇
草樹濕澗下流水空潺湲

琅琊溪

枯藤垂溪水已消溪水淺澗石間亂潭靜鳥呼
人渡時鳥驚人語來還散

班春亭

林下鳩鳴圻晴杏田間水漫春溶溶使君固自足風美時傍青山去問農

庶子泉

沙沉石竇無限泉此泉緣底名不減庶子去來多少年依舊清心共泉潔

石屏路

尋常畫屏多畫山何意此山還作屏峭排直上幾千尺下有石路莓苔青

惠覺方丈

松門隱着我未識一見君詩如已爽歲月任隨人事遷此身不動雲生壁

宛陵先生集目錄卷第二十七

荅宋學士寄紙

二月雨後有蚊蚋

春寒

荅三韓見贈述詩

叙荅三韓簡

過穎橋懷未叔

樞澗晝夢

靈樹鋪夕夢

謝王汝州勸復飲

陪王待制觀牡丹

和王待制牡丹詠

洛陽牡丹

等慈寺望嵩岳

睡意

三月十四日汝州夢

再別仲儀

夕發陽程

缺月

道次靈井

荅江十鄰幾

喜謝師厚及第

荅通判惠庭花

水丘遺魚

和鄰幾見寄

雀奪燕巢

和未叔啼鳥

和未叔桐花

和王仲儀詠瘦

憶吳松江晚泊

寄尹師魯

夏日寄輔仲文

憶將渡楊子江

秀叔頭虱

宛陵先生集卷第二十六

稚子獲雀雛 丙戌五月晝夢

蜜 荅王德言

夢觀 悲書

寄曹光道惠李 深夏尚見柰樹有實

戲荅仲文惠海味 寄光化退居李晉卿

次甬江鄰幾 戲謝魏文惠薏苡

宛陵先生集卷第二十七

宋宛陵梅堯臣聖俞著

荅宋學士次道寄溼心堂紙百幅

寒溪浸楮春夜月敲冰舉簾勻割脂焙乾堅滑
若鋪玉一幅百錢曾不疑江南老人有在者爲
子嘗說江南時李主用以藏秘府外人取次不
得窺城破猶存數千幅致入本朝誰謂奇漫堆
間屋任塵土七十年來人不知而今製作已輕
薄比於古紙誠堪嗤古紙精光肉理厚邇歲好
事亦稍推五六年前吾永叔贈予兩軸今寶之
是時頗叙此本末遂號溼心堂紙詩我不善書
心每愧君又何此百幅遺重增吾艱不敢拒且
置縑箱何所爲

二月雨後有蚊蚋

春夜一二蚊蚋飛久不見之尙可喜而今稍喧
來聒人向後更暖柰爾肯

春寒

春晝自陰陰雲容薄更深蝶寒方歛翅花冷不

目錄終

開心亞樹青窈動依山片雨臨未嘗辜景物多
病不能尋

荅韓三子華韓五持國韓六王汝見贈

述詩

聖人於詩言曾不專其中因事有所激因物興
以通自下而靡上是之謂國風雅章及頌篇刺
美亦道同不獨識鳥獸而爲文字工屈原作離
騷自哀其志窮憤世嫉邪意寄在草木蟲豸來
道頗衰有作皆言空烟雲寫形象葩卉諫青紅
人事極諛語引古稱辨雄經營唯切偶榮利因
敵蒙遂使世上人只曰一藝充以巧比戲奔以
聲喻鳴桐嗟嗟一何陋其用無言終然古有登
歌級辭合徵宮辭由士大夫不出於替矇予言
與時輩難用猶篤癡雖唱誰能聽所遇輒瘖聾
諸君前有贈愛我言過豐君家好兄弟嘗合如
笙叢雖欲一一報強說恐非衷聊書頽頽石不
敢事磨礱

前以詩荅韓三子華後得其簡因叙下

情

前者報君詩妄說良有以昔予在京師多爲人
所詆短章然無工實未其藝比因君有過褒聊
且發憤排何言敢爲師乃是貴不躓平常遺口
語攢集猶毒矢此論苟一出是非必蜂起偶爾
道瘖聾多疑已竊指雖恃不欺衷恨未致速死
安得二頃田歸耕曷爲耻誰能事州郡雞狗徒
聒耳

過潁橋懷永叔

昔遠之官東郡時夜闌對酒風揭屋君今淮海
予再過古驛倏依老槐綠

湛澗晝夢

誰謂死無知每出輒來夢豈其憂在途似亦會
相送初看不異昔及寤始悲痛人間轉面非清
魂歿猶共

靈樹舖夕夢

晝夢同坐偶夕夢立我左自置五色綠色透縑
囊過意在甯補綴恐衣或綻破歿仍憂我身使

存心得塵

汝州王待制以長篇勸予復飲酒因謝

之

前因飲酒多乃苦傷營衛嘔血踰數升幾不成
病肺上念父母老下念妻兒稚不死常抱病於
身寧自貴棄子來勸我止飲良有謂公復遺我
詩責我詞甚毅指以年齒衰非酒何養氣春飲
景可樂夏飲暑可避秋飲心忘愁冬飲暖勝被
醉歌人不怪醉言人不忘在酒功實多止酒酒
何罪假如壽九十今子已半世不飲徒自苦未
必止爲利胡汨妄與真忍乖達者意屈原吟澤
畔方悟獨醒累子居今之時安免人病議是以
告子勤子守亦謬計我讀纔一過不覺顏起愧
自茲願少飲但不使疾熾書此以謝公公言誠
有味

陪王待制清涼院觀牡丹賦詩

公言牡丹盛未觀古人詩品衆自爭貴葉多方
見奇名因他姓著色爲別根移華髮我何感洛

陽年少時

和王待制牡丹詠

誰移洛川花一日來汝海濃淡百般開風露幾
番改傍欄人自醉惜翦春有待使君方少年共
賞喜我在

洛陽牡丹

古來多貴色歿去定何歸清鬼不應散艷花還
所依紅樓金谷妓黃值洛川妃朱紫亦皆附可
言人世稀

汝州等慈寺閣望嵩岳

崢嶸古寺閣蒼山柝暗簷少室出天外巍巍何
尊嚴王都在其下風露國所需日暮飛雲歸已
失中頂尖

睡意

少時好睡常不足上事親每日拘束夜吟朝誦
無暫休目眇生瘡腐滑肉今踰四十無所聞又
况喪妻仍獨宿虛堂淨掃焚清香安寢都忘世
間欲花時啼鳥不妨喧清暑北窓聊避燠葉落

夜雨聲滿階雪下曉寒低墜屋四時自得興味
佳豈必銷金與鳴玉萬事易歇此不厭真可養
恬無天促且夢莊周化蝴蝶馬顧仲尼譏朽木
人事幾不如夢中休用區區走榮祿

三月十四日汝州夢

我歸十九年飲不負升斗昨夕夢見之謂須多
置酒雖慰魂來言定不復入口俟當返吾廬且
爲貯器缶夢寐何敢欺從笑愚所守

再別仲議

前別歲月遠道同情相親三旬忽相見愈厚不
厭頻昔云思數面今無愧古人曉然東去懷紛
若陌上塵

夕發陽翟

我行陽翟道暮雨原上急麒麟塚相望霹靂碑
下立農耕傍山去鬼火迸林入莫問泉下人馬
蹟水更濕

缺月

缺月來照屋角時西家狗吠東家疑夜深精靈

鬼初動僊宰古苔無風吹

道次靈井

井面水不動傍分龍鱗激泉氣時生漚上湧光
的皜深苔翠堪染石底清可觀早歲或來祠彈
絃屬靈硯

荅江十鄰幾

荅州雖非邀作書素所懶春風領燕來得君詞
欸欸燕迴須在秋此報莫言緩何日見嵇康重
彈廣陵散

喜謝師厚及第

時第一甲二十八人君名在二十三

宿雨洗新綠朝日初聞鶯風從天門來吹下玉
簡名列星二十八經緯何縱橫南方朱鳥目光
焰令人驚其餘撒沙衆龜龜瓜瓠明吾欣安石
後世世有令聲

孟夏二日通判太博惠庭花二十枝云

是手植因以爲荅

前日已春盡夏卉抽嫩青唯君所植花餘紅猶
滿庭常惜畏景逼贈未及飄零欲插爲之醉但

懸髮星星

水丘於西湖得活鯽魚三尾見遺余頃
在襄城獲數尾時歐陽永叔方自乾德
移滑臺爾待其至且有詩後居京師蔡
仲謀者亦有以贈乃思襄時所爾復有
詩於今三得三詠之矣

襄城得圓鯽爾以待吾友大梁又得之始憶終
按酒今君復持贈重念滌陽守滌陽石澗中此
物豈無有三得實嘉遺我敢自私口口且不爭
其事亦難利誘

和江鄰幾見寄

自此許州起慶曆六年夏盡其年終

清風當晝起吹我庭下槐軒軒枝上葉碎影亂
綠苔左右無人聲時有啼禽來啼禽感所懷其
音一何哀思歸無晚夕血滴山榴開曰予當是
時爲之腸九迴江子方謫官復有擬古才遠寄
平淡辭曷報瓊與瓊

雀奪燕巢生四難

去年燕營巢卿泥入我廬秋歸春復來橫被雀

所居翫然去不較義者欲與除毀覆必傷卵愛
彼此何踈乃埃長黃口逐之寧曰紆果得生四
雛丹色頭戢如後當還燕巢穿屋不害余

和歐陽永叔啼鳥十八韻

南方窮山多野鳥百種巧口乘春鳴深林參天
不見日清壑呼嘯誰識名但依音響得其字因
與尔雅殊形聲我昔曾有禽言詩粗究一二啼
噉情苦竹岡頭泥滑滑君時最賞趣向精餘篇
亦各有思致恨未與盡衆鳥評君今山郡日無
事靜聽鳥語如交爭提壺相與來勸飲戴勝亦
助能勸耕我念此鳥頗有益如欲使君勤以行
勸耕幸且強職事勸飲亦無獨醒杜鵑蜀魄
哭歸去小人懷土慎勿聽城頭春鳩自謂拙鵲
巢輒處安得平高窠喬木美毛羽啣葉底無
如鶯口中調簧定何益下啄蚯蚓孰曰清自餘
多類不足數一一推本煩神靈我居中土別無
鳥老鴉鷓鴣方縱橫教雛叫噪日群集豈有勸
酒花下傾願君切莫飲啼鳥啼鳥於君無所營

和永叔桐花十四韻

湛湛碧井水其上有梧桐春隨井氣生白花飛
濛濛曉枝滴甘露味落寒泉中結實待瑞羽歲
晚半枯空桐既無鳳皇井豈潛蛟龍乃知至神
物未易令人逢當時集潁川偶值黃次公次公
入爲相此鳥曷不從遂使神鷲雀竟用奇怪窮
我言非毀古欲遵平直蹤我願二千石但使德
化隆有桐鳳不來於桐無愧容有鳳政不舉於
鳳何爲崇荅君桐花篇聊以發我衷

和王仲儀詠癭二十韻

汝水出山險汝民多病癭或如鷄精滿或若猿
噉並女斬高掩襟男大鬪裁領飲水擬注壺吐
詞伴有餒樛里旣已聞杜預亦不幸秦人號智
囊吳瓠繫狗頸臘常住願行打安及脛只欲
仰問天無由俯窺井挾帶歲月深冒犯風霜冷
狀惡雖自知剖割且誰肯不唯羞把鏡仍亦愁
弔影內瘵頰羊膾外砭費針穎在木曰楠榴割
之可爲皿此誠無所用旣有何能辟音屏膨臍廁

無首腫腫具臙項難將面目施可與胎胞違賢
哉臨汝守世德調金隅映俗雖醜垂教今日修
整風土恐隨遷晨昏憂屢省儻欲便慈顏名城
不難請

憶吳松江晚泊

念昔西歸時晚泊吳江口迴堤迥清風淡月生
古柳夕鳥獨遠來漁舟猶在後當時誰與同游
憶泉下婦

使者自隨州來知尹師魯寓止僧舍語
其處物景甚詳因作詩以寄焉

驛使話漢東故人遷謫處所居雖非居有樹卽
嘉樹日膳或鷄純時蔬多荀芋夜堂地結蟠畫
戶鵲噪聚著書今未成愛靜已得趣子欲訪其
人炎蒸未能去

夏日對雨偶成寄韓仲文昆弟

日日城頭雨還添湖上波窓中人自聽門外淅
應多不畏車生耳還愁麥化蛾吾廬無所有頻
看壁間梭

憶將渡揚子江

月暈知天風舟人夜相語
平明好挂帆白浪須出浦
此身猶在吳歸夢預到楚
今日念同來吾妻已爲土

秀叔頭虱

吾兒久失恃髮括仍少櫛
曾誰具湯沐正爾多蟻
虱變黑居其元懷絮宅非
吉蒸如蟻亂綠聚若蠶初
出鬢搔劇蓬葆何暇嗜梨
栗翦除誠未難所惡累形
質

稚子獲雀雛

屋頭小雀雛氣力苦未長
乘暄學調羽忽掛蜘蛛網
其母不能救啁啾空下上
乃爲人所探不是蟲絲枉

丙戌五月二十二日晝寤夢亡妻謝氏

同在江上早行忽逢岸次大山遂往遊

陟予賦百餘言述所觀物狀及寤尚記

句有共登雲母山不得同宮處做像夢

中意續以成篇

晝夢與予行早發江上渚共登雲母山不得同
宮處何嗟不同宮似所賦途旅樹杪俯鳥巢
斨方仰乳雄雌更守林號噪見飛鼠鼠驚豎毛
怒曩枝如發弩遂巡吼風雲遠望射嵩雨東南
橫虹霓萬壑水噴吐下尋歸路迷欲暮各愁語
忽覺皆已非空庭日方午

蜜

燕啣芹根泥蜂掇花上
藜帶雨兩股飛所取日
能幾調和露與英凝
甘滑朽髓天寒百蟲
齧房霜在七燕已成
雛歸蜂憂凍餒死乃
見萬物心多爲造化使

王德言自後園來問疾且曰園甚蕪何
不治因荅

幾日不行圃野草過人頭
客怪苦荒穢誰與持
鋤鉤雖然自薶薶抱疴
方告休卽當秋風高掃
穽將遲遊

夢觀

閉目光不揚夢觀良亦審
既非由目光所見定

何寡白日杳無朕冥遇嘗在寢此恨不可窮悲
淚空流枕

悲書

悲愁快杵刀內割肝腸痛有在皆舊物唯爾與
此共衣裳昔所製篋笥恐更弄朝夕拜空位繪
寫恨少動雖死情難遷合姓義已重吾身行將
衰同穴詩可誦

合流曹光道惠鉅李知其炎酷中有此
味亦可樂也輒以詩寄

穎傍成蹊李其實小於拳誰知披枝瘦生此鉗
王鮮摘以筠稍籠沉以石根泉濛濛粉未落繁
繁葉猶連蔭樹咀甘液安知有苦煎報君惜茲
樂時詠逍遙篇

深夏忽見見柰樹上猶存一顆實

累累後堂柰落盡風雨枝行樂偶散步倚杖聊
縱窺林葉隱孤實山鳥曾未知物亦以晦存悟
茲身世爲

病癯在告韓仲文贈烏賊背生醅醬蛤

刺醬因筆戲荅

我嘗爲吳客家亦有吳婢忽驚韓夫子來遺越
鄉味與官官不識問僂僂不記雖然苦病難饑
吻未能忘

寄光化退居李晉卿

久無歸田人今喜子去祿移家漢水濱日見漢
水綠川鱗可爲襄山毛可爲藪竟歲狀往還行
堤樂風俗青巾舳上郎漆鬢顏如玉倚橋臨落
照獨唱江南曲聽若在江南歎然自爲足我心
雖有羨未遂平生欲更期畢婚嫁方可事岳麓
買山須買泉種樹須種竹泉以濯吾纓竹以慕
賢躅此志應不忘他時同隱錄

汝南江鄰幾云郎南並淮浮光山有張

隱居種松檜於其上養母甚孝時有猛

獸馴庭中又郡西麻田山土沃泉美父

不舉有劉叟者闢而居之近董氏黃氏

欲買土爲鄰故江有慕之之作予輒次

其韻

我我淮山上中有隱者棲不知松檜下但見虎豹蹊人群固已遠樵客入猶迷且奉采蘭卷應無抱玉啼麻田異麻源石路春無泥高士不近俗更在西嶺西石泉飲自足深壑無人躋不學淮南王安問大與雞二人逍遙性所樂唯杖藜復有來慕鄰他年寧蒼稊願君且勉職聖世未易睽

魏文以子病渴贈薏苡二叢植庭下走筆戲謝

媿無相如才偶病相如渴澗水有丈人薏苡分叢羨爲飲可扶衰餘生幸且活安知惡已者不願變野葛

宛陵先生集卷第二十七

宛陵先生集目錄卷第二十八

和資政湖亭雜詠 和王德言夏日晚步

新沼竹軒 麥門冬

野鴿 孫曼叔汴上見鶻

寄宋中道 梨花憶

畫竹枝扇 苦風思江南

送謝師厚歸南陽 王資政京南留守

送通判太博 和韓子華桂花

宿安上人 寬宋中道失小女

呈刁經臣 阮籍嘯臺

送永興趙提舉 合流河亭

早至潁上縣 欲陰

正陽驛夢 新婚

登舟 諭鷗

釣蟹 取蟻

潁水費公渡 潁水

打魚 八日湖會呈曼公

九日會擷芳園 謝曼相公

道中晏公寄酒 水苔

新鴈 和晏相公

和孺晏公 途中寄上晏公

舟中夜與家人飲 舟行自採苟杞子

蔡河阻淺 黃駁

入澤王河口 西華逢李令

合流值雨與光道飲

寄送餘姚謝宰 李密學遺晉晉册

宛陵先生集卷第二十八

宋宛陵梅堯臣聖俞著

和資政侍郎湖亭雜詠絕句十首

遠山

挿雲千萬重一望不可暫前嶺與後峰翠色深

復淡

蓮塘

不畏塘雨急鈿葉自相遮紋禽忽驚去衝落波

上霞

漁潭

烟潭深不極鑑碧無菱花日脚下波心澄江見

魚蝦

稻畦

淺淺碧水平青青稻苗長偏知楚客愛白鷺飛

下上

苔徑

林間夏雨滋復有斜陽照綠淨不極風從教春

草笑

目錄終

流泉

石齒嚼吳聲，蘼蘼索曲處。有時浮落英，又過城根去。

小橋

伐桂向芳洲，踏波濤勢小。時愛浴人渡，浴人在林杪。

漁艇

古木剝爲舟，野藤牽作纜。釣人寒雨中，遠望烟蓑暗。

採菱

紫角菱實肥，青銅菱葉老。孤根未能定，不及寒塘草。

汀鷺

食魚日已晚，矯翼烟際還。不與鴈鷺競，風標亦自閒。

王德言夏日西湖晚步十韻次而和之

雨餘殘照在塘靜，獨行行荷積。水珠重天收，霓輕倦禽依。卧柳聚蛸帶，坳泓帽側林。枝礙裳

蹇野蔓繁茨，韜園客剥蒲。乃水祇驚泱泱，流泉活濼濼。夕霧平榴房，生蠶落蛛網。害蟲成坎壈，無時怒渾魚。自樂清高臺，從獸窟古道。有根橫寫景，未能就娟娟。月上城。

新沼竹軒

作軒仍見竹，蕭灑排青幢。斜鳥與落日，靜影畫寒窓。光沒影亦沒，激水自淙淙。夜深猶讀易，誰更憶清江。

麥門久內子，吳中手植甚繁。鬱罷官移之而歸，不幸內子道且亡，而菘草亦屢枯。今所存三之一耳，遂感而賦云。

香草葉常碧，本生崑澗邊。佳人昔所愛，移植堂堦前。自吳非歸梁，復以盆盎遷。佳人路中死，此草未忍捐。與我日憔悴，根不通下泉。勤爲澆沃，稍見萌穎，鮮終當置墳側。長茂松栢延。

野鴿

孤來有野鴿，背背春鳩餓。腸欲得食立，我南屋頭我見如不見。夜去向何求，一日偶出群盤。

空恣嬉游誰借風鈴響朝夕聲不休饑色猶未
改翻翅如我仇炳哉有靈風天抑爲爾倚翁翼
處其間顧我獨遲留風至吾道行風去吾道休
鶴乎何所爲勿污吾鑑旣

孫曼叔暮行汗上見鶴擊蝙蝠以去語
杓子

野鶴性決裂所食唯稗飛小鳥不入眼拳發強
弩機日暮未有養豈擇大與肥臂下搜蝙蝠去
以填腸饑休笑老鷓飽啣得腐鼠歸

寄宋中道

爾書我不荅爾怒從爾罵天馬新羈時氣橫未
可駕儻我一日死爾豈無悲咤唯知道義深小
失不足謝

梨花憶

欲問梨花發江南信始通開因寒食雨落盡故
園風白玉佳人死青銅寶鏡空今朝兩眼淚怨
苦屬衰公

畫竹枝扇

石上老瘦竹忽在紈扇中執之意已涼不待推
清風小節未見粉淚痕應合紅日將炎暑退畏
囊生秋蟲

兩日苦風思江南

擺磨萬木聲朝吼暮不止吹沙作雲飛物狀顏
色死還念江上山落瀑鳴幾里茅茨松竹間翠
的門前水下窺石尤魚出入數十尾是時殘照
微古路誰家子羸馬入烟林區區何若此昔笑
今已迷薄官正如彼何當歸去來臨流重洗耳

送謝師厚歸南陽

竹館蔭以風灑水坐猶熱念子遠歸時隻烟起
車轍落日原上微烏棲人欲別我心明月在相
照異盈缺

資政王侍郎南京留守

百世興王地乘時已建都離宮萬戶寄京邑四
方模尹以名臣擇朝仍宿哲俞果資卿屬重將
俾國人蘇迎餞車交轍奔馳士結途許嗟人惠
奪宋連德恩數日月天闌近山河地勢趨壓城

隋柳密開苑漢池枯文物希前代謳歌得大儒
鄒枚跡雖古賓從豈今無

送通判太傅

相見不在久見久未必親無爲歲月淺豈不膠
漆均猶嗟欲別日事學如排鱗安得獨携酒遠
送秋水濱

和韓子華桂花

莫以天下桂皆爲月中物猶言月有兔野豈無
狡窟空山桂花多艷色粲然發樵客不知貴奈
何薪爨屈

宿安上人門外裴如晦胥平叔來訪

胥裴喜我至冒雨夜出城燈前相對語怪我面
骨生爲言憔悴志因意多不平亦見子頰鬚長
黑已可驚知子有所立毛髮隨世情子心且如
舊後輩苦前輕

宋中道失小女戲寬之

宋子失汝嬰苦將造物怪造物本無惡爾責亦
已隘且如工作器寧復保存壞收淚切勿悲他

時多壻拜

才經臣將歸南徐許子尋隱居之所及
亡室墳地因走筆奉呈

欲居江上江試與問京峴嘗觀鮑家詩心慕已
不淺行當卜結廬依農事清畝傍莠吾先妻同
穴晚未免買谷勿險深求闕要平顯松竹應所
宜蒿萊預教翦我志決不移君言幸須踐

尉氏縣阮籍嘯堂

古城多瘦棘莽蕪連荒臺不見長嘯人黃土空
崔嵬非顧蓬池上枯廢生蒿萊當時思大梁還
望已徘徊今我復懷昔豈不傷且哀烏呼有遺
響英靈同土灰

送趙仲寶承興乾耀提舉捉賊

知君少以勇曾向蕭關戰橫刀突虜圍奪馬傷
胡箭當時獨免歸猛毅邊人羨今來提漢卒寇
盜清秦縣未足賀功名功名它日見

合流河堤上亭子

隔河桑榆晚藹藹明遠川寒漁下灘時翠鳥飛

我前山藥植瓊細野性仍所便令人思濠上獨
詠壯叟篇

早至穎上縣

夜發曉未止獨行淮水西明知寒草露暗濕瘦
驄蹄半滅竹林火數聞茅屋雞秋天畏殘暑不
爲月光迷

欲陰

鸛鴒知天風鴉鴉知天雨途路狀塵昏車馬煩
泥阻陰仍老易覺體質預辛楚安坐與壯年慎
勿忘酒脯

正陽驛舍夢鄭弁州寄書開之卽三山
圖也

我來清淮側夢得鄭公書開書一把玩乃是三
山圖山形雄且遠筆畫簡而疎紙幅不盈尺萬
仞勢有餘卷置懷袖中意獲寤已無

新婚

前日爲新婚喜今復悲昔關中事有託月下影
免隻慣呼猶口誤似往頗心積幸皆柔淑姿愈

賦誠所獲

登舟

向起風沙地暫假烏榜選浩然起遠思欲與魚
鳥間景目洗已清詠句稱且怪時看秋空雲雨
意濃淡間

論鷗

翩翩沙上鷗安用避漁舟漁人在魚利何異爾
所求

釣蟹

老蟹飽經霜紫螯青石殼肥大窟深淵易虞遭
食沫香餌與長絲下沉寧自覺未免利者求潛
潭不爲覓

取蟻

東灣暖無沙有蟻淵泥下輕舸復翠竿預致曾
誰捨剝肉不知數持爲楚鄉鮓嗜味固足珍况
亦椒橙假

穎水費公渡觀飲牛人

渡口飲牛歸村墟夕陽裏黃犢未及群抱帶過

寒水利心乃如仁耕領破不止當時彼何高獨
能議洗耳

穎水

穎水苦流瀑淺平秋與冬岸深開地勢底碧寫
天容道在隨灣去村遙盡日逢迷魚是潭曲寧
見窟蛟龍

打魚

插葦截灣流寒魚未能越安知罟師意設網遮
其關不須芳餌懸何待清歌發所獲勝輪竿寧
聞憂澤竭

八日就湖上會飲呈晏相公

明當是重九黃菊還開不先將掇其英秋遲未
能有頽齡無以制但不負此酒紅頰誰使歌公
憐牛馬走

九日擷芳園會呈晏相公

今日始見菊雖見未全開猶勝昔無酒持望白
衣來破類浮金英雜蟻已盈杯何必探丹萸結
佩上高臺自不愧佳節安聽飛鴻哀

謝晏相公

刻意向詩筆行將三十年嘗經長者目未及古
人肩昔慕荀文若多稱王仲宣今慙此微賤重
辱相君憐

道中謝晏相公寄酒

頽泥墨印幾壺醪將慰窮途阮步兵一夜臨流
對明月舉杯愁聽鴈來聲

水苔

深苔何所若苦誅費毫尖繞繞水僂髮茸茸蛟
客髯綠繁秋石淨嫩值翠篙黏尚毛參差荇薄
言無此嫌

新鴈

塞鴈與寒來夜落汀洲宿泊船人不寐月下聲
相續

依韻和晏相公

微生守賤貧文字出肝膽一爲清穎行物象頗
所覽泊舟寒潭陰野興入秋英因吟適情性稍
欲到平淡苦辭未圓熟刺口劇菱芡方將挹溟

海器小已激滌廣流不拒細愧抱獨慊廉瘦馬
去軒時戀嘶芻林滅茲繼周南篇短橈寧及艦
試知不自覺感涕屢揮襟

以近詩贊尚書晏相公忽有扇贈之什
稱之甚過不敢輒有所叙謹依韻綴前
日坐末教誨之言以和

嘗記論詩語辭卑名亦淪

公曰名不盛寧從陶者辭亦不高

令野

公曰彭澤多野逸田舍之語

不取孟郊新

公曰郊詩有用新

字 琢礫難希寶噓枯強費春今將風什付可

與二南陳

途中寄上尚書晏相公二十韻

驚颺入林鴉亂飛舞空落葉相追隨秋權摧物
不見跡但使萬古生愁悲登山臨水昔感別身
作旅人安得宜單舟匹婦更無婢朝餐每愧婦
親炊平生獨以文字樂曾未敢耻貧賤爲官雖
寸進實過分名姓已被賢者知踈愚生不調豪
貴守此退縮行將衰穎州相公秉道德一見不
以論高卑久調元化費精力猶且未倦刪書詩

唐之文章別蕪穢纖悉寧有差毫釐謂其就學
可與語便語淵奧祛僂疑浮言近意不歷口直
欲海窟擊蛟螭再拜膝前荷勸誨重案相載歸
忘餓解解水驛無幾舍新詩又遣牙兵持上言
行李覽物景聊可與婦陳酒卮下言狂斐頗及
古陶韋比格吾不私相公貴且事翰墨我輩豈
得專遊嬉今將蒿芹薦俎豆定亦不以微薄遺
嘗令有諫無巨細當因川陸舟車貽日對順流
思疾置老魚姦怯潛鱗著

舟中夜與家人飲

月出斷岸口影照別舸背且獨與婦飲頗勝俗
客對月漸上我席暝色亦稍退豈必在秉燭此
景已可愛

舟中行自采苧杞子

野岸竟多杞小實霜且丹繫舟聊以撥粲粲忽
盈盤助吾苦羸苧豈必採琅玕自異驕華人百
金求秘丸昔聞王子喬上帝降玉棺此焉卽不
免但願在世安

蔡河阻淺

陸乏百鈞駟水假孤艇進艱苦灣灘長曲折劇
篆印蔡方阻淺澗寸步出憊吝膠舟看在前暗
磧礙難慎誰能使景盡空自思禹濬丈夫少壯
時必在馳驅駿

黃駁

維舟飯孤村隔岸見黃駁瘦牧正苦饑瘡鳥復
下啄閔心無柘彈投塊徒自數力小不能中汗
顏慙且渥

入澤王河口

遠水路已別古汊未窮源定知前山雨瀑沫至
且渾暗生秋草下稍復夏潦痕更去待月上猶
應可到門

西華逢李令子翼

適從穎水歸道逢西華長不見二十年顏鬢我
非曩君問洛陽日舊交多泉壤更別如前時應
復少吾黨

合流值雨與曹光道飲

秋風曠寒林秋雨阻歸客頗有故時交舉杯聊
岸情談兵與論文曾不涉陳迹必竟無所施醉
去思泉石

寄送謝師厚餘姚宰

我從淮上歸君向海濱去安知無幾舍邂逅不
相遇頗知飛空雲到月不得附月行既不留雲
亦值風故誠知會合難豈是忘所赴我雖躡新
屨心不捨舊屨誰謂若世人食瓜思并瓠君南
我走北日見陽鴈度茲欲遠寄音鴈行高且鶩
但誦金石言花時儻無忤

李密學遺苦齋脯云是自採爲之

濕流寒且急岸草已凋摧石髮尚堪把江人曾
不來誰知烏榜去留採碧潭隈持作吳鄉味能
今案錄杯

宛陵先生集卷第二十八

宛陵先生集目錄卷第二十九

陽程凝菴亭 王仲儀寄闔茶

和王道損風雨 闔鶴鶉

和道損欲雪 闔山鶴

和仲文聯句 種藥

荅王汝西軒 和持國分題僊蔡

送長陵辨師歸寧 和密學流杯亭

和子華陪宴 飲韓仲文家

王汝遺水密梨 王道損遺密梨

寄題滁州豐樂亭 和仲文西齋閒夜

荅仲連 和子華飲西軒

和道損喜雪 荅持國遺鈔贈

陪觀新水磴 陪泛西湖

和持國石蘚 同諸韓欲曼叔

和仲文西湖野步 送韓奉禮

諸韓來會別 送仲文

送子華 送仲連

送王汝 王汝遺橄欖

和王待制出郊 寄題蘇子美滄浪亭

送河東劉運使 和王汝對月

和王汝舟中見懷 和訪孔叅處士

二月十四夜霜 送師直上墳

和諸友歸馬上同賦

和子華寄王版鮮 喜雨

送江陰王判官 送襄陽王龍圖

和持國新植西軒 送師直會稽宰

賦觀西湖新鷺兒

目錄終

宛陵先生集卷第二十九

宋宛陵梅堯臣聖俞著

陽翟縣城凝嵩亭

西北望嵩色憶上大室時陟彼已不淺坐此安
能知今誰絕壁下但見前峰危正與曩未異目
存迹焉追

王仲儀寄鬪茶

白乳葉家春銖兩直錢萬資之石泉味特以陽
芽嫩宜言難購多串片大可寸謬爲識別人予
生固無恨

依韻和王道損風雨戲寄

小雪繞過大雪前蕭蕭風雨紙窓穿而今共唱
新詞飲切莫相邀薄暮天

鬪鶴鶉孫曼叔邀作

脫命秋竿下鳴鬪自爲勇爭雄在穀粒一敗勢
莫擁燕將縮袖問懷負然而拱勝且勿苦欣猶
驚辱與寵

和道損欲雪與家人小兒輩飲

陰雲濃駭野風獵樹高鳴寒禽並枝立頗以見
物情目前兩稚子爲慰豈異卿欲置一壺酒且
獨對婦傾

韓持國邀賦聞山鶻

俗有巧聞心畜此巧聞禽搏擊無迅節爪背自
相侵胡能知遠人角勝合百金鳳皇安在哉徒
此望丹岑

依韻和蕭韓仲文昆季聯句見謝

予前與道

損泝西湖淨若
堂因至其第

冬日晴且暖林塘思淨居性與都未盡遂經韓
氏廬韓氏兄弟賢各各趨義塗吾儕與之游何
異田蘇俱經疑反此質學陋懸無餘况茲諸少
年高論傾國都以及治民術縱橫無所拘又涉
方外說杵道曾不殊詩評杜兼李方法禱與虞
啜茗豈非好嚼栗強爲娛久賦官局檢聊休體
質舒次第極言笑左右排圖書終日欣博約疑
異正則扶所賴存泛愛未以我爲愚持歸接士
論頗亦類販沽復聯長詩來味若餐瓊腴其辭

多自損似欲大厥譽顏子乃庶幾仲尼稱弗如
不狀會遇頻雲龍實相須最和躡麟趾舉步未
敢渝

種藥

雲外陽崖山實與嵩步接山中採藥人能自辨
苗葉當須斷其根以遂素所慚野蕻包舊土遠
置風雨捷故本含新芽枯筵帶空莢植雖乖地
勢培壅得專輒冬誰論臭香春定引蜂蝶豈惟
識草木庶用補羸苴

荅韓六玉汝戲題西軒

吾軒今於水吾居易爲足誰與哦其間風應數
竿竹雖無泉石清尚不愧茅屋所樂違俗暄此
趣大已燕

和韓五持國乞分道損山藥之什

不種東陵瓜不利千畦韭山藥數十本帶土移
野叟故葉萎未醒傷根亦何咎旣爲君子好豈
與騷人負騷人比畫工丹青出其口欲分欄下
苗馳奴仍置篋主人可無忝所尚非獨有從茲

各勤灌肯在園蔬後今雖勝曝蓄畢意資玉白
人事固已然秘方看紫肘

送長陵清辨師歸寧

山房古柏暗近在漢陵邊天供不爲樂母心常
所懸朝途髮根冷暮野鳥行先子道豈殊衆誰
云絕世緣

依韻和李密學合流杯亭

園林固足勝景著必人賢將泛杯中物遠分湖
水泉來從百花底轉向泉窟前易醉緣多病陪
公愧少年

依韻和韓子華陪王舅道損宴集

韓氏
兄弟
八人而七
人在坐

雲低未成雪寒氣已侵席凍醪傾白濁乾果列
紫赤風微時破面亭敞宜張帟來望野興通古
城何額額邀射弓鈞開破的翦羽白助中聲喧
呼不覺屢傾憤醉驚一發功誰許百金易非等
將帥能聊將賓友適中酒作暴謔心親語多劇
吾徒固不羈安可限常格去忌無俗流起酌驚

賊獲八龍觀諸韓頭角相戢迫參差玉峰前愛
慕不知夕誰嗟短景移能使吝情釋爲賀主人
翁賢甥無久隔此會舉世稀頻頻奚所惜

飲韓仲文家

飲酒衆所嗜未若朋會樂終日不爲荒於時豈
多作坐客十餘人七子實棟蓼杯行發嚴令孰
不資善誰巧詞劇猱捷辨機如弩彙醉舌強且
遲罰觥奚屢酌正言訐說諛簡禮去甕酢迭嘲
果與蔬相呼花間藥是非不親親笑語何落落
夜歸歎有餘孩稚扶仍嚙

玉汝贈永興水蜜梨十顆

梨傳真定間其甘曰如蜜君得咸陽中味兼水
作質遺之析朝醒亦以頤煩疾吾兒勿多嗜不
比盤中栗

王道損贈永興水蜜梨四顆

名果出西州霜前競以收老嫌水熨齒渴愛密
過喉色向瑤盤發甘應蟻酒投僊桃無此比不
畏小兒偷

寄題涪州豐樂亭

泠泠幽谷泉近在青峰下使君去窮源林外留
車馬一徑穿篠深蔽日復瀟灑行盡逢泓澄翠
影如可瀉雲樹陰其旁造物將有假引水開石
池結宇覆碧瓦乃知愛玩心朝夕未忍捨近移
溪上石怪古蒼蘚惹芍藥廣陵來山卉雜天冶
春禽時相鳴賔從不應寡欲問淮南趣還思洛
陽社勝事已不辜吟觴無倦把

和韓仲文西齋間夜有懷道損勇及子
冬日每苦短方愛夜漏永積雲寒擁齋徘徊延
月影獨能懷親友出門見參井是時發清詠筆
若天驥聘

前此諸韓來飲獨仲連以小兒病不至
明日仲連有夜坐見懷之什因成荅章
夜與賢豪飲方聞默坐時我斟相樂酒君詠寄
來詩莫恨殊喧寂真緣篤愛慈何當因雪興過
此未應遲

奉和子華持國玉汝來飲西軒

我誠官局冷終日事廡括每耽古人書似與世
俗關同道三四人來過慰饑渴迭相陳語言曾
未狀刀俎自中將過晷飯具匱攜薄酒繼以
斟不覺寒日沒愚妻方罷沐供飯愧倉卒凍婢
昧煎和親調首忘鬢每食各驚顧誰謂不黔突
僮僕暖吾薪餓馬飽吾秣馬無歸嘶聲僕有顏
色活安穩不知疲明缸仍爲接醉言實無次曾
未窮本末諸君競相先出口論莫奪復云天地
間此能有幾達我聞顏汗下恐後謗難遏其間
常有言但未見疵鬻終當輕有若悔目已屢取
莫人信哉群玉林豈得依朽枿吾心爲之然收
舌如斷割寄音謝豪俊茲蘊只主操

和道損喜雪

密雪已迺臘隨風來拂巾偏知寒夜屋不管醉
歸人暗積空庭合偷裝聚樹新沃田將望歲墜
癘且忘貧薄厚曾無意飄揚似有因既能先覆
物乃見未饒春作陣從天落何功得地均暫欣
供一賞惜逐馬蹄塵

荅持國遺鮓魚皮膾

海魚沙玉皮翦膾金蓋職遠持亭佳賓豈用餽
買鈔予貧食幾稀君愛則已泛終當飯葵藿此
味不爲欠

與仲文子華陪觀新水碓

湖堦此典磴許俗見仍稀激射聊因勢回環豈
息機水如崑下過人悟雪中歸坐想韓夫子心
應不道非

與道損仲文子華陪泛西湖

水滑湖已綠渺渺鴨頭春船學吳兒刺吟稀楚
老新對山憐去鳥隔樹識遊人誰念滄江上風
柔採白蘋

和持國石薜

石根雲常蒸老薜密於毯濕翠連澗陰淨綠統
岳坎不異泉上芹丰茸猶可擘安知山中客遠
寄趣已淡

同諸韓飲曼叔家

富貴豐盛養日可侑清角不與賢者俱飽食何

所學吾友雖日貧邀賞不辭數質衣爲酒肴出
論輕管樂其饌精且甘刀几孰親握是時子苦
眩引去意頗確羸馬雪中歸醉醒誰復較

和仲文西湖野步至新堰二首

決決堰根水層層湖上田寒魚猶著底白鷺已
飛前履惜春泥滑衣從澁蔓牽偶來成野望歸
興自留連

渾上水容暖野中寒吹橫行塘人已晚吟步日
難更凍地坼枯龜斷水流破鏡王都且不遠樂
此林泉性

送韓奉禮

崇道

將欲侍親去獨要予贈言世風還自有文體不
須論稍愛春波急徵生野岸稊行舟寧覺遠幾
日到都門

諸韓來會別

諸韓行有日別思更依依獨歎從予少選看似
子稀呼童聊奏酒灑水爲開扉蘇合染裘美雪

中間闕歸

送仲文

三年不出戶孝行聞并聞近俗遂知化豈非由
所薰御琴趨國門何必長中墳美哉若君子忠
可移於君

送子華

識君雖恨晚說詩屢解頤吾徒固難合所合終
不移員寒躍馬來且言行有期河上米始坼輕
棹去未遲

送仲連

別緒如亂絲欲理還不可却悲嬌女詩寧戀更
效左是時遠道懷紛紛上歸舸憐君正如此豈
任風雨候

送玉汝

談笑去拘忌乃見相與深風騷得往返但見非
知音明日車馬北豈不動離襟春風蕭蕭綠別
恨生遙岑

玉汝遣檄樓

南國青青果涉冬知始摘雖咀澁難任竟當甘

莫敵來從萬里外或以苦口擲所投同木瓜欲
報無瓊璧

和王待制出郊馬上口占寄兄損道次
韻

日暖寒郊不起風使君車騎出城中遙知望處
思兄弟鴻鴈連連下遠空

寄題蘇子美滄浪亭

聞買滄浪水遂作滄浪人置亭滄浪上日與滄
浪親宜曰滄浪叟老向滄浪瀟滄浪何處是洞
庭相與鄰竹樹種已合魚蟹時可繕春菜白
菘夏陶烹紫草黃柑摘霜晚香稻炊玉新行吟
招隱詩懶戴醉中中憂患兩都忘還往誰與頻
昨得滄陽書語彼事頗真曩子初去國我勉勿
迷津四方不可之中土百物淳今子居所樂豈
不遠埃塵被髮異秦伯結客非春申莫與吳俗
尚吳俗多文身蛟龍刺兩股未變此遺民讀書
本爲道不計賤與貧當須化閭里庶使禮義臻

送河東轉運劉察院

塞郡屯師久飛芻始得人權傾擁旌將詔輟繡
衣臣舊里過京洛辭家渡盟津紫裘蘇合染驄
馬玉環辰榆英關頭雨梨花谷口春高車方陟
險豐膳暫違親山勢北臨岱地雄西隔秦行臺
知不遠能使問安頻

依韻和玉汝對月見懷西軒

坐見沙頭月復憐衣上輝正如從我飲還欲照
君歸相逐影徒是共嗟歡已非夜深依岸落寒
色入傷遠

依韻和玉汝舟中見懷

遙聞出舟望始愛川原廣春冰未破時旋拉寒
篙響鳴鴈似相隨遠日聊一仰能知狀物工把
筆獨見想

同道損持國訪孔叅處士

高廬當大道節士不肯過窮巷獨乘德車馬一
何多勢力走諛語禮義服委佗是以被禍人長
其北山阿曰今豈有愧漁上有行歌

二月十四夜霜

欣欣東園杏忽值春飛霜然彼繁英若出
沸湯既能與之榮而復使之傷向來肅殺時已
共百卉黃今同草吐心不似草心長天理固難
測誰要必其常

送謝師直南陽上墳

躍馬清明前行將拜孤壙松吹送悲聲綠纓淚
如湧二歲宰南方莫等阻親捧山下獨徘徊雨
來雲翁翁

奉和持國曼叔方叔送師直歸馬上同

賦之什

郊外桃李花赤赤復白白爲君歌古曲行子在
南陌衆人各已歸春風送無跡安知春風送到
處花當客我病出獨難併請春風讀此情無遠
近千里不能隔

和韓子華寄東華市玉版鮓

客從都下來遠遺東華鮓荷香開新包玉醬識
舊把色累已可珍味佳寧獨捨莫問魚與龍子
非博物者

喜雨

久涉春無雨侵晨忽沛然燕曾知社後雷未發
聲前細濕林花暗輕霑土脉全看看一百五風
勢莫狂顛

送王判官之江陰軍

易知

往時初渡江頗愛江南美誰知坐卧間思及烟
波裏絮逐鮓魚繁豉添蕪線紫君行語風物到
日應相似

送王龍圖源叔之襄陽

忽驚車騎臨乃是荊州長登堂語出處陳事猶
夢想別逾二十年相遇今始兩爵位異禮數商
髮可下上但問我何有而獨不受曩敢告守拙
愚此道未嘗枉行當至峴山羊公存廟像簫鼓
有時莫道德其可仰

依韻和持國新植西軒

開地臨廣衢崇崇十餘畝新軒稍偏北治園亦
西酉盎中植茵茵水不過升斗小桂未得地驗
活徒插朽上乏幽禽啼下多穴蟻走藥苗雖無

補欲比山中有澆灌同一時萌芽或先後松栢
不滿尺廊廟色已厚稟性久且堅物理豈無偶
樓欄仍未大散葉繞八九夏綠與冬青各各自
爲友吾軒還處西脩竹爾後取兩莫論是非但
可吟對酒

送師直之會稽宰

其兄在餘姚

天下風物佳莫出吳與越新罷吳官來又隨越
舸發連宰吳越間皆邇蛟鼉窟伯氏復同郡邑
境接民坐堂將內隔外正似肉附骨姚江遺魚
蟹稽山奉笋蔗足得相交歡高堂未華髮送子
意不盡念逐有明月

西湖觀新出鷺兒道損持國曼叔請子

賦之

春菴畏雷後殼開形已完嫩毛輕染葉小掌未
全丹見物初能唼浮波尚怕寒山陰無道士更
長換應難

宛陵先生集卷第二十九

宛陵先生集目錄卷第三十

送李密學亳州

送樊秀才歸安州

和李密學見懷

觀理蔬

哭尹師魯

泛舟和持國

荅持國示詩

送李轉運移京東

送庭老歸河陽

詠雙杏

和仲儀楸花

目昏

送韓太祝求賢

賦紅雀

持國遺食

捫虱得蚤

同道損遊西湖

送上虞孫簿

寄題金州處陰亭

石榴

七夕

同諸韓晚遊西湖

韓王汝遺澄心紙

和仲儀麝香

和凌霄花

聞王汝宿城北

夢過三陵

詠扇

送曼叔襄城尉

送吳給事移淮西

李密學寄亳州棗

九月五日夢求叔

尉氏南至京水及人脛

宋平叔郊外見迓 裴如晦赴河陽幕

送子華拜掃 送王汝宰錢塘

得曾鞏附水叔書 追詠崔氏小園

宋中道快子生女 詠次道宅櫻欄

詠科 詠象子華邀賦

和荅惠勤上人 荅顯忠上人

送韓仲文奉使 送劉司勳奉使

和末叔秋懷見寄 同王汝謁裴如晦

詠黃木芙蓉 二馬

和許發運詠影 寄題衢州萃賢亭

荅楚僧智晉 和鴨雛

有觀

宛陵先生集卷第三十

宋宛陵梅堯臣聖俞著

送李密學赴亳州

倦輪關內粟遂請潁川符治績可稱軍士民將
以蘇隲郡君命重苦縣祖風殊倦檜雷陰在耳
棠卽化敷行舟通遠水候騎溢長衢他日人懷
望烟雲自滿湖

送樊秀才歸安州

開元有謫僊酒應向安陸子嘗慕其人文字不
拘束月下每醉吟落紙輒數幅今當安陸歸白
酒村中熟一名猶未成雙親淚盈目切莫苦衝
杯無心不擇祿去去烟水間野禽鳴古木聞聲
不得名將投山舍宿此起自可嘉非如走塵轍
依韻李密學合流河口見懷

二水交流抱閭井清潭幾曲自瀾回已浮畫舸
遙遙去更愛雙鷺泛泛來

觀理蔬

野蕘不堪食蕪菁今正肥夏畦人所病老圃方

可窺乳雀爭銜蝶鳴鴉各護兒於陵豈復有空
學桔槔爲

哭尹師魯

謫死古來有無如君甚寬文章不世用器業欲
誰論野鳥災王傳招辭些屈原平生洛陽友零
落幾人存

泛舟和持國

綠源去未窮夾岸樹濛濛弱蔓低侵水殘芳不
隱叢荒衣思越婦折笋擬江童薄暮迴船處潭
魚動鏡中

欲晚訪韓持國忽道損見過不克往持
國示詩因答

西雲沉日脚命僕駕我車我車已在庭有客方
詣廬談笑不覺夕雞黍且煩渠重約勿以怪但
當摘園蔬

送京西轉運李刑部移京東轉運

劉藩環王都遂分東西道統制連別京守臣多
碩老外臺持權網才具必美好公今且更踐入

用頗不早乃今山東粟餉饋歲可保古路趨汝
陽長風吹綠草

送李庭老歸河陽

五月馳乘車歸心豈畏暑道上多清陰日中不
遑處由谷自控帶大河無險阻時平獨往還拜
壽鵬屢舉

詠雙杏子其核亦然

子核成雙杏將寄同心人定樓鴛鴦魄爲物豈
無因

和王仲儀楸花十二韻

春陽發草木美好一同時桃李雜山櫻紅白開
繁枝楸英獨步媚淡紫相參差大葉與勁榦
萼密自宜圖出帝宮樹聳向白王墀高絕不近
俗直許天人窺今植郡庭中根遠未可移但欣
東風來不恨和駒遲山禽勿感踏蜂蝶休投之
昔聞韓吏部爲爾作好詩愛陰無織穿就影東
西隨公今亦牽此端坐曾莫疑

目昏

我自忽病昏白晝若逢霧窺驚隻物雙書帳下
筆誤來人髮鬢是飛鳥朦朧度紘紘孰辨別此
已忘好惡

送韓八太祝歸京師求醫

少年絮而肥茸茸頰有鬚員熱跨馬去去去天
王都借問去何謂就醫將疾驅客曰實誑我健
壯其非夫敢告固不給但怪所見愚瘠者未必
病病者未必癯天馬不着肉日走萬里途山熊
豈無膏養體唯恐痛滯結在於內安得形肌膚
厥貌雖美好厥疾勿須更療之欲其漸熾之非
愛軀此行不飲別安得持酒壺

記春水多紅雀傳云自新羅而至道損
得之請余賦

赤羽異蒿鷁來自東夷國群集成阜間翩翩皆
一色舉臆發朱砂爲瑞應火德穿崖彼非類啄
粟慙與食清聲殊啾啾所蓄每陋逼應當放之
去重展萬里翼

持國遺食

乞食非爲貧妻病妾且死晨爨不煖釜朝飯亦
輟七遺我所恤食我所耻我耻曾我求我
恤寧我止應乏豈在豐赴義實未鄙漂母殊下
鄉爲惠得終始

捫蠶得蚤

茲日頗所悵捫蠶及得蚤去惡雖未殊快意乃
爲好物敗誰可必鈍老而狡天宄蟻不啻人其
命常自保

同道損世則元輔游西湖於卞氏借雙
鶴以觀

塘蒲蔭綠水菡萏艷修渚想像華亭野但欠鳴
鶴侶同來三四人趣向頗相與思見此清禽無
能覓翔羽城隅有大第世本官吳楚嘗同太湖
石不惜持金取欲作園林勝園林寧暇觀今當
問其家借賞無吾拒果亦致之來香毛如喜舞
雖生滄海心翅重不得舉還爾稻梁食崇丘在
何所

送上虞孫主簿

稽山參雲深剡水與天碧行將啼鳥親說不泚
鱗隔况世任新安又嘗爲粵客風物知所諧窮
幽梯翠壁

奇題金州孫御史處陰亭

有形則有影畏影當念形日月難久晦處陰乃
暫停光照不復離疾走何所寧當足謂尼父我
輩烏足聽結廬雖可託夜燭亦榮燮直躬觀罔
兩將此同醉醒

石榴

榴枝苦多雨過熟圻已半秋雷石罌破曉日丹
砂爛任從雕俎薦豈待霜刀判張騫西使時誇
醬同歸漢

七夕

古來傳織女七夕渡明河巧意世爭乞神光誰
見過隔年期已拙舊俗驗方訛五色金盤果蜘蛛
浪作窠

同諸韓及孫曼叔晚遊西湖三首

晚日城頭落輕鞍果下涼野蜂嚼水沫舟子剝

葵黃木老識秋氣徑幽聞草香幅巾聊去檢不
作楚人狂

爍電未成雨涼風先入衣青天忽開影紅日尚
餘暉蛺蝶作團起蜻蜓相戴飛嘲謔不覺夕跨

馬月中歸

舟中演蒲意不淺却坐林塘景欲昏翠色蜻蛚
立菱葉青絲腰泉林城根

韓王汝遺澄心紙二軸初得此物歐陽

永叔又得於宋次道又得於君伯氏子

華今則四矣

三得澄心紙吾嘗再有詩粗能條本末不復語
興衰堪入右軍跡慙無幼婦辭君家兄弟意將
此比烏絲

和王仲儀二首

游伏栢林下食栢遂生香空知噬臍患豈有周
身防赤豹以尾死猛虎以睛喪儻或益於用捐
軀是其常

凌霄花

草木不解行隨生自有理觀此引蔓柔必憑高
樹起氣類固未合縈纏豈由已仰見蒼虬枝上
發形霞葉層霄不易凌樵斧誰家子一日摧作
薪此物當共委

七月二十一夜聞禱玉汝宿城北馬鋪

暗樹秋風擺葉鳴桃枝竹簟冷逾清孤燈淡淡
短亭客半夜蕭蕭聞雨聲

夢過三陵

夢過漢陵間秋風石馬閒當年侍臣淚泣盡向
三山

詠扇

翦統成薄質誰將礙月輪閑場夏后德同我天
王仁及至爲時用豈必美畫人何憂秋風來退
保藏其真

送曼叔襄城尉

昔君乘紫駟來獵荒城下復乘紫駟去不逢亭
長駕溪風欲涉時山雪獨歸夜此趣信所諳羈
官莫悲叱

送吳給事自許昌移淮西

直道昔參輔獨將天下憂忠言悟明王退請拜
諸侯坐閣政方舉移藩心所求蔡人迎且喜許
俗愛難留夾路車徒感分壇禾黍秋穆陵無夜
閉仁化自公修

亳州李密學寄御棗一籃

沛譙有鉅棗味甘蜜相差其赤如君心其大如
王瓜嘗貢趨國門豈及貧儒家今見待士意下
異盧仝茶食之無狀飲詠德曾未涯

九月五日夢歐陽永叔

朝鏡惡白髮夕夢對故人常恨道路隔忽喜顏
色親相笑勿問年青銅早傷神雞窠天欲白何
者猶疑真

自尉氏南至京皆水及人脛

陸行畏水深舟行畏水淺河流去時閣涂潦歸
時踐事與時相違我慙行處蹇人生莫爲客爲
客此安免

九月十六日自許昌起至京師胥平叔

宋中道送子郊外

今日至國門二子來迎我適遇信陵塚塚棘秋
葉墮翩翩隨人飛拂馬右或左謂此獨無情亦
與吾意可

裴如晦赴河陽幕

驟風一夜動作雪欲愁客客莫苦嗟行農望明
年麥方來笑語同又是關河隔主人賢且智不
待子所畫

送韓子華十月拜掃

白露已變霜孝心竟悲惻薦衣如念存拜懽不
遑息帶劍蓬池外兼程困馬力禮畢便當還若
誠乃爲得

送韓六玉汝宰錢塘

子嘗訪林
通湖上

頃尋高士廬正值浚湖雪雪中千萬峰參差縣
前列僧居或隱見岸樹隨曲折驚鳥如避人遠
向寒烟滅潯希爲子男儻得遂踈拙今逾二十
年志願徒切切方聞落君手與我曾未別景多
詩莫窮歸載墜車轍

得曾輩秀才所附滁州歐陽永叔書卷
意

客從淮上來往問故人信袖銜麤紙書題字遠
已認既喜聞其封固覺減吾吝新詩不作寄乃
見子所慎向來能如今豈有得觀覺南方歲苦
熟生蝗復饑饉憂心日自勞霜髮應滿鬢知子
欲東歸晚夕目不瞬貧難久待乏薄祿藉霑潤
雖爲委吏冗亦自甘以進相望未得親終朝如
抱疥

追詠崔奉禮小園

前此訪君時已觀堂宇邃安知中屏開自有幽
林致花寒崑桂紅石壁雲根翠正當秋風來不
見搖落意日得吟其問何須去爲吏

宋中道快我生女

爾嘗喜詛予生女竟勿怪今遂如爾口是宜爲
爾快亦旣以言酬固且殊眦睡慰情何必男茲
語當自戒

詠宋中道宅樓閣

青青櫻欄樹散葉如車輪擁藉交紫髯歲剝豈
非仁用以覆靡與何憚尅厥身今植公侯第愛
惜知幾春完之固不長只與善本均幸當勅園
吏披割見日新是能去窘束始得物理親

詠秤

聖人防爭心衡權爲之設後世失其平有星徒
爾列物物尙可欺銖銖不須別將淳天下民安
得必毀折

詠象韓子華邀賦

軀大力無用遠物賞馴柔食芻與飲水百倍於
馬牛猶能絡金羈不可伏車輪者舒曾智秤千
鈞空壓舟

依韻荅惠勤上人

釋子本樂靜宜不事物牽我慙姑蘇守復嘗秤
山然三歲與之別其學已增前忽此有來贈老
拙謬耽研

荅顯忠上人

驅馬傍馳道歸自許西偏高車非舊貴立避槐

樹邊心雖欲往謁僕餒行不前是耳處窮巷展
笑微生烟僮有好事者扣門與留連或有袖中
詩語熱氣頗全曾不類縮禍始可今勉旃京師
百許寺知幾相差肩

送韓仲文奉使

往使匈奴國持節豈辭遼朔非正苦寒風汝與
雪飄燕山何處是漢銘應已銷前車渡水河後
騎鳴金鑣行行至穹廬尋我不敢慕王爵親獻
鼎名麥進狐貂禮成復命日苑柳舒楊條

送劉司勳奉使

授命出絕域非至單于庭馳鳴沙磧遙馬倦朔
雪零幽州古道上胡笳應夜聽嘗聞昔時語南
看北辰星使回儻可記乃得驗天形

依韻和歐陽永叔秋懷擬孟郊體見寄

二首

我居西北地秋無東南風木脫不塞望高臺空
九重音塵安可得鴻鴈鳴霜中日看紫苔生乃
見三經窮一聞離騷篇寫盡楚客胸胸懷如寶

匣夜夜吼生銅

秋思公何高堆積自嶒嶸出爲悲秋辭萬仍見
孤聳念我老於詩我髮實種種而後傷故人故
人多作塚陰風夜木鳴寒寧聞鬼悚獨我忘形
骸百事乃纖冗不眠霜月上霜月如可捧

裴如晦自河陽至同韓王汝謁之

朝聞單騎歸徑走至其第扣門童僕頑拒我色
甚戾不顧遂登堂有馬堂下繫辨詐大呼卿稍
應西屋際遂巡冠帶出青綬何曳曳有似縮殼
龜藏頭非得計况與二三子交分久已締怨爾
避客尤新還復新婚

詠王宗說園黃木芙蓉

水中兼木末相擬有嘉花王萼圻蒸粟金房落
晚霞涉江從楚女采菊聽陶家事與驪騮異吾
將攀以誇

二馬

舊馬十年跨老劣多緩行新駒三萬錢頗愛舉
蹄輕不使異芻林均養存其情君門趨早朝風

勁力已生

依韻和許王客詠影

苔影陶潛興長吟爲我聽與之相遇日曾不異
杉形動靜隨生趣存藏委雅靈莊周疾走意推
本置諸銘

寄題周源貞外衢州萃賢亭

昨朝江南客語子川上亭有時飛雨來不見前
山青再尋人未識烏響日可聽既將遲賢者無
使童僕肩

苔楚僧智普始與吳僧顯忠來過今見

二人詩進杉舊矣

我初見子時子作楚人語復與吳客來音俱變
齊魯乃知久處益薰猶可同舉更當富於學茲
言聊以補

鴨雛

春鴨日浮波羽冷難伏卯嘗因雞抱時託以雞
窠暖三句殼既圻乳毛寒脰短雞寧辨其雛翅
擁情欸欸一日向水涯所稟殊未斷泛然去中

沉雜呼心憲憲人之苛異懷負義不足算有志
在養毓勿論報德限

有親十一月七日

來恨我馬遲去恨我馬疾馬蹄塵作雲已隔桑
然質時時顧且遙亂緒如有失

宛陵先生集目錄卷第三十一

杜挺之贈端現 謝冲卿示持國詩卷

重修孔子廟記 席中賦葡萄

夜聽鄰家唱 和次道金橘

送韓持國歸許昌 送韓持國

遲月 風笛

霜鍾 鳴琴

和光道屏中六鶴 聞子華見訪

送丹陽宰李國博 食齋

并陵亂 夜飲席上賦松子

送李殿丞歸河陽 送王寺丞歸南京

李審言學士遺金波酒

對雪憶訪林逋 元日朝

荅祖擇之遺墨 對殘雪懷永叔

和中道元夕 寄題碧雲堂

李國博遺薑茗 送臨江胥令

寄題滁州醉翁亭 夜夢

賜緋魚 和荅韓子華餉子魚

宛陵先生集卷第三十

和蒼韓奉禮餉荔枝

張氏納婦

酌別謝判官兼懷末叔

京師延慶曆八年春
盡夏五月楚州道中

和末叔聞百舌

送陶太博廣信倅

蒼王太祝卷

雨賦

送張太博袁州倅

和宋中道夜雨

書裴如晦集後

見胥平叔

宣麻

隴月

兵

泥

聞韓仲文使歸

未晴

夜陰

夜晴

古鑑

霖曉

庭老許遺結絲勒帛

貧

行僧

目錄終

宛陵先生集卷第三十一

宋宛陵梅堯臣聖俞著

杜挺之贈端溪圓硯

雪壑古寺深中有卧病客訪之語久清餓馬齧
庭栢按頭蠻溪硯其狀若圓壁指此欲爲贈而
將助吟席非意予敢貪旣拒頗不憚大出楮中
有素許當自擇強持慰勤心歸以示朋戚哂曰
豈其然爲汲寒泉滌滌彼僞飾物紙乾見頑石
清畏走髯奴無狀願求易拜賜遂如初明月懷
吞蝕微分鸚目瑩尚漬墨花碧詞答謂我愚悔
復料已逆明日未央朝執手笑啞啞

吳冲卿示和韓持國詩一卷輒以爲謝
葉公所好者熟已識頭角一日真物來駭汗沛
且暹我初見韓子蛇蟻噴雷雹子復蛟龍文氣
象不可捉畏懷但驚顧得與前事較

新息重修孔子廟記

新息古邑也自漢以來幾因亂而孔子之廟歲
享不絕于今雖邑宰有賢否祀典繫國家也儻

不賢差薦不葺有矣祀其廢諸慶曆七年清河張君仲爲是邑始勤於治民謹於條約恪於事上既而民信訟且簡乃修孔子祠及祭器于未知君之果學耶學而果知道耶以斯舉則君似有本者學者未必信奉如之嗚呼孔子之道與天地久與日月昭一郡一邑之廟不足以光顯厥德報厥功也略究爲郡邑之人少誦其書長就其藝遂得其祿忍負不爲一出口之勞完其廟至使瓦墮簷風雨壞桶甕缺階塵昏像犬豕穴墻垣往來其間哉新之無是患庶幾賢已然則苟因爲利廣爾宮俾不肖有說非予望於君也况邑隸蔡守吳公輔臣大儒名重天下聞君能是得不樂耶予思昔忝邑時見邑多不本朝廷祭法往往用巫祝於傍曰牛馬其肥癯瘠其銷穀麥其豐瀆侔爲甚于既革之君觀有若是者當改爲以從著式云

范景仁席中賦葡萄

朱盤何累累紫乳封霜厚今爲馬谷繁昔醜梁

州酒乃知西土珍漢使傳應久

夜聽鄰家唱

夜中未成寐鄰歌聞所稀想像朱唇動髮鬢梁塵飛悵節應偷笑竊聽起披衣披衣曲已終窓月存餘暉

宋次道得廣南金橘爲餉且有詩因和

鼎

越橘如金丸爛然已盈筐誰傳嶺外信尚帶霜前葉莫嫌道路遠得與樽俎接主人無吝心懷歸子敢輒

李廷老席上送韓持國歸許昌 得早字

馬蹄踐霜華遊客歸何早重裘不畏寒况復非遠道誰言未顧期登第鬢如葆解裝喜可知月下金壺倒

送韓持國

曰予非才敏乃與世寡游三四洛陽友過半已成丘晚節五六人文行皆潔修韓氏棟蓐盛於我爲薰蕕君比衆最篤我唱君非鼎昔我竹軒

下被窓風颺颺君時不厭過道遙談未休頗爲俗士憎恬不防各充邇來我還都君亦辭舊州舊州君所隱安得此久畱雪晴命駕歸使我生悲愁誰見洪水上定更不驚鷗

遲月

遲月月已上清光在高木未能照我庭團團隔東屋

風笛

既殊出塞聲還非江上聽夜吹送悠揚高樓月方迥

霜鐘

昔向寒溪野遠寺檀白雲今也趨早朝殘月馬上聞

鳴琴

雖傳古人聲不識古人意古人今已遠悲哉廣陵思

和曹光道詠直廬屏中六鶴

漢家爲瑞雙黃鶴只道飛翻太液池不似雪屏

六盡鶴帝宮深處有人知

晚歸聞韓子華見訪

門外多車騎後迹亂前蹤誰識此來過塵蹄重復重歸有野僕言恨不故人逢豈無肴酒設所向爭所從未能一往見懶拙其必容

送丹陽新守李國博歸洪州

蔡水冬不枯唯愁夜冰結歸船及暖下窮臘未飛雪淮潁地漸偏川上雲常世幾日接春波南風楚江徹拜親懷郡章子慕嗟才劣

食齋

世羞食齋貧食齋我所甘適見採齋人自出國門南土蠹瘦鐵刀霜亂青竹籃携持入凍池挑以根葉參手龜不自飽食此尙可慙肥羔朱尾魚腥羶徒爾食

甘陵亂

甘陵兵亂百物灰火光燭天聲如雷雷聲三日屋瓦摧殺人不問嬰與孩守官奔走蔽浮埃後日稍稍官軍來圍城幾匝如重錘萬甲雪色停

噉噉孰敢專輒但取裁黃土始堅難速頽

夜飲席上賦松子

風松有霜子吹落幽人庭幽人畏狼籍日掃出
巖扃誰將稱遠物乃信涉滄溟

送李審言殿丞歸河陽

大河冬合時上可馳車馬歸子從橋安黃流在
水下况命使於家其美世爲寡是宜飭以行慰
此懷慕者

送王宗說寺丞歸南京

晏歲欲飛雪滿天舍凍雲犯寒單騎速獵吹紫
裘薰庭鶴還先喜池鴻去始聞公應問貧賤善
說莫如君

李審言將歸河陽值雪遺金波酒

朔吹卷天吼遠郊無鳥飛忽驚開戶白昨夜打
窓微聞巷我方懶關山君獨歸翻能寄醇酎爲
此解寒威

對雪憶往歲錢塘西湖訪林逋三首

昔乘野艇向湖上泊岸去尋高士初折竹墜蘿

曾礙過却穿松下到茅廬

旋燒枯果衣猶濕去愛峰前有徑開日暮更寒
歸欲懶無端撩亂入船來

樵童野犬迎人後山葛棠梨案酒時不畏尖風
吹入牖更教牀畔覓鴟夷

元日朝

萬國諸侯振王珂路雲朝會雪初過欲聞鳳管
天邊度數聽雞人樓上歌放仗旌旗方偃亞廻
頭宮闕更嗟峨謬陪王屬曾何補泛泛慙同上
下波

荅祖擇之遺新羅墨

海上老松苑霹靂燒瘦龍胡人犀皮膠團煤烟
膏濃色奪陽爲翅來涉溟渤重君獲乃爲贈我
謬蟲鳥蹤且作異土玩不愧西域筇

對殘雪懷歐陽永叔

窮臘一尺雪跨春氣逾嚴童僕苦病瘵庭戶無
與杙日消夜復凍霰積泥相醜懶出獨懷遠何
由寄江帆

寄題時上人碧雲堂

望望佳人來未來，雲已暮。當時千里恨，不獨看雲故。何此啓虛堂，定知吟秀句。還會古人心，古人非特賦。

和宋中道元夕二首

結山當衢面九門，華燈滿國月半昏。春泥踏盡游人繁，鳴蹕下天歌吹喧。深坊靜曲走車轅，爭前闐盛亡早尊。靚妝麗服何柔溫，交觀互視各吐吞。磨肩一過難久存，眼尾獲笑迷精魂。貂裘比比王侯孫，夜闌鞍馬相馳奔。

春風來解吹殘雪，燈燭連陽萬戶燃。竟看繁星在平地，不妨明月滿中天。檜袍已向端門御，倦曲初聞法部傳。車馬不聞通曙色，康莊時見拾珠鉤。

李國博遺浙薑建茗

吳薑漬吳糟，越茗苞越種。咀辛聊案杯，啜味可奴酪。但拜故人貺，何言爲物薄。我心易厭足，不比填溝壑。

送臨江胥令

初從桃源還，却向竟陵去。今作中州官，山水不曾飲。且當傳竹枝，莫學乘籃轝。雲采杜鵑時，千嶽響行處。

寄題滁州醉翁亭

瑯琊谷口泉，分派漾山翠。使君愛泉清，每來泉上醉。醉纓濯潺湲，醉吟異樵悴。日暮使君歸，野老紛紛至。但留山鳥啼，與伴松間吹。借問結廬何使君，游息地借問醉者何使君。閒適意借問鑄者何使君，自爲記使君能若此。吾詩不言刺。

戊子正月二十六日夜夢

自我再婚來，二年不入夢。昨宵見顏色，中夕生悲痛。暗燈露微明，寂寂照梁棟。無端打窓雪，更被狂風送。

賜緋魚

蹉跎四十七，腰間始懸魚。齒袍雖可貴，髮短齒已踈。兒女眼未識，競來牽人裾。不知外朝衆，君恩慙有餘。

和荅韓子華餉子魚

南方海物難具名子魚珍美無與并完鱗全乙
異臭腥素鹽漬曝生花輕其頭戢戢筠篔簹盈出
自通印時所評遠涉川陸來都城親賓交遺已
見情食指守動吾竊驚果獲異味亦足明

和荅韓奉禮餉荔枝

韓盛人所希四海饋名物韓復未踈予分珍會
不一莆陽荔子乾皺殼紅釘密存甘尚可嘉本
味固已失遙思海樹繁帶露摘初日安得穆王
駿能置萬里疾

閏正月二日夜張氏納婦太素子

婚姻貴及時周有標梅詩雪後花將發人歸室
且宜坐中傳漏鼓戶外轉星旗環佩遙聞出當
脩廟見儀

酌別謝通微判官兼懷歐陽永叔

識君童稚時而今君齒壯不見二十年顏貌已
非向親戚多零落欲語還悲愴更問平生交又
從滁水上君又滁水歸寄音傾桂醪儻復二十

年吾焉保無恙

和永叔郡齋聞百舌

響舌能令百鳥羞聽時丹杏發山郵春雲不定
雨來急濕翅蒼茫高樹頭

送陶太博通判廣信軍

平時易水頭不復起邊愁壯士去來久寒波空
自流臨塘移鷺羽隔戍見瓊裘半似江南美軍
和賡宴游

荅王太祝卷整

朝迴泥塗不可出餓馬僂僕驅之頑閉門獨與
古人語黃卷未終聞扣關賢哉公族肯來顧詩
袖大篇令我刪珠光玉瑩絕瑕類強欲指攬徒
羞顏自同培塿最淺狹安得與子論丘山

雨賦

春雨之至兮風呵而雲導在上爲膏在塗爲淖
破末漸本潤萬物者歟施及天下不收報者歟
入波而隨流因積而成潦專好而失道者歟壞
瓦漏屋蒸菌出木過而爲醅者歟朝使人愁夜

使鬼哭迷而不知復者歟將告之雨雨無聽也
將告之天天且曼也窮君知命是何病也噫

送張太博通判袁州

君非身尤謫南州南方尚鬼其俗媮媮爲鄰虎
爲獸丹茅苦竹深幽幽邑人祠鬼拜古樹竹杯
一仰來烹牛牛死齧懼常不幸誰得禁止專鋤
鉤借曰未信君且往民將語怪君聽不仰山頭
有行舟

依韻和宋中道雨夜

暗驚料峭寒春寒兼春雨知勝早朝人聞曉不
開戶丘壑豈無容泥塗還自取誰吟何遜詩不
覺逢逢鼓

讀裴如晦萬里集書其後

君自萬里迴遂成萬里集其詩二百篇文字必
已立定應俾前人未嘗有踏襲古溪壑鐵刀出
塚土花澁誰將飾以玉鐔上光熠矚宋子序其
端精悍孰鉗擊搜新造空蒙俗眼不得入示予
要賦之短戈愆後執

見胥平叔

歷君門兮九重雲黯黯兮欲雨隱翠幕兮觀子
心春春兮不語

宣麻

彬美下一國會無相印羸莫驚除拜峻自是戰
功優壯士頗知勇諸儒方貴謀淮西封亦薄裴
度死生羞

朧月

夜暗初見月雲薄未分明高樹尚無影遠瀉時
有聲下階嫌履濕閉戶認苔生寂寂墻陰暝更
長已漸傾

兵

太平無戰陣漢卒久生驢金甲不曾授犀弓應
自調嗟爲燎原火終作覆巢巢若使威刑立三
軍豈敢驚

泥

一夜添春雨中衢長舊泥屐屐粘憂折齒馬滑長
顛啼去啄從江鶴相呼任竹雞朝來放朝請始

與逸人齊

聞韓仲文使歸

傳道使車迴柳條黃未開曉寒非絕漠春色近
章臺名馬北方至賓鴻南國來明朝齋戒見天
子始稱才

未晴

未晴初止雨蒸潤尚侵衣缺月如羞出荒雲不
肯歸杏花未欲綻梅萼雪將稀遠鴈來何急衝
風濕翅飛

夜陰

月色明還暗雲寒散復濃古堂移牖懸積霧合
蛟龍濕菌飛螢出蒼苔上朽重獨吟嗟向老氣
避覺偏慵

夜暗

新晴月正明頻聽夜鳥驚未向高枝穩時爲繞
樹聲群飛自紛泊衆鳥不屏營躁靜於焉見誰
能度物情

古鑑

古鑑得荒塚土花全未磨背菱尖尚在鼻歌角
微訛月暗蝦蟇蝕塵昏翹翹過但令光彩發表
裏是山河

蒙駝

鳴駝出西域街尾自連連漢驛凌雲去胡人踏
雪牽常時識風候過磧辨沙泉老覺肉封側猶
蒙錦帕鮮

李庭老許遺結絲勒帛

紉絲作長帶正勝茱萸紋冉冉仍垂緋皜皜白
有薰鮮華非稱我脩飾未如君曾不日來取賢
哉知禮云

貧

生其類原憲死不學陶朱但樂詩書在未憂鍾
鼎無耻隨波上下難免鬼歔歔陋巷曲肱者終
朝還似愚

行僧

風衣何揭揭有若瓠葉翻塵土不遠去白雲藏
石門
宛陵先生集卷第三十一

宛陵先生集目錄卷第三十二

送景仁歸蜀焚黃 送中道鄭州拜掃

送子華歸許昌 燕

送周長官知遠 寒食

和諸君游湖見寄 擬試合桃薦寢廟

子華約游園 大風

春風 送侯寺丞知華縣

次道家摘寶相花 送南京冠中舍

送韓奉禮隨侍許昌

金明池遊 和應之還邑

送韓仲文知許州 送薛殿丞知達州

和朱學士憶潁川 集英殿宴以雨放

送陳太祝歸河陽 送祖擇之知海州

殤小女 與用文師

小女埽銘 送吳學士歸蔡州

送刁景純 刁景純期水門再別

和答韓子華 舟中聽汴水

逢王公慥太博 寄題洪州慈濟西軒

送謝著作歸陳州 和石學士官舍十題

勉致仕李祕監 送江南施提點

夜泊虹縣 施景仁邀詠古檜

送提點王判官 淮南

舟次山陽呈王寺丞

送崔寺丞宰臨海 楚童寶應道中起慶曆七年夏

雜詩絕句十七首

目錄終

宛陵先生集卷第三十二

宋宛陵梅堯臣聖俞著

送范景仁學士歸蜀焚黃

蒼山過秦梁山盡見川陸下馬古城都訪壟得
喬木掃攔開莫席隕淚濕俎肉當時相如歸徒
自盛車轂不聞有是爲事乃今古獨還因問者
舊亦莫遺隱上荒祠古栢下殘月杜鵑哭憑君
約史筆書作西來目

送宋中道鄭州拜掃

酣酣道傍杏戰戰壙上栢不知煙火禁但感風
露易開闢掃墓隧向樹繫車輒灑淚有餘悲麒
麟高幾尺

送韓子華歸許昌

不值風雨暴杏過梨已開社後清明前鶯與人
歸來湖中水方漫誰共泛其隈儻有問顛顛顛
顛未忘盃

鷺

泯泯復來鷺飛飛自舞空輕如漢家后斜避楚

臺風十折揀沙蒿相高接草蟲向人全不畏切
莫入吳宮

送周衍長官知遼州

二月遼陽去遼陽草未生春風吹胡沙卷起黃
雲平土人耕耨晚種黍何時成塞地寒且薄百
伎子宜輕

寒食

墳塚徧青山高低占原谷向來路已荒今迷問
樵牧涉水到雲林隔崗聞近哭沃酒白楊下悲
風何颼颼雨止梨園殘鳩聲在茅屋

依韻和太祝同諸君遊園湖見寄

陽春何處來客自商丘至一唱新辭工始見故
人意園林誰與遊卉木欣已媚花上有微陰水
邊無近思遙憐數觴豆何必親歌吹牧馬憶當
時招延遺舊地不逢浮沼鴈但見銜魚翠日予
謬詞律答句嗟蕪累安能接賢彥樂事聯輕騎
獨不負春風塵纓此懷愧

門學士院試合桃薦寢廟詩擬作

交交鳴谷鳥，粲粲熟荆桃。寢廟此先薦，離宮將以邀。既同羞俎實，且異獻溪毛。露頰明朝日，朱光逼赭袍。戴經傳自久，漢令著方高。天子從茲食，羣臣賜亦叨。

韓子華約遊園上馬後雨作遂歸

誰約玩春物，狂風雲驟開。提叢多落葉，蔽路足昏埃。逆水鷺迎雨，將生鵝怕雷。稻康今轉懶，騎馬半途迴。

大風

夜風晝不止，天理何可常。正當春木榮，搖磨枝葉傷。東皇務長養，乃值此物狂。曷不訴於帝，斥之出遠方。風伯有罪五，孰肯進皂囊。往時歲苦旱，救熱雨欲滂。吹之不使下，雲雷遂深藏。復搖江海波，白日沉舟航。又卷關塞沙，千里填河隍。拔木與退鷁，書傳言已詳。今者天柔和煦，煦皆敷芳。獨爾何不仁，蒙怒事雄強。既其背天時，誅殛固所當。嗚兼虎嘯助，惡黨亦昌。

春風

常愁春雲低，誰料春風惡。搖扇無定響，折幹時聞落。吹花摧細草，送雨來高閣。江燕倚身輕，逆飛前復却。

送侯寺丞知華縣

侯洛人

伊洛合河流，正臨歸華路。崖壁人畏崩，芹泥岸長固。山迴邑郭見，馬入雲煙暮。辛茲雖所淹，况與鄉黨附。

宋次道家摘寶相花歸清平里

往歲見此花，開遲手擷羣芳。因醉喚今來，須約爛熳看。及過風雨，又已後。主人爲我，特殷勤。架底深深，撮孤秀密枝。陰蔓不爭開，薄紅細葉尖。相聞先時已落，已掃除。最晚堪憐子，所厚呼童歸。遺不可緩，金盤付與急。豈暮遠已見，映雪髻初拈。尚覺香在袖，官橋夜市正沽酒。沽酒共賞，莫待晝。

送南京笈判寇中舍

東風莫迎船，船下黃流急。送車猶未動，額棹已不及。離宮佳氣盤，賓幙平時入。因君報親舊，將

去江南邑

送韓奉禮隨侍之許昌

岸之側多菖蒲蒲之下多乳魚乳魚可以饌菖蒲可以葅羹君調膳去且樂因使無忘寄我書

金明池遊

三月天池上都人袿服多水明搖碧玉岸響集靈巖畫舸龍延尾長橋寬飲波花光粲粲女齒笑嗟嗟行袂相朋接遊看與賤摩津樓金闕米幢殿錦文窠孳楫車傍綴歸郎馬上歌川魚應望幸幾日翠華過寬入聲

和應之還邑道中見寄

向老思舊交欲見恨無翅前時君來都欣喜乃一至亦既勤我懷酌酒去拘忌自從離洛陽此會無三四謝尹最賢豪已嗟存沒異因酬馬上篇遂寫相逢意

送韓仲文知許州

孰不爲太守所榮歸故鄉僚官詫舊識邸吏窺新車前去別馬上今仰立道傍野老拜車塵里

人持壹榮至家垆笮美謁瓏雲日光盛事難盡書且舉國門觴

送薛殿丞知達州

遠郡古通川雲煙秀重疊江從巴蜀來山與峨眉接啼鳥異方音青林四時葉使君當問俗市賈皆紅頰

依韻朱學士廉叔憶潁川西湖春色寄獻尚書晏公且將有宛丘之命

物景有先後春工無舊新追歡成杳謫寄詠苦逾巡湖水與濠接岸亭將寺隣艷花春舞鬢蕭蕭藻胃垂纒客奏桓伊笛人歌柳憚蘋何嘗煩几案自得去埃塵縱語曾忘倦從游未覺頽賦詩高壓古下筆敏如神每想覓俱往終知夢是因廣騷常慕屈感遇亦希陳借問摘詞者當特別乘人喜公移幕府連賞二州春

集英殿賜百官宴以雨放

春來無點雨三月始聞雷曉殿鳴簷急羣公罷食迴燕迎風翅健馬踏霧泥開晚覺微陽透飛

光上綠槐

送陳太祝歸河陽

巖馬度關去夜向河橋歸水風來何急吹裂游
子衣到家莫又留速書赴禮闈大對必有蘊時
哉無闕稀

送祖擇之秘丞知海州

驥有千里足不使千里馳人有抱長才亦復不
得施去去作守長政化尚可爲勿云海濱陋豈
無彼黔黎事舉訟必簡安能忘酒厄水物錯在
俎醜腥應自宜胸山日相對亦莫厭其卑蒼翠
入畫戟濃淡若秀眉但向此中樂用捨乃繫時
戊子三月二十一日殤小女稱稱三首

生汝父母喜死汝父母傷我行豈有虧汝命何
不長鴉雛春滿窠蜂子夏滿房毒螫與惡噪所
生遂飛揚理固不可詰泣淚向蒼蒼

陪萱樹上花瑩絮昔嬰女春風不長久吹落便
歸土嬌愛命亦然蒼天不知苦慈母眼中血未
乾同兩乳

高廣五寸棺埋此千歲恨至愛割難斷剛性刻
以銳淚傷染衣斑花惜落帶嫩天地旣許生生
之何遽困

與用文師

師名學佛者何乃愛吾詩吾方嗟世人各各事
奔馳蒼鷹絕海至不異攫鼠鴟所趨有遠近所
向皆餒餓漱水對無語風動庭樹枝

小女稱稱塤銘

吾小女稱稱慶曆七年十月七日生至八年三
月二十一日死嗚呼鳥獸蟻蟻猶有歲時之命
汝不然也汝稟氣血爲人豐然哲然其目瞭然
耳鼻眉口手足備好其喜也笑不知其樂其怒
也啼不知其悲動舌而未嘗言無口過動股而
未能行無蹈危飲乳無犯食之禁愛惡無有情
之系若是則得天真與保和何病天之遽乎得
不推之於偶然而生偶然而化偶然而壽偶然
而夭何可必也吾將衣汝衣飲汝棺墓汝于野
亦人道之常分汝之寬其散而爲大空其復託

爲人不可知也其質朽而爲土不疑矣富貴百年者尚不免此汝又何寃瘞之日父母之情未能忘故書之博非欲傳之久且以誌其悲云銘

曰

母孕而夢夢維虺虺古占女祥夫其豈然耶復占我夢我遺我稱我名命汝平御妾媵旣屬而乖胡然乎靡應

送吳冲卿學士歸蔡州

孟夏日南歸馬耳豎迎風急雨不及避斷霓明向東古城汝水傍化俗寄我公君今去拜慶酥酪美將同

下土橋送刁景純忽大風韓子華先歸遺其小方巾明日持還副以此詩

昨日汴水頭共餞東去人暴風吹黃沙對面不相親歸來乘大馬悞擲小方巾平明馳奴還偷樣古逼真

刁景純期水門再別以風雨不往

餞客客未至明朝當更來風雨尋船懶車馬向

城迴烏帽吹覺重清樽想誰開終期江上見俗禮聊損裁

韓子華訪石曼言不遇石有詩韓邀和答

嘗聞載酒者去訪子雲居乃值徒御出遂令談笑虛爲黍寧乏具題鳳豈有諸一聽負荆語還想蘭相如

舟中夜聽汴河水聲

夏雨漲黃流夜鳴隣船柁乘危冒險人不識西山餓

逢王公億太傅

駑馬不惜蹄出門莫畏泥泥中逢故友十載相爭朕但怪蒼鬢色斑斑俯鐵驢少立不及語交策或東西向晚我還舟君來訪長堤對論出處跡存沒生悲啼勿言少壯日志意吐虹霓而今七不堪懶又甚於嵇

寄題洪州慈濟師西軒

西軒無落暉所賴西庭竹竹間有古葉竹上有

繁綠夜雨一洗梢朝陽似晞沐焚香愛此心自
不同諸俗

送謝著作歸陳州

騏驎泥中行偶蹶未千里終當至高衢尚苦泥
行耻今歸雨濛濛嘶鳴欲何止乃念彼名駒近
在清川浹他日見騰驥驚檻此垂耳

和石昌言學士官舍十題

病竹

水邊移得已傷根枝葉如枯生意少主人不使
荒穢侵遂長琅玕勝凡草

石榴花

春花開盡見深紅夏葉始繁明淺綠愁知結子
熟秋霖不識來時有筇竹

葦草

葉如華黍實如珠移種官庭特惹情但蠲病渴
付相如勿恤謗言歸馬援

石蘭

言石曾非石上生名蘭乃是蘭之類療痾炎帝

與書功初佩楚臣空有意

萱草

人心與草不相同安有樹萱憂自釋若言憂及
此能忘乃是人心爲物易

葵花

此心生不背朝日肯信桑草能曠之真似節旄
思屬國向來零落誰能持

蔬畦

手自除荒手自鋤葱鍼已挿墜薤本朝共夕灌
豈不勤比食翦苗閑且穩

水紅

江天淡淡江水平江岸有花紅作穗今日特向
都城開畫時只合衝魚翠

甘菊

世言此解制頰齡便當園蔬春競種到秋猶得
泛其英爛醉莫辭官有俸

蘭

楚澤多蘭人未辯盡以清香爲比擬蕭茅杜若

亦莫分唯取芳聲襲衣美

勉致仕李祕監

淵明歸柴桑家貧食不足當其勇去時不待林
稻熟借問何以然實耻暫屈辱公常爲近臣曾
不輒媚曲一緣府舍災遂使還秩祿祿仕四十
年內乏釜鍾粟歸來託四隣恹恹無片屋去就
異前人其義已介獨譬之食嗟來應自甘退縮
當營負郭田漸可事水竹

送施景仁太博提點江南坑冶

楚山豈無銅楚匠豈不工大鑪常乏鑄碧卅那
得充積弊在鄉縣孰肯以利籠君今承詔行諭
民當得中苟能使之發亦莫取之窮此乃事可
父山深山自通

夜泊虹縣同施景仁太博河上納涼書
事

與君愛清風移榻就明月月落見星繁星繁如
晝熱露水輕露墜響岸崩湍蓄坐思都城時誰
許脚不襪

施景仁邀詠泗州普照王寺古僧

來尋淮上寺老檜莫知年劫火已鎔像樛枝寧
改煙根擎怪石入節駁蒼苔堅欲問浮波箭空
嗟此獨傳

送王判官同提點坑冶

地雖不受寶利在與民共務國不務民備有安
得用孟氏美王閭共說久已誦聊此陳薄言切
但不能重

淮雨

雨脚射淮鳴萬鐵跳點起漚魚亂目濕帆遠遠
來未收雲漏斜陽生半幅

舟次山陽呈王宗說寺丞

遠客雖有樂莫如逢故人夜懷夷門時月照楚
水濱自居扁舟上隨處與船隣宜將到此日因
使報朋親

送崔黃臣寺丞宰臨海

稱官桐廬時已飽嚴陵釣進吏六百石又得臨
海嶠因之論出處足以見風潮洪潮可登觀萬

里漲川竅收縮向何歸由來人莫料憑君能賦
才庶或窮其妙

楚童

楚童能捕魚乃在水邊居手取眼不顧情知懶
未如吳上浮萍草點點綠有餘既挈不暇理歸
來莫取渠

雜詩絕句十七首

自此寶應道中
起慶曆七年夏

蛙行動萍葉候鵝作游魚稍稍引兩股已變科
斗書

青草生水中日日隨水長水落何所依撩亂爲
宿莽

有蟲託斷葑斷葑日夕流不知止息處隨夫非
自由

荒水浸離根離上蜻蜓立魚網挂遠籬野船籬
外入

茸茸菌熟絲雨染燕脂暈滿樹欽黃昏槿花無
此分

青青老鏡兼下有繁實尖浪頭撥船文刺手終

不嫌

岸傍草樹密往往不知名其間有啼鳥似與船
相迎

青蠅何處來聚集滿盤間誰知腹中物變化如
循環

水上賣瓜女摘瓜陂上田長麻已不識滿把青
銅錢

買魚問水客始得鯽與魴操刀欲割鱗跳怒著
鬣張

沙頭風雨來帖水野雲黑如觀曹公管萬弩射
船側

前時雙鴛鴦失雌鳴不已今更作雙來還悲舊
流水

度水紅蜻蜓傍人飛欵欵但知隨船輕不知船
去遠

塘上挽船人塘泥深及脛落日望前村心將道
途荒

燕立茅屋春燕銜芹岸泥巢成同養子薄暮亦

同棲

鵲銜高樹蟬危脇綠車響露腹不曾肥殺之嗟

已往

河畔有釣翁團泥爲甕坐想秦人聳思傾杜

陵酒

宛陵先生集目錄卷第三十三

夢尹師魯

過高郵三溝

過茱萸堰

詠末叔文石硯屏

末叔進道堂夜話

贈劉謀閣副

長蘆江口

金陵懷古

江畔

慈姥石崖上竹鞭

阻風

慈姥磯下

早發

望夫石

過褐山磯值風

褐山磯上港中泊

宿磯上港

謁昭亭廟

昭亭潭上別

宣州環波亭

昭亭山

泊姑蘇江口遡景純

牧牛隔江吹笛

和末叔中秋邀許發運

與夏張游大明寺

寄麥門冬符公院

送張唐民

秋夜同末叔看月

答末叔不見月

和末叔中秋夜會

觀末叔集古錄

觀舞

宛陵先生集卷第三十二

留別永叔

觀永叔畫真

畫真來嵩

別後寄永叔

登揚州北門

因目痛有作

宿邵埭呈永叔

寄許主客

題過三溝

牛背雙鸚鵡

永叔贈石硯屏

岸貧

村豪

晚雲

荇

晚日

寄酬許發運

前日

淮陰

哀王孫

沛公歌

宛陵先生集卷第三十三

宋宛陵梅堯臣聖俞著

五月二十夜夢尹師魯

昨夕夢師魯相對如平生及覺語未終恨悵傷
我情去卒聞子喪旅寄誰能迎家貧兒女幼迢
遞洛陽城何當置之歸西望淚綠纒

五月二十四日過高郵三溝

甲申七月七未明至三溝先妻南陽君奄化向
行舟魂去寂無跡追之固無由此苦極天地心
督腸如抽泣盡淚不續岸草風颼颼柑殭尚疑
生大呼聲裂喉柁師爲我歎挽卒爲我愁戊子
夏再過感昔涕交流恐傷新人心強制措雙眸
未及歸旅櫬悲恨何時休

過茱萸堰

茱萸堰在吳牛死茱萸堰廢吳牛關吳牛關東
南百貨來如山

詠歐陽永叔文石硯屏二首

號州紫石如紫泥中有瑩白象明月黑文天畫

目錄終

不可窮桂樹婆娑生意發其形方廣盈尺間造化施工常不沒號州得之自山窟持作名卿硯傍物

鑿山侵古雲破石見寒樹分明秋月影向此石上布中又隱孤壁紫錦藉圓素山祇與地靈暗巧不欲露乃值人所獲裁爲文室具獨立筆硯間莫使浮埃度

永叔進道堂夜話

海風驟雲來池雨打荷急虛堂開西窓晚坐涼氣入與公話平生事不一毫及初探易之奧大衍遺五十乾坤露根源君臣排角立言史書星瑞亂止由不載巨惡參大美微顯豈相襲陳疏見公忠曾無與明執文章包元氣天地得嗟吸明吞日月光峭古崖壁遊澗論發賢聖暗澗聞鬼泣夜闌索酒危快意頻舉挹未竟天已白左右如啓蟄

贈劉謀閣副

聲名赫赫在窮塞眉宇堂堂真丈夫腰劍臂弓

輕赴敵無人不伏魏黃鬚

長蘆江口

風駕晚潮急浪頭相趁過水歸瓜步小船下秣陵多鷗舞不停翅鷺飛輕帖波今來學楚客薄暮愛漁歌

金陵懷古

秦莫恃棧閣吳莫恃灑江不能恃以德二國竟亦降邇來屢興廢由險輕萬邦誰知荒涼城空存如剝腔我今經其下弔古語愧嗚嗟哉石頭潮助怒常春撞

江畔

江畔菱蒲碧無主吳牛夜驥江干歸舟人不悟月已上花脚野蚊撩亂飛

慈姥山石崖上竹鞭

江水浸石壁峭直無鳥蹤穴垂青竹根瘦地愁作龍霹靂雨脚入濕點莓苔封世人不得用八馬今垂慵

阻風

老漁吹浪不肯休一夜南風打籬響灘下輕舟
未可行山脚盤渦似車軌

慈姥磯下

蘆汀泱泱外露欽見孤嶂行舟每出觀漸近已
殊狀傍來認飲牛正去忽側盍水壑陰若春野
鳥時與相且待風色迴出口始浩蕩

早發

吳雞鳴隔山江月半在水齧齧出岸湖雪雪入
蒲葦解作泛明鏡接天知幾里我家今不遠正
住句溪尾

望夫石

征骨化爲塵柔肌化爲石高山共蒼蒼臨水望
脉脉青雲卷爲髮缺月低照額千古遺恨深終
不見車軌

過碣山磯值風

山口風偏急磯頭水似煎喧聲殊倦聽逆上正
難牽暗石誰愁礙長途未擬前江心看白浪卷
起大於船

碣山磯上港中泊

風惡舟難進聊依浦裏村岸潮生暮節灘浪聚
蘆根日脚看看雨江心漸漸昏篙師知蟹窟取
以助清樽

宿磯上港

夜深風浪息月正在南斗遠水生白煙疎螢出
荒莽照蟹屨鬣薪張魚未發笱獨能憐野客游
宦意何有

謁昭亭廟

連峰到溪止澄澗向潭瀉瀉廟道走山腰雀雛鳴
屋瓦古壁畫雲雷空庭儼與馬春了來故鄉紫
齋陳莫牽尚想昔非童維愚託民社每從諸父
賽場至此祠下今齒踰不惑幾親世似寡過此
無所禱曷慕逢時者

昭亭潭上別

行舟晚解去親戚各還家淡落正濕衣腸翻如
轉車借是昭亭水相隨亦有涯予今游宦意曾
不學匏瓜

宣州環波亭

月暑駐輪轂徘徊北壕上棟宇起中央芙蓉生
四向今吾太守樂慰此郡人望雨從昭亭來水
入句溪漲蜻蜓立欄角朱鯉吹荷浪岸木影下
布水鳥時引吭心閑不競物興適每傾釀薄菘
詠醉歸陪車知幾兩

昭亭山

曰山何必高要在出雲雨昭亭非峻峯雄雄若
蹲虎旱歲一來祠霈然隨漑醑有草牧爾牛有
薪資爾斧有溪出其陰有潭在其塢獸則雜與
貉魚則魴與鱖山雜水羽聲下上相雜伍呼名
如謙恭號叶若怒侮崖竹或節踈嶺松或腹腐
巨蜂結層房養子窟深土何事山中人采以爲
市賈其容固已多其忍吾未取

泊姑熟江口邀刁景純相見

時陳州曼相公辟

尾生信女子抱柱死不疑吾與丞相約安得不
顧期徘徊大江側念此親相知欲留時已晚欲
去情難持引領望軒車豈能慰我思願聞下士

禮無曰屈非宜

見牧牛人隔江吹笛

朝與牛出牧晝與牛在野日暮穿林歸長笛初
在脣面尾騎且吹音響未成雅隨風散遠近舉
調任高下我方江上來平溜若鏡鴻悠悠經醉
耳亦足發瀟灑苟能和人中心豈必奏韶夏鄭聲
實美好蠢情如馴剛况其荒敗跡亦又甚裂瓦
南箕成箴揚寺孟詵後哆我今留此詩誰謂馬
喻馬

依韻和歐陽永叔中秋邀許發運

看取主人無俗調風前喜御夾衣涼競邀三五
最圓魄知比尋常特地光艷曲旋教應可聽秋
花雖種未能香曾非惡少休防准衆寡而今不
易當

宋叔詩云仍約多爲詩
准備共防梅老敵難當

與夏侯繹張唐民游蜀岡大明寺

秋葉已多靈古原看更荒廢城無馬入破冢有
狐藏寒日稍清迥羣山分漭蒼田衣指白水此
下是雷塘

寄麥門冬於符公院

佳人種碧草所愛凌風霜佳人昔已歿草色尚
蒼蒼陸行載以車水行載以航于今五六年與
我道路長思人不忍弃期植寒家傍我嗟復比
去安得畢此喪留植精舍中遠擎防根傷他時
京峴下不比野蒿黃

送張唐民

楚甸有行客西風一孤舟遠隨淮月上若與星
槎浮野岸襲幽芳氣清露已秋得意美魚蟹白
酒間沙頭

秋夜同永叔看月

青天有右目昏明不常開常時翳雲氣古鑑生
莓苔秋夜特清徹乃顧漸西迴靈兔不搗藥是
夜無纖埃與君玩流景置酒臨層臺單衣濕白
露鳴鴈方南來以言歡未終鴈聲一何哀

中秋不見月答永叔

天嫌物兼美而使密雲藏已向石屏見何須照
席光

和永叔中秋夜會不見月酬王舍人

主人待月做南樓淮雨西來斗變秋自有婢始
侍賓榻不須迢迢望刀頭池魚暗聽歌聲躍蓮
的明傳酒令優更愛西垣舊詞客共將詩典壓
曹劉

觀永叔集古錄

古碑手集一千卷河北關西得最多莫怕他時
費人力他時自有錦蒙馳

觀舞

坐上作

誰憐嬌小好腰支老大而今莫那伊太守風流
未應淺更教多唱楚人辭

留別永叔

舊友競留連我征時已晚但言會合難豈道行
路遠行路到有期別離未即返明當各相思念
此去且懶

觀永叔畫真

良金美玉不可畫可畫唯應色與形除却堅明
盡非寶世人何得重丹青

畫真來嵩

廣陵太守歐陽公令爾畫我憔悴容便傳髣髴
在縑素尸欠勁直藏心骨與我貨布不肯受此
之鑿卜曾非庸公今許爾此一節爾只丹青其
亦逢

別後寄未叔

前日辭親淚又爲別友出愁極反無言欲言詞
已窒荷公知我詩數數形美述茲道日未埋可
與古爲匹孟盧張賈流其言不相昵或多窮苦
語或特事豪逸而於韓公門取之不一律乃欲
存此心欲使名譽溢竊比於老郊深愧言過實
然於世道中固且異謗嫉交情有若此始可論
膠漆

登揚州北門

樓上山如淡墨畫城中水似輕藍接揚州今似
刀州景似聽中和樂職歌

因目痛有作

已爲貧孟郊拚作瞎張籍詩句但口吟世事不

眼歷既能分好惡難用變青白讀書聽吾兒且
未廢朝夕

宿邵埭聞雨因買藕笑人迴呈未叔

秋雨鴈來急夜舟人未眠亂風燈不定暝色樹
相連寒屋猛添響濕窻愁打穿明朝持藕使書
此寄公前

寄許主客

昨日山光寺前雨今朝邵伯堰頭風野雲不散
低侵水魚艇無依尚蓋蓬藕味初能消酒渴翠
芳猶愛照波紅揚州有使急迴去敢此寄聲非
塞鴻

八月二十二日迴過三溝

不見沙上雙飛鳥莫取波中比目魚重過三溝
特惆悵西風滿眼是秋藻

牛背雙鸚鵡

牛背雙鸚鵡煙波共入時草枯行解美日晚趁
羣遲聞載寧辭遠相鳴不聞雌初驚牧人去飛
上野桑枝

廣陵歐陽永叔贈寒林石硯屏

磷磷石屏上濃淡樹林分隔水見寒鳥暗枝藏
宿雲賢哉吾益友持以贈離羣琥珀不須問中
心多化蚊

岸貧

無能事耕穫亦不有雞豚燒蚌照槎沫織蓑依
樹根野蘆編作室青蔓與爲門稚子將荷葉還
充犢鼻視

村豪

日擊收田鼓時稱大有年爛傾新釀酒飽載下
江船女髻銀釵滿童袍毳毼鮮里胥休借問不
信有官權

晚雲

黯黯日脚雲斷續如破灘忽舒金翠尾始識秦
女鸞又改爲連牛緩燧懷齊單伺黑密不驚額
頰城未剗風吹了無物猶立船頭看

荇

荇葉光於水鉤牽入遠汀淺黃雙蝶蝶五色小

蜻蜓老死懷江女飄浮笑楚萍西風甚苦急孤

藥有餘馨

晚日

晚日暗還暖人閒見物機葉枯蟲自暴窺響密
尋歸林下見收柿水邊聞擣衣吾嗟久爲客却
愧寄荆扉

寄酬發運許主客

淮上秋來物意閒又乘輕舸信帆還一浮一沒
水中鳥更遠更昏天外山斜幅纏躄兵吏至漉
金灑紙領珠頌欲酬已覺不能敵盡日臨風思
自慳

前日

前日楊州去酒熟芙蓉爛秋風淮陰來沙晚拾
蚌蠅不言爾貧富只繫其鄙夷漢重二千石後
世何忽之

淮陰

青環瘦鐵纜繫在淮陰城水腥多長短林枝有
直橫山菱一足走妖鳥九頭鳴韓信祠堂古誰

將跨下平

哀王孫

泗水赤龍將欲飛，瘦蛟在泥雲未歸。
冰蠶熒灰寒水擊，長大王孫抱饑色。
誰知適自下鄉來，日具可哀猶未食。
菽飯白粳持與君，王孫王孫何復云。

沛公歌

赤帝醉提龍劍行，徑草沒人壯士驚。
白地斷裂不可續，神姬哀夜深。
哭酒醒自負氣，生虹從者日畏天下雄。
秦皇玉輿來向東，安知隱在芒碭中。
婦人自識雲氣從，王命艱哉豐沛公。

宛陵先生集卷第三十三

宛陵先生集目錄卷第三十四

使風

田家屋上壺

夢後寄裴如晦

昭信淮上

小村

難知

九山

淮岸

原有會

浮來山

泊下黃溪

濠梁感懷

渦口

夢諸公餞仲文

過塗荆山

舟上采菊

朝暮

荆山

塗山

曉日

雞聲

采杞

泊板澗觀渡

看山寄中道

暮雨

細雨樵行

晨鴉

會稽婦

九日次壽州

泊壽春龍潭

穎上得鯉爲膾

丘家渡早發

水次蘼花

夜行憶山中

村醪 川上田家

發勻陵 聞鴈

牽船人 田人夜歸

喧張甥不捷鄉薦 聞櫓

晚鷗 新晴

項城阻風 斫膾懷未叔

夜漁 驚鳧

相公後園四題 和許主客夜會

和相國屋上菊叢 寒菜

送裴節推歸京 十月菊上蜂

送江學士睦倅 和民樂

和晚花 聞進士販茶自此宣州買物
二年五月後

梅雨 烏毀燕巢

五月十三日大水

目錄終

宛陵先生集卷第三十四

宋宛陵梅堯臣聖俞著

使風

跨下橋南逆水風十幅蒲帆等若弓淮波帶日
魚鱗紅岌岌飛上北斗中龜山始撞人定鐘岸

草澁澁鳴秋蟲

田家屋上壺

脩蔓屋頭綴大壺簷外垂霜乾葉猶苦風斷根
未移收挂煙突近開充酒具遲賤生無所用會
有千金時

九月二日夢後寄裴如晦

裴生安健否試問鴈經過處士賦鸚鵡將軍養
駱駝食魚今飽未索米柰貧何昨夜分明夢持

書認篆窠

昭信淮上

清淮渺然去白浪勢如奔同發已先遠獨行將
向昏洲長寧辨路夜泊偶依村燈火稍覺亂應
聞人語喧

小村

淮澗州多忽有村棘籬踈敗謾爲門寒雞得食
自呼伴老叟無衣猶抱孫野艇鳥翹唯斷纜枯
桑水齧只危根嗟哉生計一如此謬入王民版
籍論

難知

自古難知不遇人朝爲蛇鼠暮龍麟魏齊客溺
黃中死亭長妻輕跨下貧白石夜歌誰與進黃
金懷印自能伸丈夫只患無才業何恨區區逐
路塵

九山

我經九山問野叟崔嵬一無安曰九且恐斷岸
積瓊玖復意陂原多產韭又疑堆壠若柱灸四
者未悟叟不言使我臨流獨搔首

淮岸

秋水刷土骨峭瘦如老石虛沙踏島嶼寒浪漱
竅隙下過白魚尾上有蒼獺跡平崗自相連野
籜鳴風標

原有禽條鳴升遽默下

小禽不盈握羽翮自輕捷裊裊上雲鳴聲窮如
隕葉雀懷啄粟娛鷄有棲蒿恆嗟嗟力甚微枉
與鷹鷂接

浮來山

善說此山
產雲母

秦鬼驅邪沙聚結無蒼翠誰云海上移能與潮
浮至洞壑蛟鼉腥廟畫風雷異雲母今有無庶
爲僊藥餌

泊下黃溪

黃溪晚來泊得見田家微刺艇斜陽下耕洲載
未歸牛鳴向空犢天喜入人衣復有返樵者櫓
枯翹雉肥

濠梁感懷

天子昔封禪吾叔從金輿迴首泰山下出建雙
隼旗來尋觀魚臺遠承明廡當時十五詠螢
照墨石書

渦口

秋水見灘底淺沙交浪痕白魚跳處急宿鴈下

時昏帶月入渦尾落帆防石根清淮行未盡
明日又前村

夢同諸公餞仲文夢中坐上作

已許郊間陳祖席少停車馬莫催行劉郎休恨
三千里樽酒十分聽我傾

過塗荆二山遇暗石

淮流兩山間勢東秋漲急聚石如伏兵欽欽波
下立輕舟不可防而况昧所習暗值柂已毀後
者戒前及同發去漸逢更愁寒灘澁

舟上采菊

泯泯平慢流行當季秋月演漾過汀洲汀洲芳
杜歇白露夜正霏黃菊寒更發采以泛酒厄不
獨映華髮

朝暮

氣候輒未定寒暄朝暮間挾續水風生衣綵川
陽遠綠草藏遠岸枯櫟植高山且非天時異順
理心自閑

荆山

和楚人茲楚地泣玉山無所記但見楚人誇產
玉古廟幽幽無鬼哭儻有鬼定無足

塗山

古傳神禹迹今向舊山阿莫問辛壬娶從來甲
子多夜淮低激射朝江上嵯峨荒廟立泥骨巖
頭風雨過

曉日

出舟曉日升曠曠波上爛爛黃金鏹暴歷紫煙
生鏡中釣船似畫分橫縱風莫從虎雲從龍變
作霏霞重復重

雞聲

雞聲踏曉呼呼起扶桑烏含光如車輪碾雲蹤
跡無誰教夸父逐遠向鄧林趨復從海底轉循
環似轆轤

采杞

誰謂岸無杞條其長矣誰謂杞無實爛其皇矣
援彼征矣檣旣盈矣拾棘與蠹造此宜酒維此
宜酒我挹我注我飲我助以養我顏

泊樵澗觀渡

隔岸呼舟截臨河立馬牛解鞍沙上憩沉網渚
間收殘日衝沙尾孤帆落戍頭莫愁喧作雨晚
水白煙浮

看山寄宋中道

前山不礙遠斷處吐尖碧研青點無光淡墨近
有跡前林橫白雲復與後嶺隔孤舟川上人引
望不知夕安得老畫師寫寄幽懷客

暮雨

水上魚吹白露山頭雲與龍附潭中水作潭中
雨朱鷺飛過吳洲去鯉魚相隨不知數老蛤衍
泥在深處

細雨樵行

蛟人困卧寒潭底估波濛濛垂白緜波上女兒
飛輕橈逆流自與郎去熱風吹髮髮不及掠鴉
翅卷起鬢尾翹濃纈羅帶長繞腰日暮下來吹
短簫

晨鴉

雲昏月黑鴉不知鼓聲變變雞報啼睥睨未辨
夫東西癡雞噪舞羣翅低野桑葉卷風淒淒瀼
霧不起寒雨迷晨鴉却歸巢上樓

會稽婦

食藕莫問濁水泥嫁婿莫問寒家兒寒兒鬻黑
面無脂驥子縱瘦骨帶奇買臣貧賤妻生離行
歌負薪何媿之高車來駕建朱旗銅牙文弩據
犀皮官迎吏走馬萬蹄江湖畫起橫白霓舊妻
呼載後乘歸梅淡夜落無聲啼吳酒雖美吳魚
肥儂今秦養慙猶雞園中高樹多曲枝一日挂
與桑蟲齊

九日次壽州

昔人把菊望青楹今我持酒無黃花自催屋裏
紅鱗膾不彈墻頭白項鴉壽春城高枕淮水綠
蒲踈踈暮帆起登臨不學孟參軍帽墜山風費
嘲紙

泊壽春龍潭上夜半黑風破一舟

盲風吼空來不識前山遮迴激入灣口暗浪騰

水涯喧鬧破我船沉沒驚一家晦昧若塗漆心緒如亂麻燈光不出戶鬼火空照沙百物任漂蕩薄命誰怨嗟但存此空舟坐類鳥寄槎妻孥皆失色一夕鬢欲華詹惶俟天明頃刻抵歲遲雨寒雞唱遲况乃城上鴉

頽上得鯉魚爲膾懷餘姚謝師厚

青菘潭上老頽尾網中魚買作秋盤膾還思遠客書越薑橙熟久楚飯稻春初雖去故鄉遠不嫌爲饌踈

丘家渡早發

曲頽若秋蛇屈盤鱗甲活問戍得耕人拾魚逢祭懶草窠殘野燒樹挂經流沫百里相對看頽行媿迂闊

水次薜花

秋雨日霏霏碧花生疊疊水邊有神女粧去遺翠靨岸側小家婦不知所宜慙未得未還人自將渾面帖

夜行憶山中

青燐鬼火動不悟前山雨昏徑梟鳥鳴獨行毛髮聚桶葉枯綴林風動疑有虎低迷薄雲開心喜淡月吐

村醪

雨濕破荆籬風搖樹亞旗小槽聲不急挈榼問沽遲摘果野棠熟望人船大隨燈前相對飲還似昔過時

川上田家

斜光隔河明入照桑柘下臯壠生麥苗青尚堪把遠見牛羊歸相親童稚野醉歌秋草間頗與世家寡

發勻陵

秋雨密無迹濛濛在一川孤村望漸遠去鳥飛已先向晚雲涌日微光人倚船安知偶自適落岸逢沙泉

聞鴈

濕雲夜不散薄處微有星孤鴈去何急一聲愁更聽心應失舊侶翅已高青冥幾日江海上免

鷗共滿汀

牽船人

沙洲折脚鷹疑人鋪翅行奈何暮雨來復值寒
風生濕毛染泥滓縮頸無鳴聲爾輩正若此猶
勝被堅兵

田人夜歸

田收野更迥墟里隔煙陂荒徑已風急獨行唯
大隨荆扉候不掩稚子望先知自是一生樂何
須問井爲

行次潁州聞張甥宗亮不捷鄉薦以詩
唁而迎之

風前汝陰道雨冷江南書始歎與意異何慙定
鑑跡但能存楚玉切莫道黔驢不負當時約馳
迎一乘車

聞櫓

靜夜有舟下中流聞櫓聲隔牕燈已暗卷幔月
微明漸向寒灣遠遙應宿枕驚客心何苦急曾
是不錄名

晚鷗

晴川帶微陽鷗鳥雙飛去雙飛如有歸並宿向
何處汀寒霧暮歷未落沙沮洳不避近行舟應
知心寡處

新晴

陰雲忽掃盡朝日吐清光萬里不礙日衆鳥欣
唳吮草樹已搖落山川尚鬱蒼百事擇佳日佳
日唯晴陽

將次項城阻風舟不能進

逆水寒風急輕舟晚不前因來泊古渡聊且上
平田草軟行方穩鷓鴣驚去瞥然却尋孤岸遠吹
憤亂華顛

斫膾懷朶叔

高河古穴深下有蒼鱗出水俾將飛落刀細
可織香粳炊正滑白酒美少力但欠平生歡共
此中路食

夜漁

夜漁歸自速短艇若飛雲水動月猶白擘音人

不聞迴身明燭底，撫卷至宵分。我以此爲足，勞
勞非爾羣。

驚鳧

驚鳧雖避人，終戀舊所泊。盡背船頭去，却從船
尾落。須知取勢高，不是初飛錯。

十月三日相公花 小飲賦四題

拒霜

木杪芙蓉花，開非紅艷早。常畏晚霜寒，朱華競
衰草。

九月二十八日牡丹

香包已向青春發，又見秋深特地開。應笑菊殘
無意思，不能邀賦洛陽才。

殘菊

零落黃金葉，雖枯不改香。深叢隱孤秀，猶得奉
清觴。

三日讌集

蕭然寒圃有殘芳，吟徧朱欄向夕陽。既許坐陪
公衮，貴却慙蒿羽接鸞凰。

依韻許主客北樓夜會

一月能逢幾笑歡，高樓紅蠟滴金盤。吟餘隴首
雲初散，唱盡陽關露已寒。不管星河漸西落，自
將煙水去程寬。當時坐客各南北，誰憶重遊泛
木蘭。

謹和相國屋上菊叢

屋上有叢菊，結根深瓦縫。旣無地勢美，又乏土
力，摧乃因塗。明生不由人所種，亦能應節開。焉
取入公用，公來步廣庭。開鴈目，始縱忽見繁。然
英降植合常從，賓僚席其傍。詠玩意已重，物莫
狀。僻遠會遇良可頌。

寒菜

畦蔬收莫晚，圃吏已能供。根脆上將凍，葉萎霜
漸濃。不應虛已筯，還得間庖饗。肯蓄詩人詠，從
來用禦冬。

送裝飾推歸京

遠水未生凍，輕舟歸大梁。岸迴初向月，篙滑始
落霜。清世豈淹俊，上公存薦章。行應重對策，莫

愧漢賢良

十月菊上蜂

黃蜂得晴日不道菊開稀向暮晚寒起落叢無
力飛輕輕難自舉估估一何微莫問巢房處斜
陽柰欲歸

送江學士睦州通判

涉淮淮水淺沂溪溪水遲君到桐廬日正值采
茶時試問嚴陵跡今復有誰知

和民樂

歲晚場功畢野老相經過有酒自斟酌適意同
笑歌大兒緝牛衣小兒護雞窠困廩見餘積息
成靡負戈林間落熟果屋裏鳴寒梭會待朔雪
時狐兔生且羅飮鮮持作腊贈乏不言他是非
了莫問此理當何如

和曉花

春花莫厭早秋草莫厭遲各不相羨慕榮枯乃
繫時芙蓉東籬英雖晚亦自宜霜前給給開霜
後差差萎深處有孤萼寒月尚見披野蜂徒愛

香凍翼不能支抱枝無力去惘然見恩私

聞進士販茶

自此宣州至和
二年五月後

山園茶盛四五月江南竊販如豺狼頑凶少壯
冒嶺險夜行作隊如刀槍浮浪書生亦貪利史
筭經箱為盜囊津頭吏卒雖捕獲官司直惜儒
衣裳却來城中談孔孟言語便欲非堯湯三日
夏雨刺昏墊五日炎熱譏早傷百端得錢事酒
彘屋裏俄婦無糶糧一身溝壑乃自取將相賢
科何爾當

梅雨

三日雨不止蚯蚓上我堂濕菌生枯籬潤氣醜
素裳東池蝦蟆兒無限相跳梁野草侵花圃忽
與欄干長門前無車馬苔色何蒼蒼屋後昭亭
山又被雲蔽藏四向不可往靜坐唯一牀寂然
忘外慮微誦黃庭章妻子笑我閑曷不自舉觴
已勝伯倫婦一醉猶在傍

鳥毀燕巢

堂間兩胡燕哺雛啣百蟲老鴉亦養子倫雛燕

巢中燕巢忽墮地六七皆命窮赤身無羽翼
斷彼雌雄來往徒鳴聲安得置室官我閨樓
窻窻俄已飄雨風從今更生卯不若受女媧

五月十三日大水

誰知山中水忽向舍外流誰知門前路已通溪
中舟窮蛇上竹枝聚蚓登階陴我家地勢高四
顧如湖漉浮萍穿離眼斷葑過屋頭官吏救市
橋停車當市樓應念此中居望不辯馬牛危湍
瀉天河漫漫無汀洲羣蛙正得時日夜鳴不休
戢戢後池魚隨波去難留揚鬢雖自在江上多
網鉤紛紜間里兒踴躍競學泗吾慕孔宣父有
意秉桴浮

宛陵先生集卷第三十四

宛陵先生集目錄卷第三十五

和吳興五題

和行之芭蕉

促織

吳仲庶邀和六篇

和荅宣城張主簿

送崔寺丞

辨疑贈獻甫

盜備

宣城郭宰遣林檎

自和

送王奉職之彭澤

寄潘歙州伯恭

再寄潘歙州

和末叔荅原甫

依韻酬末叔

依韻酬末叔再示

池州蕭相樓

雜興

夢後寄末叔

送王著作赴壽安

次荅了素上人

送黃通判入浙

烏喙棗

真上人因送傷足

和酬潘歙州

潘歙州寄紙并硯

始見白髭

送了素游廬山

目錄終

宛陵先生集卷第三十五

宋宛陵梅堯臣聖俞著

依韻和正仲賦楊兵部吳興五題

而過見虹明長橋欲映城
廳間晴氣入空際
晝涼生有扇徒看晝無冰
自覺清人知太守
姓不減漢公名

清風樓

在昔有佳句故人如遠來
競生吳客祗不上楚王臺
稍拂清樽動時吹翠帟
開長安在何處
水鳥望中迴

明月樓

雪雲前溪白蒼蒼
後樓巍人疑
槎上客星合蚌中
暉影轉闌干
迥盃行漏鼓稀
只知誇粉黛不向桂邊歸

碧澗堂

虛雲臨澗澗深橋勢對隆
穹環珮佳人去汀洲
翠帶空橋船過砌
下蘭楝起雲中
欲問芳菲地
吳王一廢宮

逍遙堂

江東有賢守好客似春申
自構杏梁地不生珠履
塵樂章思季子後俊得吳均
寢臥在其下知君學至人

依韻和行之都官芭蕉詩

看取有心常不展
亦知隨分坼佳葩
無端大葉映蓮幕
却笑菖蒲罕見花

促織

札札草間鳴促促機上聲
織女夜中起明河簷外橫
一絲不入杼踈密工未精
豈知天孫巧衣脫六銖
輕人間唯貴重暗蟲休催成

吳仲庶殿院寄示與呂冲之馬仲涂唱和

詩六篇邀予次韻焉

次韻被命出城共沈

三駔忽出乘楚艘
直氣突兀如吳濤
大都智勇皆世豪
橫身破浪親戰劔
翅旆受箭誰畏曹
猛士心伏寒生毛
風聲鶴淚傳九臯
何用寶刀稱孟勞
右持酒盃左持螯
功成各慕前人高
不言

大享烹太牢下與尺鷃翔於蒿

依韻游陳留禪寺後池

共逢香刹住萬景筆頭堆池水蛟龍盡汀洲
鴈鴿來遠遊情莫落去國意徘徊舟子休敲鼓
王程不爾催

次韻晚泊睢陽

日下繡衣客江南燕尾鯉跡雖同鷁退心不假
犀涼舊國旌旄去包原死囹荒臨堤一懷古柳
上見微陽

汴渠

我實山野人不識經濟宜聞歌汴渠勞設綴汴
渠詩汴水源本清隨分黃河枝濁流方已盛清
泓不可推天王居大梁龍舉雲必隨設無通舟
航百貨當陸馳人間牛驥驢定應無完皮苟欲
東南蘇要省聚斂爲兵衛詎能削乃須雄京師
今來雖太平盡罷未是時願循祖宗規勿益羣
息之譬竭兩川賦豈由此水施縱有三峽下率
皆靡冗資慎莫尤汴渠非渠取膏脂

次韻臨淮感事

楚舸高帆未可開滿帆風暴作陰雷聖文登臺
傷漂溺世路紛紛自往來浮磬猶聞傳激越沉
妖不見鎮淵回連陂鼉鼉鳴無數安得周官爲
灑灰

次韻夜過新開湖憶二御共泛

出舟湖渺渺月白絕纖氛已見水如鑑莫生波
上雲獨征河幕侶冷酌不知醺露下清吟又同
心本愛君

答宣城張主簿遺鴉山茶次其韻

昔觀唐人詩茶韻鴉山嘉鴉啣茶子生遂同山
名鴉重以初槍旗采之穿煙霞江南雖盛產處
處無此茶纖嫩如雀舌煎烹比露芽競收青藉
焙不重澆酒紗額渚亦頗近蒙頂來以選雙井
鷹掇爪建溪春剗葩日鑄弄香美天目猶稱麻
吳人與越人各各相鬪奪傳買費金帛愛貪無
夷華甘苦不一致精麤還有差至珍非貴多爲
贈勿言些如何煩縣僚忽遺及我家雪貯數砂

聖詩珠無玉瑕文字搜怪奇難於抱長蛇明珠
滿紙上刺畜不爲奢玩久手生胝窺久眼生花
嘗聞茗消肉應亦可破殺飲啜氣覺清賞重歎
復嗟歎嗟既不足吟誦又豈加我今實強爲君
莫笑我耶

送軍國軍宰崔寺丞移臨安

六月畏嶺險乃陟川程迂遙看雲中鴈不亂江
上鳧魚網離飛鴻我邑望何殊鱗方懷其割鳥
反值以列爲言等王民豈限楚與吳是維見戀
幕作詩贈路隅

辯疑贈獻甫

一客逢吠狗無箠制狗狂一客叱狗吠一客言
狗良良狗豈妄吠好言已莫評言乃仁之趨此
乃義所當趨仁不顧義非是助狗倡吾今不疑
仁仁義嗟何妨

盜儒

其衣乃儒服其說乃墨夷天生物一本今爾二
本爲爾忍不整親委以飽狐狸吾心則孟子不

聽爾矢辭

宣城宰郭仲文遺林檎

右軍好佳果墨帖求林檎君今忽持贈知有逸
少心密枝傳應遠朱頰映已深不愁炎暑劇幸
同玉漿斟

自和

陶公種五柳華氏戲五禽達性與養生共得古
人心佳果能御暑致之意何深河朔存故事助
飲莫禪斟

送王克憲奉職之彭澤

折柳贈子行况聞彭澤去將過五株下可與青
青助渭城人唱罷羌管愁吹處江上定多閑踈
陰就箕踞

寄潘歙州伯恭

我貧性愛酒有酒無錢沽新安走牙兵六月至
我廬手中持尺題肩上擔瓦壺高山度青天救
此愁腸枯開之聊傾樽渴肺如澆酥醉來欲學
李白騎鯨魚又思阮籍跨寒驢上溪無健鱗下

嶺無壯駒憶君南望空長吁

再寄歙州潘伯恭

青山截天去古路蔽雲中不有行人至安知與
郡通高樓難窺窺遠樹已溟濛今日勞君問衡
門一老翁

依韻和末叔澄心堂紙答劉原甫

退之昔負天下才掃掩衆說猶除埃張籍盧同
闢新怪最稱東野爲奇瑰當時辭人固不少漫
費紙扎磨松煤歐陽今與韓相似海水浩浩山
鬼鬼石君蘇君比盧籍以我擬郊嗟困權公之
此心實扶助更後有力誰論哉禁林晚入接俊
彥一出古紙還相哀曼卿子美人不識昔嘗嗟
唱同樽疊因之作詩答原甫文字駛穩如刀裁
怪其有紙不寄我如此出語亦善詆往年公贈
兩大軸于今愛惜不輒開是時有詩述本末值
公再入居蘭臺崇文庫書作總目未暇綴韻酬
草萊前者京師競分買罄竭舊府歸鄒枚自慙
把筆粗成字安可遠與鍾王陪文高墨妙公第

一宜用此紙傳將來

依韻酬末叔示予銀杏

去年我何有鳴脚贈遠人人將比鶴毛貴多不
貴珍雖少未爲貴亦以知我貧至交不變舊佳
果幸及新窮坑我易滿分餉猶奉親計料失廣
大瓊屑且沉淪何用報珠玉千里來愁慙

依韻酬末叔再示

前歲守廩京城西有如勾踐巢會稽引丕嘗膽
未雪耻怒蛙起揖當涖蹄海天白日蔽光影霹
靂一過收雲霓九阜澄明鶴翅濕欲暮刷羽聲
嘶嘶客來東方美鬚鬣夜光出袖行無迷授予
照眼已希世自顧臭韉猶萍蓬文章製作比善
塑物象變怪一以泥泥雖各用有巧拙巧之高
絕非由梯又聞東夷踏水底騎頸直踞通天犀
曼卿子美接入室似使二嫂治朕棲舜歸在牀
不可得此實素分非能齊而今我獨向田里秋
稼已熟烹黃雞自傾白酒坐溪上誰念往日無
梁稊隣邦或有寄嘉釀瓦罍土缶盛玻璃昨喜

得書書滿紙官尊職大憐我嗔怪我書亂苦簡
畧疲驚立敢攀駿驥貴賤交情古來有胷中不
欲置吟哇世間百事狀著意但願無病年壽躋
田園未多亦粗給兒女充足資提攜終當去問
綿上叟自與野老月下犁

池州蕭相樓 復所建

樓中九華峰天削水蒼玉公圭何參差來雲自
聯續我思唐蕭家八人居宰錄瑤嵩華復
儼與邁朱欄
幾廢興下視寒江曲吳侯來爲邦百事無窮束
新之以登臨風月詠玩足安得黃鶴翼一舉遺
世俗

雜興

苦棟樹青鴉鴟啄鹽土鳴鳴鳴老鴉啣茶子爭
噪落嶺隅不覺茶滿山漁利入江湖鹽由鴉鴟
起茶由老鴉趁誘以觸禁網二鳥誰與誅

東家月吐明西家犬爭吠玉兔在中天曾何競
窺穢姮娥雖夜行莫比淫奔廢歎歎籬下音胡
不鈴其喙

夢後寄歐陽未叔

不趁常參又安眠向舊溪五更千里夢殘月一
城難適往言猶是浮生理可齊山王今已貴肯
聽竹禽啼

送王著作赴西京壽安 翔向

去作西畿令當趨大尹庭開尋前代跡淨掃古
槐廳未慣餐周粟還應憶楚萍但逢花木處知
我昔常經

答了素上人用其韻

予心每淡泊世路多變詐鼻鳴與鵬怪何用思
彈射空山雖夜行猛虎終不怕功名未達時壯
士且出跨七尺無競驅市人應亦訝有香知害
身扶臍見窮麝一朝珠出淵百金未酬價爾尋
遠公去挈鉢廬峯下我趨仁義急不解如陶謝

送通判黃國博入浙

西風半空鳴且噪吳天點破吳鴻高東溪車馬
走送客白露衰蘭輕若毛客當西歸乃東去爲
何欲及八月十五夜觀洪濤洗蕩生前色邑不

平氣付與滄海之水隨滔滔却來廣陵願相見
拍手大笑傾新醪一飲一石無一錢莫管寒近
脫弊袍脫袍准酒不惜醉天意未必凍我曹

烏啄棗

樹頭陽鳥餓啄棗破紅透地青蠅老青蠅雨濕
驚不飛殘棗入泥人不掃西風落落盡烏亦歸晉
客尚黃終懊惱

真人因送毛令傷足復傷冷

陶令歸時遠公送石苔秋雨步遲遲凌霄花在
古松上也笑向人人不知

聞道山中出入稀偶來溪上笑談微野雲不管
田袍薄寒逼瘦膚相伴歸

潘歙州任子達行與黃君同路黃先游
浙矣依韻酬寄

未識潘岳貌已知潘岳名去年改藩屏暫此解
佩纓一見意已合談笑僕屢更豈唯文學富况
亦論事精溪邊昔欲罷屑屑秋雨零于今又聞
蟬重起悲涼情作詩遠見招值我將西行譬彼

矯翼鳥革然顧侶鳴蒼山不可陟空入江上舠
黃君雖云約同泛明日自訪柳惲汀寒儒所向
多不成或西或東車馬驚高樓登望酸目暗欲
觀弄濤仍贈鯨新安太守空相迎舉手謝君江
水清

潘歙州寄紙三百番石硯一枚

木叔新詩笑原父不將澄心紙寄予澄心紙出
新安郡臘月敲冰滑有餘潘侯不獨能致紙羅
紋細硯鑄龍尾墨花磨碧涵風鬚玉方舞盤地
與虬其紙如彼硯如此窮儒有之應敬鬼

八月七日始見白髭一莖

昔見白髭驚今見白髭喜人將拔去之我獨不
然耳拔之既更生留之何所耻白日儘日拔日
拔詎能已黑壯不爲貴白衰不爲鄙道德保於
中任從髮髮齒

送僧了素游廬山

平生愛廬山夢寢不可去江上饒買船偶來看
已飢釋子言南游徘徊瞻瀑布月飛金鬘斗光

展千尺素嫦娥呼織女機杼勿復措必虞山鬼
笑皎潔無纖汗爾若見逖公贈之爲坐具

宛陵先生集目錄卷第三十六

送方進士遊廬山 讀日者傳答俞生

賢師持柘種至 再和潘歙州

下昭亭舟中 和寧國山六題

寄吳正仲 湯祕校遺筆

艤舟昭亭 和公擇察推

謝晏太祝遺茶具 留題開元平雲閣

送黃生 別張景嵩

別鍾京 江口遇劉都紉

送劉紉曹 寄開元寺明師假山

寄李獻甫 行路難

題姑蘇豹隱堂 雨還

哭笑烏 山行月雨至村家

鴉啄蛆 夜坐

八月十五夜有懷 題吏隱堂

詠嚴子陵 與溥陽舍弟別

八月見杜鵑復開 記歲

種胡麻 詠達觀禪師

宛陵先生集卷第三十五

穎公道茗

送達觀歸隱靜堂

冬至感懷

冬至得三友書

擬水西東峰亭九詠

和達觀還山見寄

九華陳生寄松筆

古柳

放鵲

聞西山虎

凍禽

登乾明碧鮮亭

隱靜遺批

夢中

紅梅

寄文鑿大士

海棠

送徐子李少府

宛陵先生集卷第三十六

宋宛陵梅堯臣聖俞著

送方進士遊廬山

長風沙浪屋許大羅剎石齒水下排歷此二險
過湓浦始見瀑布懸蒼崖紫舟上岸入松徑三
日踏穿新蠟鞋路盤深谷出嶺望後山日照前
山竊偶逢風雨恐衣濕側倚石脇人相垂雨收
不覺在高處却見童僕提攜借水聲不絕烏聲
好藥草香氣侵人懷老僧避俗去足蹠野客就
澗開門闔樹巖隱映見寺剎層層杳杳躋雲階
塢田將穫烏雀橫秋果正熟猴猿躡東林淡齋
應似舊唯此足以待爾儕子心灑落撒然往我
方塵垢難磨措

讀日者傳答俞生

宋忠爲大夫買誼爲博士同與休沐下訪卜長
安市吾不如二人讀書無舉趾借曰當乘肥乘
肥非我指唯思泉石間坐卧松風美

隱靜山懷賢師自持栢栽二十本種於

目錄終

會慶堂

新作齋堂祠畫像又與高閣秘天蹤今朝還藉

君移栢昨日已因鵝種松

近以華勝換松植於路傍

九月六日登舟再和潘欽州紙硯

文房四寶出二郡邇來賞愛君與予予傳澄心

古紙樣君使製之精意餘自茲重詠南堂紙將

今世人知首尾又得水底碧玉腹溪匠畏持如

抱甌拜貺叢珍不可辭年衰只怕歛歛鬼

九月十一日下昭亭舟中

平生山野性坐卧愛流水適從昭亭來與自明

河起小舟浮輕槎身入星辰裏飲牛誰家郎照

鬢誰家子隔岸心相望翻然洲鶴喜灘頭磷磷

石欲贈畏指毀留取自支棧成都無卜士

和張簿寧國山門六題

山門按碑本無幟作二幟雙時作雙壁第六句作田外峰巒同抱兮陳早

碑本

青山中穴為大門下通軌轍高莫論飛雲出納

不計限幾時平削無刀痕入門復見田園美田

外峰巒廻抱尊樓靈首怪不可詰夢魘往往來
守關

紫雲巖

高巖日照雲常起吹作蘭花透紋綺橫為步障

看未收山雨一來風滿耳

夕陽巖

日脚射空金縷直下映壁間棧未織野老先知

雨又風明朝望此重雲黑

朝陽洞

洞門雖向扶桑開洞深不放陽鳥入古來道士

今莫逢石壁乳流苔正濕

連漪洞

流泉决决出洞底自有細浪非風吹山花逐水

到山下漏泄人間春未知

碧雲洞

誰將萬古倚雲劍刺破蒼石天窓開下貯泓淵

不可極有時月漏清光來

將離宣城寄吳正仲

吳均詩語多奇揭苦倩鶯鶯謝明月昭亭川上
此禽閑爲寄吳郎我西發西歸千里浮輕舟夜
觀蟾光逆水流水流東海月西海各去雖殊意
常在月偏皎皎隨人行水亦云云非浪改酒盆
龍杓閑到吟梅花重葉將誰采

湯珙秘校遺沉水管筆一枝

沉香細幹天通中東毫爲呼諸葛翁又從海上
厭持握乞與阮籍書途窮物珍豈宜賤子有更
後應合歸王公虛堂淨几塵不到硯傍置架珊
瑚紅乃知用遇自有處君今莫歎居蒿蓬

續舟昭亭送都官暫歸錢塘

前枉大梁城詩賦嘉入幙茲對昭亭山將行還
有作別離此與彼終始情不薄我爲解羈馬君
乃高飛鶴塵蹄未能息徒翅懷樓泊尋巢望吳
田一傍華亭郭况多丹頂雛坐看翔寥廓

依韻公擇察推

君來何所聞君去何所見自古慕虛名往往輕
既面竊常恃賦亭平直如勁箭是以五十年長

甘守貧賤相逢嗟未幾遠遠劇飛電今雖行已
晚多謝勤相唁

晏成續太祝遺雙井茶五品茶具四枚

近詩六十篇因以爲謝

始於歐陽永叔席乃識雙井絕品茶次逢江東
許子春又出鷹爪與露牙鷹爪斷之中有光碾
成雪色浮乳花晏公風流丞相族以此五色論
等差遠走犀兵至蓬巷青藉出侯封題加紋柘
冰堯作精具靈味一啜驅昏邪神還氣土讀高
詠六十五篇金出沙已從鍛鍊出至寶終老不
變傳幽遐自惟平昔所得者何異瓦礫空盈車
滌心洗腑強爲答愈苦愈拙徒興嗟

留題開元寺僊上人平雲閣

背市面山色平目觀白雲漁舟溪上歌游客欄
邊聞俯簷翠栢瘦蔓離秋實黃偶來心意靜塵
慮如掃金

送黃生

我本東西南北人窮途不復淚霑巾亦知車馬

有行色爲見長沮與問津

別張景嵩

我雖識君晚君能知我心我心昭亭水見底無
尺尋照之不爲隱測之不爲深魚鰕既混混藻
荇亦侵侵終當至滄海浴日開黃金君當下灘
去石浪激寒音猶能洗君目病瞽雲銷岑

別鍾京

我憐鍾氏子月雨爲求文誓以經茲邁與之書
所聞野鷗窺筆硯舟子采蒿芹况有新炊飯簞
漿可送君

江口遇劉紉曹赴鄂州寄張大卿

我同陶淵明遠憶顏光祿得錢留酒家醉卧江
蕪綠故人已貴身獨賤籬根枯死佳花菊孤鴻
飛去鸚鵡洲寄聲高樓謝黃鶴使君本是洛陽
人嘗憐酩酊銅駝曲休將玉笛城上吹武昌老
人聽不足已知清音通九霄定應悔說蘄州竹

送劉紉曹

溪邊前日君辭我江上今朝我送君自去蘆洲

寄消息故人猶在武昌軍

寄題開元寺明上人院假山

石是青苔石山非杳藹山諸峯生鏡裏小嶺傍
池間雨不因雲出門疑爲客關何須費蠟屐暫
到此中間

寄李獻甫

何言自我去眼前一似空城中豈無人過目猶
飛蟲又狀塵事多枳棘生胷中安知秋水淨
碧如磨銅尚恨有世界不及垂釣翁望望當速
來止琴視孤鴻

行路難

途路無不通行貧足如縛輕裘誰家子百金負
六博蜀道不爲難太行不爲惡平地乏一錢寸
步隣溝壑

題姑蘇豹隱堂

青山崔嵬藏古基文豹不見空斷碑華堂重構
猶隱霧地今易主還好奇欲邀明月一去飲常
娥將悔出海遲谿邊少年意氣在來往只借白

鹿騎自稱山人具有酒酒酣請我留此辭請僊
墳近何可問當日無詠亦所疑

雨還

雨濛濛兮欲暮路險絕兮深泥嗟予僕兮甚餘
畏予馬兮顛蹄關已度兮心緩家將至兮涉溪
喜膝前兮童稚餽燈下兮女妻

哭笑鳥

日月轉入地星辰蔽重雲夜色晦若漆怪禽巢
未焚其音哭且笑哀樂詎能分方哭且笑時曾
莫有以羣哭爲何所悲笑爲何所聞了不預人
事吉凶誰復云

山行冒雨至村家

雨急芹泥滑禽鳴苦竹秋野香生草木雲澗上
衣裹入石繞通馬穿林忽隱牛山家多淺井下
照碧峰頭

八月九日晨興如廁有鴉啄蛆

飛鳥先日出誰知彼雌雄豈無腐鼠食來啄穢
厠蟲飽腹上高樹跋莆噪西風吉凶非予聞矣

惡在爾躬物靈必自絜可以推始終

夜坐

夜久方虛寂空堂燈燭明落葉有響響暗蟲無
停聲力學不爲已甘貧且徇名聊爲誅懷篇還
想阮步兵

八月十五夜有懷

天爲水蒼玉月枕潭面冰萬里絕瑕玷百文已
澄凝山河了然在星斗光莫增借問九州內豈
無陰雲興綺懷去年秋是夜客廣陵太守歐陽
公預邀三四朋乃值連連雨共飲陳華燈既醉
公有詠屬和予未能強賦石屏物固慙無所稱
今來宛溪上聊以故歲微晶明正若此霖霖且
何曾美景信難并康樂語足憑

題史隱堂

新堂生虛明未悟追隱吏無乃隱非時唯應喧
可避移花莫傷根種竹不改翠林中置素琴亦
見陶潛意

詠嚴子陵

不顧萬乘主不屈千戶侯手澄百金魚身被一
羊裘借問此何耳心遠忘九州青山東寒灘淺
浪驚素鷗以之爲朋親安慕乘華轡老氏輕璧
馬莊生惡犧牛終爲蘊石玉夏古輝巖陬

與潯陽舍弟別

昭亭潭上水下與九江通去客解輕舸落潮乘
順風迴頭迷遠樹沒背見飛鴻寂寞還蓬巷桓
彝宅近東

九月十八日山中見杜鵑花復開

山中泉擊暖幽木寒更華春鳥各噤口游子未
還家云誰未及還對此重興嗟何必因啼血顏
色勝曙霞

記歲

買臣四十八猶苦行負薪我免以糲給貧居年
與均道上不謳歌妻亦無悲嘆三者固異彼異
同雙朱輪

種胡麻

悲哀易衰老髮忽見二毛苟生亦何樂慈母年

且高勉力向藥物曲畦聊自薊胡麻養氣血種
以督兒曹傍枝延扶疎脩英繁索霜霜前未堅
好霜後可炮熬誠非騰雲術顧此實以勞

達觀禪師墨頴住隱靜蘭若或言自此
獼猴散走不來頴嘗哂曰吾知是山批
把爲多始至也未實故其去將實也必
羣集後果然頴惡乎俗之好異恐傳以
爲人戒欲予誅而播之

隱靜山中寺獼猴往往過導師歸以去盧橘熟
還多禪地寧求怖居人切莫訛未嘗嫌此物任
挂古松柯

頴公遺碧霄峰名

到山春已晚何更有新茶峰頂應多雨天寒始
發芽採時林欲靜蒸處石泉嘉持作不囊祕分
來五柳家

送達觀禪師歸隱靜寺古律二首

初逢洛陽陌再見南徐州所歷幾何時條去二
十秋今復振霜屨還山遠莫留我詠阮公詩物

靡必沉浮誰云西海魚夜飛東海頭世人嗟識
昧豈是滯林丘

栗林霜下熟歸摘禦窮冬帶月涉溪水過山聞
寺鐘未嫌雲袖濕已喜野人逢且莫似孟渡滄
波無去蹤

冬至感懷

銜泣想慈顏感物永不平自古九泉死靡隨新
陽生稟命異草木彼將羨勾萌人實嗣其世一
衰復一榮

冬至日得師厚宋次道中道書

水國欲爲雪野冰將合河人同一陽至淚向八
行多朋意今猶在年華悵似過看看四十九應
笑此蹉跎

擬水西寺東峰亭九詠

垂澗藤

澗深連石壁石上生長藤孤猿來自熟綠飲下
復登賴無樵人跡且免束薪蒸

嶺上雲

我來東峰下遠見西嶺頭白雲忽已合向此偶
逢留人誰問何有自可忘殷憂

林中翠

萬木總柔翠况復新晴時日色照欲動山氣歛
還遲望之如何攬舉袂隨風吹

樓煙鳥

斑斑遠林鳥極目波煙中各識時早暮不忘巢
西東推物得真意吾將効陶公

古壁苔

陰壁流暗泉古苔長自好不改春與秋何如路
傍草空山正幽萬淨綠無人掃

幽徑石

綠溪去欲遠磊砢忽礙行旁臨側身險下忽寒
流聲幽客慣來往同此猿鳥情

寒溪草

青青色堪染欲辨不知名根陰託乳魚水底抽
新萌康樂池上詠獨與春夢成

陰崖竹

背嶺斷崖下老竹生扶疎孤根石上引勁節松
不如莫言霜雪多終見綠有餘

臨軒桂

山楹無惡木但有綠桂叢幽芳尚未歇飛鳥銜
殘紅不見離騷人憔悴吟秋風

依韻和達觀禪師還山後見寄

雲歸在高嶺人見是無心矯矯將棲鳥遙遙傍
故林南方雖有暖臘月易成陰惟恐多風雪幽
期未可尋

九華隱士居陳生寄松峯筆

春松抽瘦梗劑束費長毫難距初含潤龍鱗不
自韜嘗爲大夫後欲寫伯夷高一獲山家贈令
吾媿汝曹

古柳

岸側古大柳誰種臨長江中自出蠹蝨百歲成
枯腔忽值漲流沒槎牙綠旌幢腹膚藏蛟龍半
夜雷砰訇飛窳痕尚白如斬馬陵龐條爾巨電
至萬弩聲裂缸又爲狂風摧所殘惟朽椿卧榦

越大鼎絕續不可扛就焚以照漁駭鱗一何厄
始知網罟細未足禁突撞隆準以脫去城下徒
焚降我從洲上泊昏曉睨船廳始終觀變毀欲
賦批殘缸吾交評韓詩險韻古莫變安得共詠
此但嗟各他邦

放鵲并序

烏鵲啄豆干槽困夫患之以機得鵲其羣噪如
救爲下上突掠甚急知不可脫聲蓋哀予閔之
命釋縛放去因爲之辭

鵲爲禽之靈智兮胡蹈機而不知爲庸早以困
束今固性命之將危喜遠人之至止兮始屢驗
以如期向何預覺兮此何自昏豈專心以謀食
今昧目前之禍根苟所履必慮患兮莫若去人
遠以圖存屑餘秣以致死兮誠咎爾而無耻維
羣鳴之苦傷兮使吾心之測爾予測孔孟兮爾
自解則艱卑聽予言兮釋爾而還撫爾呪爾兮
爾無甚頑後誰恤爾兮拓彈方響

聞西山虎

猛虎畏白日孤客莫夜行彼以不暴衆此何獨
忘生饑必見人食不食且無名糜鹿能遠遁安
得逢怒箠由人不由常役役官有程

凍禽

高樹繞吾廬薄暮煙氣重將棲立傍巢已振窺
落翫有來同枿枝亦各不假擁颼颼陰風寒夜
雪豈無恐

登乾明院碧鮮亭

餘喘不苟盡順俗來飯僧東嶺有上方脩竹蔽
觚稜下有蒼石窠旁挂孤蔓藤繫累向塵世更
住殊未能

隱靜遺枇杷

五月枇杷實青青味尚酸獼猴定撩亂欲待熟
應難

正月十日五更夢中

今年花似去年新去年人比今年老我勸厚地
一盃酒收拾白日莫苦早

紅梅

家住寒溪曲梅先雜煖春學粧如小女聚笑發
丹唇野杏堪同舍山櫻莫與隣休吹江上笛留
伴庾園人

寄文鑿大士

讀書夜寂冷無火捲卷遂成搔膝吟始憶高僧
將偈去安知古寺託雲深寒堂正睡遠鐘發野
鳥亂鳴殘月沉明日呼兒整籃輿欲煩重過小
溪陰

海棠

江燕入朱閣海棠繁錦條醉生燕玉頰瘦聚楚
宮腰曾不分香去尤宜着意描誰能共吹笛樹
下想前朝

送餘干李少府

作尉古來清况於干越城舟中雨新足溪上水
初生蒼嶺出還沒素鷗飛且鳴休將五色棒欲
取洛陽名

宛陵先生集卷第三十六

宛陵先生集目錄卷第三十七

與二弟過溪 晚坐北軒

與諸弟訪廣教 至廣教尋古石盆寺

題王介夫蒙亭 亢陽和欲行舟者

黃鶯 送懷賢上人

送瑞竹長老 鶯

守宮 夏園

孔子廟震 寄酬晏殿丞

答李仲求寄茶 送闕令之潭州

乾明院碧鮮亭 得餘于李尉書

南軒盆植蓮 朝天行

會勝院沃洲亭 江南雜感

和達觀山中見寄 送萬諤昌秀才

訪石子澗外兄林亭

和瑞式上人十詠 得晏相公書

訪施八評事 贈陳逸秀才

題陳宰戲絲亭 求慶松風亭

寄松林長老 題松林院

永州王守寄亭記 呈潘樂二君

過求慶院 廖宣城寄酒

翠竹亭 彩霓亭

留別樂和之 松風亭

雪中懷真上人 別施八評事

春日拜壠 昭亭祠喜雨

若訥上人彈琴 發昭亭

乘舟訪聰上人 過鴈洲

別達觀文鑑 和文鑑贈別

目錄終

宛陵先生集卷第三十七

宋宛陵梅堯臣聖俞著

與二弟過溪至廣教蘭若

溪水今尚淺涉馬不及鞦韆岸口出近郭野徑通
平田行行渡小橋決決響細泉萬木陰古殿一
燈明象筵長廊顏頽碑字體家法傳空堂裴相
真白髻番過咽名跡兩不滅豈獨畫與鏤高僧
鑿崖腹建閣將雲連秘此龍驚迹足使臣僕度
脩竹間長松森衛若被堅是必神物護禹穴空
歲年飯訖過山後井傍攜茗煎探幽偶轉谷忽
視昭亭巔蔓草不識名步側時得牽幽禽聲各
異可辨唯杜鵑似驚俗客來聒聒兩耳邊弊廬
隔城堞畏暮遽言還道逢張羅歸鳥媒兼死懸
遂同山梁雉令我復喟然聊追一日事書以為
短篇

晚坐北軒望昭亭山

少客西京間熟遊嵩奧華歸來宛溪上賦往昭
亭下何以厭昭亭衰遲倦驅駕况復慙詠歌嘉

辭前有謝咀嚼在人口甘美如食蔗方同陶淵
明苦語近田舍節行固不變出處亦多怕常防
惡少年豪橫使出跨譬如故將軍尚被亭長罵
不若守弊廬讀書至中夜

與諸弟及李少府訪廣教文鑿師

山僧邀我輩置酒比陶潛紫葢老堪食青梅酸
不嫌野蜂時入座巖鳥或窺簷薄暮未能去前
溪月似鎌

至廣教因尋古石盆寺

古寺近田家山尋石盆差化蟲懸縊女啼饑響
練車僧坐樹間石馬行溪畔沙野香無處辨歸
路傍城斜郡人不知古石盆寺在此山之傍舊
基存焉山中有井相去可二里豈獨
經所傳裴休井歟近城有石盆寺其側亦云裴
相井者恐非是何則杜牧有石盆山詩是寺因
山名也從近城莫究其由
呼盆為盆必風俗說也

觀王介夫蒙亭記因記題蒙亭

吾年將五十尚未暇讀易一間蒙亭說乃見道
所適維時明進退豈不在泉石野服製升越山
庖盛雞醢床頭龍唇琴案上科斗籍風物稍佳

時把酒會三益况以兄爲郎仕也人豈迫重之
愛之深自匪逢時客

亢陽和欲行舟者

春秋書閔雨乃見先生制有意在黎民山川無
不祭今者望雲霓青天絕纖翳爲壇割舒馬盤
血陳水汭于特頗精虔奠爵必親洗向夕有微
陰掃然還復霽吾聞先儒言陽驛不能閉此時
緊窄旻已力安所詣宜王雲漢詩曾不鑿上帝
恨無林盪舟空自思躍娛

黃鶯

內家初上翠微宮樹裏窺人在半空笑語漸高
無約束侍臣偷望向雲中

西鄰少年今出遊東家女兒未識羞門前烏臼
葉已暗日暮問誰牆上頭

送懷賢上人歸隱靜兼寄達觀禪師

適從山中來復向山中去爲報山中人莫厭山
中住近城塵土多亂爾煙霞趣野蜂銜漆汁尚
欲爲蒂固息此可以安其能忘我論

送瑞竹長老歸當塗因寄徐著作

謝傳青山路春來蔓草生樵蘇猶不入瓶錫莫
能行朝上野船去宿逢溪雨鳴多應見康樂曾
重遠公名

鶯

和師承嗣達觀
觀徐君頌稱之

桑間小婦好聲音映葉穿枝意已深盡日呼郎
郎不應蕭蕭風雨到前林

守宮

嘗聞漢武帝偶問東方朔臣擬作龍呼慙無頭
上角

夏園

夏園井杲熟日覺樹林稀休笑道傍李無人摘
自肥

孔子廟震

宣城

霹靂下虛殿破楹非夢凶昔嘗瞻畫象今實見
升龍隱隱雷聲散踈踈霧氣從予知仲尼廟不
是葺華慵

寄酬睦州晏殿丞

渚潭吐明月杳杳及吾廬流彩滿懷袖託情非
烏魚朝因南澗雨暮入北畦鋤豈不藉餘潤况
茲方飢蔬

李仲求寄建溪洪井茶七品云愈少愈
佳未知嘗何如耳因條而答之

忽有西山使始遺七品茶末品無水暈六品無
沉粗五品散雲脚四品浮粟花三品若瓊乳二
品罕所加絕品不可議甘香焉等差一日嘗一
甌六腑無昏邪夜枕不得寐月樹聞啼鴉憂來
唯覺衰可驗唯齒牙動搖有三四妨咀連左車
髮亦足驚踈踈點霜華乃思平生遊但恨江
路賒安得一見之袁泉相與誇

送關令之潭州寧鄉

秋風逆水急挂席飛鳥輕三江去雖遠一日行
幾程朝辭洞庭岸暮抵巴陵城長沙古建國地
狹賦薄征邑宰愛民者選薦豈非精既曰處民
上固當知民情民居篁竹間山獠相雜并教道
苟未至毫髮心起爭太剛易斷折太柔難措桴

貴在得中道於焉無近名聞多不祥烏似鴉何
足驚遠方此為常慎勿心屏營買誼度湘水為
文甲屈平因君寄盃酒為我酌買生

軋明院碧鮮亭

壞衣削髮遠塵垢她祖龍孫生屋後不等渭川
千戶侯尺椽片瓦何嘗有方丈東頭一畝餘中
軒四面無懸牖青瓊作枝鈿為葉丹鳳未食蒼
鼠走細籬織榻白晝眠寢濃鼻息如雷吼世間
百事不歷心門外寒流徹溪口

得餘干李尉書錄示唐人于越亭詩因

以寄題

餘水之干越之鄙築基相對琵琶尾琵琶日日
有秋聲鴈過洞庭風入葦南斗憂湖波不起長
刀劍峰碧耳耳姱娥夜出在寒溪青銅瑩磨光
幾里朝因吳客幅蒲輕滿紙如蠶書可喜

南軒盆植重臺蓮移種池

彤雲赤霧生緒房朝霞變葉朱粉光白玉入泥
不滿盞羽蓋衰露明月瑤濁水一石亂瀟灑鑿

池五丈如斗方萍根科斗得自在荷芰明年出水央

朝天行

大車高蓋徐方來天子雙目延英開犀靴踏玉
陛東陛從臣賜對論宮市諫官御史如指排捧
土未能障濁水大夫言幹天關廻黃門白望顏
色死始時暴奪何縱橫有貨晝日不敢行他時
五方地當酒誰道張郎臨井口

會勝院沃洲亭

前溪夾洲後溪澗風吹細浪龍鱗活孤亭一入
野氣深松上藤蘿籬上葛葛花葛蔓無斷時女
蘿莫翦連古枝當年吾叔讀書處夜夜濕螢來
復去

江南雜感

樹頭巧婦棲樹下秋蟲織壞衣游子心千里嘗
相憶蕩子脚出門便作浮萍根憂來憑五北拜
樹賽黃豚

依韻和達觀師山中見寄

豬豕在塗龍在澤豺狼食肉麝食栢蹄毛與角
不對齒啄膚兩足副以翻既能閑閑住深谷豈
使千于佩鳴玉水邊看虹山雨霽夜與明月歸
獨宿門前重嶺後羣峰石樓朱殿藏林中銅絲
紫轉轆轤響絡緯秋老喙西風榮利淡薄無易
此彼飲甘醴茲飲水暫將分別向喉舌何異聲
色亂眼耳孔孟久歿言可師千古布散葉與枝
今來閉戶自有趣世上法法非我爲

送萬諤昌秀才

志士不戀家安能坐咬咀儒冠難徒行馬骨瘦
可教後僕隔山陂前林遇風雨寒村夜宿時寂
默誰對語

訪石子澗外兄林亭

前日秋水漲昨日秋水落偶來尋隱居曾不乖
宿諾竹底除舊徑藤蔓繫新約馬留岸傍樹風
掃林下簪既能置魯酒又復餉楚餽誰知北南
澗照影似清洛平生愛幽曠歛迹誠非錯

和端式上人十詠

幽谷泉

幽谷有飛泉入溪知幾里
跳珠濺木葉激雨霏
巖趾但無箕穎人曾不吝洗耳

古木陰

古木少直枝其下多曲影
豈不愛高陰奈此性
所秉千重葉蒼翳誰顧憇日末

寒溪石

翠聳寒溪上半隱寒松下
水鳥立稜角淵魚游
穴罅尋常置庭檻瑣細不知價

孤汀蘋

瀟湘歸去人正值江南春
始願逢拾羽今乃見
採蘋寄語柳使君莫恨日已曛

雲際鐘

煙昏青標道風急隔溪鐘
征馬未及息猛虎前
有蹶莽聲欲投宿僮僕長所逢

垂崖鞭

崖竹出石壁根瘦懸青蛇
磔犴露老節斫骨點
寒花少年莫翦去騎殺白鼻驢

天外峰

天外一尺峰國中千仞嶽
重雲不掩蔽萬里見
頭角世人看遠碧誰識產美璞

秋原菊

不爲潭上英不助籬邊醉
獨占蘭杞隣原頭自
榮悴陶令與太鑿逢人豈無意

漁舟火

蘆洲一點明知有漁人
泊江溟杳不分誰方在
高閣是時孤鷗去應認光中落

春溪水

春水冰欲開傍岸已微釋
魚寒未動鱗獸渡時
有跡篙師畏割舟敲拉碎圭壁

十月二十一日得許昌晏相公書

衰憂向二年朋戚誰與書
敢意大丞相尺題傳
義廬從來鳳凰鳴不狀寒竹踈茂林多翔鳥要
路盛高車窮巷一如此江深無鯉魚

訪施八評事

施兄今七十近郭隱茅廬
懶問齊民術喜看莊

吏書竹間鳴澗水原際見村墟識畫窮通理超然樂有餘

贈陳無逸秀才

良犬不取鼠其人苦尤之近識固未辨善相又能知在鹿忘守穴拄足乃焉而士有志功名局縮秉書詩憔悴未得展磨折忽言卑舉酒一以贈願無羞爾爲

題陳宰戲綵亭

仕宦固已美及親此其難况慕五綵戲而奉典居安翁喜君亦喜翁餐君亦餐嗷嗷園中禽口哺心違九邑大歲幸稔衆賴仁政寬還思彼赤子如恐君不歡

未慶僧舍松風亭

誰按黃金徽滿指清風度但聽松上聲不知松間趣野僧何所樂樂此數株樹寧邀俗客來草綠澗西路

寄松林長老

大松五丈百歲餘小松五尺前時種俱有堅克

不朽心莫以今輕古爲重東溪一片寒玉光夜挂高枝何所用

題松林院

靜遠無塵地青瑩續焰燈木魚傳飯鼓山衲見歸僧野色寒多霧溪痕夜閣冰吾非謝康樂獨往亦何能

永州守王公慥寄九巖亭記云此地疑是柳子厚所說萬石亭也因爲二百言以答願當留詠

天地磨今古賢愚爲埃塵草樹易變改山川無故新眷言零陵守白髮駕朱輪閒來問遺老俯跡哀昔人昔人者誰歟元和前放臣下上窮幽荒憔悴楚水濱試觀當此記圖寫未必真最苦來黃溪坐石數游鱗有鳥大如鶴東向立不跋始買鉛錘潭郭杜難計縵冉溪袁家洞亂石多磷磷深里與沸白若盡無窮津石渠連巖泓舊蒲被其根窮勝得其詭衆美誰齊均西澗石爲底豈無芹與蘋澗崖如堂席澗響如龍唇折竹

掃陳葉羅榻同衆賓其二日彙星十百歲猶比晨
萬石乃淺近尚可資覆巾而况前所說但恐煩
鐫珉

潘樂二君對雪寄聲似欲予賦適方知
之走筆奉呈

南方今見雪北客定思家任凍不欺酒競春先
著花樓高休賦上山近未應遮誰問窮居日西
窻壓竹斜

過水慶院

荒涼舊蘭若古屋兩三重庭下已無栢澗邊唯
有松石塔生薜荔香座缺芙蓉化俗似禪衲破
來縫不縫

雪中廖宣城寄酒

輕舟泛泛昭亭灣春雪漫漫昭亭山寒沙曲渚
杳不辨素鷗翔鷺空中還宣城太守閑窮旅雙
壺貯醞兵吏頒任從六花墜船戶滿酌春色生
衰顏醒時但愛雲水好醉後等與天地闊世間
取樂各有分何必舞娥高髻鬟

翠竹亭

種竹幾千箇結亭三四椽遊人多寂靜啼鳥亦
留連酒有陶公愛林希阮氏賢我來歸路遠雖
馬古城邊

彩霓亭

高出嶺頭樹俯窺城下溪半山飛急雨舉手弄
晴霓曠望已無極萬綠都與齊自嗟來獨晚征
棹苦言西

留別樂和之

雪消潭水綠輕舸下灘時漸轉青山去還將故
園辭野林看欲動江燕欲逢遲君語隨州體余
慙晚始知

松風亭

冉冉竹連澗森森松蔭崖始聞清吹度似欲綠
琴譜莫識主人意休論高士懷春城百花發薜
荔上陰階

雪中懷廣教真人

蒼山去不遠日日起寒雲堂上看飛雪水邊思

練裙銅餅生薄凍桂火壓殘薰欲往有餘興林
幽路不分

下赤山嶺過渡至石子澗別施八評事
三歲守廬次兩迴來澗邊臨塘愛魚樂近竹見
人賢今我西歸日逢君小隱年重將車馬去驚
起野鷗眠

春日拜壠經田家

田家春作日日近丹杏破頰場圃頭南嶺禽過
北嶺叫高田水入低田流桑牙將綻霧露裏鷺
子未浴箱籠收今我還朝固不遠紫宸已夢瞻
珠旒

將行賽昭亭祠喜雨

未生潭上雲空望山中雨湛湛陳桂枹坎坎奏
鼙鼓蕭蕭靈風來躡躡祝部舞莫言春作遲但
念寒灘阻何當發泉源綠水浸沙渚不與農者
期自將舟人語定作榜歌行暮投丹湖浦瞻祠
草樹失認嶺煙霞吐平吞東南吳遠帶西北楚
川澤見坡陁龍蛇蹙鱗替人經輿寤歎事成

前古考碑何驗今塗馬立空廡余知骨相貧豈
敢望冥許願乘溪流深滂沛隨微俎

若訥上人彈琴

群哀已踰月遇子彈鳴琴安得不成聲子心異
吾心十日成笙歌尼父非好音先王禮有節不
可過於今莫作風入松懷壠情未任一聞流水
曲歸思在溪陰此焉吾所樂目極送歸禽

發昭亭 二月十三日

春泥深一尺車馬重重跡親舊各還城山川空
向夕今朝水平岸不畏舟碾磧始隨湍漲發已
入青蒼壁落日未逢人孤村望來客泱泱漫田
流青青被壠麥欲穉鳩亂鳴將耕杏先白我無
農畝慙千里事行役寄謝昭亭神果不吝深澤

乘小舟訪松山法聰上人

我從溪口來正值山前雨濕衣逢梵宮有僧善
吳語天寒窻已空軒靜竹可數歸楫難久留汀
鷗自飛舞

鴈過洲 六言

船從臨洲北去鴈背春風亦歸但見平沙綠水
蒨蒿荻笋方肥

別達觀文鑒二大士

雲衲山中來畫椽江上發何日到中山花應
未歇

依韻和文鑒師贈別

來見寒沙鳥長隨上下波乃知游宦跡不似施
松蘿子語馬喻馬吾吟柯伐柯清江挂帆去奈
憶故山何

宛陵先生集卷錄卷第三十八

贈袁大監

和達觀贈別

蕪湖阻風

和達觀文鑒見懷

讀月石屏詩

自此皇祐五年
五月至京後

暴雨

和宋中道喜至

齊國公主挽詞

招隱堂寄樂郎中

貸米於如晦

送渭州劉太保

送張洞晏相辟

送張著作宰蘄水

和瘦盆

太廟致齋答韓舍人

送張著作宰上元

劉原甫觀相國寺

和裴如晦秋懷

送張寺丞青幕

送徐秘校廬州監酒

子華江南安撫

周仲章湖州倅

弟著作宰南陵

和鄰幾有菊無酒

五知堂

贈陳孝子庸

和原甫過相國寺淨土院

李端明席上花燭

送李祠部滑州

送王正仲長官

驛後木芙蓉

宛陵先生集卷第三十七

傷驥

陳丞相燕息園

和普上人古琴

和胡舍人見疇

題三教圓通堂

設贈示坐客

杜挺之新得和州

鄰幾邀食餽飽

幽廟

十月十八日

送鄆宰王殿丞

金陵與張傳師飲

阻風寄刁安國

阻風秦淮

江上遇雷雨

登瓜步山

宛陵先生集卷第三十八

宋宛陵梅堯臣聖俞著

贈袁大監

人以祿爲榮當知身所重祿榮身且勞豈要權
衡用達人唯止足曷顧百鐘俸今朝西山歸芝
木不須種莊生逸老言此必久已誦矩法况自
持推年心可縱

依韻和達觀禪師贈別

平生少壯日百事牽於情今年輒五十所向唯
直誠既不慕富貴亦不防巧傾寧爲目前利寧
愛身後名文史玩朝夕操行蹈賢英下不以傲
接上不以意迎衆人欣立異此心常自平譬如
先後花結實秋共成趙壹雖空囊鄒子豈其卿
二人貧且隱高譽動天京我蹟固尚賤我道未
嘗輕力遵仁義塗局畏萬里程安能苟榮祿擾
擾復營營近因喪已除偶得存餘生強欲活妻
子勉焉事徂征徂征江浦上鷗鳥莫相驚

目錄終

蕪湖阻風

春風任惡花自笑白浪不愁頭已白戢戢大船
江浦邊崑崙五兩誰非客

依韻和達觀文鑒雨中見懷

出浦候波平石尤風未止密雨長蒲牙輕泥隨
燕子寒侵遠客衣岸起新痕水各各欲還山還
山能幾里

讀月石屏詩

自此起皇祐三
年五月至京後

余觀二人作詩論月石月在天上石在山下安
得石上有月蹟至矣歐陽公知不可詰不竟述
欲使來者默自釋蘇子苦豪邁何用強引犀角
蚌蛤巧擗析犀蛤動活有情想石無情想已非
的吾謂此石之蹟雖似月不能行天成紀曆曾
無纖毫光不若燈照夕徒爲頑璞一片圓溫潤
又不似圭璧乃有桂樹獨扶踈常娥玉兔了莫
覓無此等物豈可靈祇以爲屏安足惜吾嗟才
薄不復詠略評二詩庶有益

暴雨

雲薄風回雨點轟日腥土氣隨吸呼蒸然襲汗

猶揮珠屋瓦裂響波生渠森森斗覺涼侵膚毛
根燥瘳粟匪軀已知燠寒變須臾雷電不止投
笑壺槐端漏影日向晡馬蹄莫惜行泥塗

和宋中道喜至次用其韻

予從江南來見子東涌棹問子何不治子兄游
洛瀕子素樂文字而復養慈親去年始陞朝差
差陪縉紳今也與吾有行立笑語類未經鬢髮
改喜預班綴新思如曩時會浩飲不計巡往謁
持約史文辭媿彬彬謂將一乘粟欲敵千箱困
然而澤中蛇時得龍一鱗况復周孔教幸逢舜
禹辰又究志所之茲學豈不臻誰其起子者視
子爲席珍趨韓亦已工比孟猶欠淳慎勿驚怪
奇怪奇世多損吾慙遼東豕未見西狩麟汨汨
塵泥間曷辨玉與珉昨來忽有知所索非所循
使馬轉磨衡安得目不眴誠聞花園美難遺塵
塵馴自惟體衰藋寧堪事艱辛宜收蹭蹬迹却
返江湖濱浸脛水活活漫灘石磷磷垂釣紅蓍
登舉袂白羽振以此全吾性胡能往問津非同

子少年柯葉正慕秦

齊國大長公主挽詞二首

賢行聞當世尊隆異故常每令夫結友不爲子
求郎夜月初沉海姑星忽隕潢臨門親祖祭悲
吹起脩岡

魯館當年盛秦臺此日遙龍歸終合劍鳳去不
聞簫挽曲方傳薩行輻競莫椒空餘漢官屬泣
送馬如潮

招隱堂寄題樂郎中

日哦招隱詩日誦歸田賦未嘗見芸人勇拋冠
冕去今聞縱山陰身退効速傳一旦從犢車歎
言友田父復來釣澗邊誰問袁公路

貸米於如晦

舉家鳴鶴馬突冷無晨炊大貧丐小貧安能不
相啜幸存顏氏帖况有陶公詩乞米與乞食皆
是前人爲

送渭州劉太保

月黑見旄頭芒角漸西向八月邊草黃胡人馬

初壯無柰我兵雄方爲漢偏將嘗聞登壇人亦
未免得喪得爲凱歌還鏡鼓喧亭障千蹄使推
牛百甕令設醴喪乃軍之羞節制由處上進退
從其呼何能求必當二事非已專願思古挾纊

送張推官洞赴宴相公辟

送子居大梁關中乃關外往者邊事繁秦民被
災害今聞獨豐穰速埃無動楮相公欲動勞請
以臨都會多選天下才佐佑如何賴決疑有全
策何必用著秦雖病君強行寶刀仍喜帶豈是
爲俗儒空言事夸大

送張著作器宰蘄水

予聞楚山竹肉好髮亦勻隴上風雪飽石根莓
苔皴搜林藟橫吹龍子愁木演作邑尚簡易豈
必蹈昔人願爲季長賦安用瑤與琨

和瘦孟

物以美好稱或以醜惡用美惡固無然逢時乃
亦共棄則爲所輕用則爲所重道聞瘦木器愛
賞互歌頌定應初得之買不論官俸醜面生光

輝貯飲發狂縱坐欲置於傍行欲率以從其形
何險怪曾不因孰種凹凸本自然出縮非關縫
薄才難究窮詆訶茲實恐

太廟致齋答韓舍人簡

齋舍隔牆東蕭蕭槐樹風聲顏雖不接翰墨遠
能通未說涼堪飲唯愁賦少工此焉知素拙試
與問楊雄

送張著作孟侯宰上元

天衢車馬跡急若機上梭義雖平生篤不越一
再過夫子累顧我言歸泛長河得邑美建業風
流猶可歌依倚江令宅秋草應更多五題誰復
誅鍾蔣與姜我

劉原甫觀相國寺淨土楊惠之塑像吳
道子畫又越僧鼓琴閩僧寫真予解其
說

吾儕來都下將踰三十春不聞此畫塑想予得
亦新茲寺臨大道常多車馬塵設如前日手摩
昧已惑人易分今與古易辨偽與真閩緇圖鳳

姿越釋彈龍唇但知五絲爛徒謂五音淳孰識
商聲高孰驚眸子神不能評諸品索玉翻得珉
二君才調高言若羽翮振將令尋常工千歲傳
不泯

依韻和裴如晦秋懷

老葉已足靈風振猶在柯高高低低聲切切感
我多不念四散飛尖圓競相磨當茲思再春宛
然同俟河莫驚衡山鴈莫問洞庭波徒聞漢武
帝獨有橫汾歌

送張諷寺丞赴青州幕

朝廷又清明賢相出賢牧賢牧又選賢森森備
官屬是以邦政脩良農播嘉穀上無租賦遺下
有困廩蓄往者河朔饑奔送劇臯驚富公鎮青
社有來咸鞠育病者調藥劑起者餉餼粥老稚
四十萬瘦骨生壯肉鄉縣將遣歸田園皆可復
爲之置長犁爲之置黃犢既完身上衣又付索
中粟庭下再拜辭望城皆感哭他人守一方境
內猶不足至今趙魏間食飲常酹祝富公離山

東寇盜頗任觸堂堂高平公德業人所伏幙府
得才謀螻蟻不勞撲上體憂動心掃滅得神速
張侯三十餘瑩若無玷玉八字分濃眉純漆點
雙目昨日奉辟書氣貌寧近俗言從必磊落事
果無出縮他時爲書功誰惜千毫亮

送徐秘校廬州監酒

淮南秋物盛稻熟蟹正肥况身爲酒官醇耐飲
不非儻觀衆人醉徒自使世譏與君伯氏好試
以此言歸

韓子華江南安撫

韓侯出持節志在撫黔黎縣官負弩迎刺史躍
馬隨千里宣德澤煦如春風馳寒潮不起浪怙
怙威馮夷借問何致耳試聽將所爲立車呼父
老勞以衰衿詞我從大明官天子親諭之憂汝
歲屢凶吏不恤汝疲已輸又索羅困索無子遺
此非陛下意恐使汝輩疑疾苦汝告我不憚爲
汝治父老必喜拜如餒得飼糜我稱此大是一
一無不宜南方二十州歡聲無幼耆壺漿擁大

道婦女闈短籬行聞江漢間復有宣王詩

周仲章通判潤州

昔過京口山斷崖如筆洛抱谷黃芹泥百文聲
垠塢山嶺與江面地脉水可度欲鑿無淺泉執
云南土薄君爲別乘去便比北州樂已免卑濕
憂仍離鷓鴣惡况逢休明時秋堞罷嚴柝夜愛
寒江湖月臨甘露閣置酒發浩歌萬里波欲卻
霜蟹肥可釣水鱗活堪斫縱飲不須休未應滄
海涸終當笑楊雄窮壁常寂寞更知首陽人薇
蕨事亦錯不若阮步兵醉鞍伸兩脚太守必吾
徒儻能時就酌

弟著作辛南陵

新買紫驄馬欲歸清弋江去彈琴厲獨來認鳥
鳥雙橐實收盈筐濃醅熟滿釭弟兄相憶否風
燭舊西窻

和江隣幾有菊無酒

種菊將飲酒菊開酒無有雖不負爾目且已負
爾口昨日三四人淡坐饑腹吼徒與哦其傍誰

能置升斗當時陶淵明籬下望亦久幸賴白衣人不愧采盈手悠然事頗同必竟醉則否

五知堂

代人與任少傅

履道坊中白家宅五橋莊北晉公堂昔年二老曾相樂今日五知名獨光舉事是非都不問接花時節暫能忙清尊雅曲易爲厭自有圖書列在傍

贈陳孝子庸

康州水邊龍母墳草樹蒙蒙起風雨五色五蛇時往來野鼠不穴墳上土嗟哉異類猶厚親豈彼人兮忘恃怙果生陳子孝且仁終日劬劬在民伍天清天順感其和嘉禾駢枝立如股遐鄉歎慕爲爾隣太守欣言出吾部中州士人傳以夸照頑燦孽良有補唯時火德君道明粵南祝融孝所生若然寧獨一陳生築塚表廬從此數

和原甫同鄰幾過相國寺淨土院因觀

楊惠之塑吳道子畫聽越僧琴聞僧寫

宋賈二公真

青槐夾馳道方轡下麒麟竭來游紺宇歷玩同

遠巡吳畫與楊塑在昔稱絕倫深殿留舊迹鮮

逢真賞人一見如宿遇舉袂自拂塵金碧發光

彩物象生精神歲月雖已深奇妙不愧新驚嗟

豈無意振播還有因乃知至精手安得久晦埋

二僧感識別請以已藝陳或彈中散曲或出丞

相真覽古仍獲今未枉停車輪

李端明宅花燭席上賦

百兩禮將陳王家集上賓花光濃照席燭艷暖
迴春已接冰壺潤寧辭翠斝醇自慙持短調重
對玉堂人

送李祠部知滑州

自古重名器未嘗輕授人煌煌東郡守燦燦兩
朱輪父祖繼居此恩榮誰與隣秋風度河水馬
足不生塵

送王正仲長官

汴渠沂復浚自可見遲速來時遲有糧去恨速
無穀有糧安計程無穀不遲宿霜高萬物枯源

水縮溪谷黃流半泥沙勢淺見蹙澳千里東歸
船何日下清瀆澹風雨寒長沙噉鴈鷺將投
孤戍遙四顧危檣獨強語慰妻奴多虞賴僮僕
到家秋已收綴樹插始熟折腰無慙陶懷遠焉
媿陸我方羨子行送望不移目

廨後木芙蓉

託根地雖卑凌霜花亦茂物稟固不遷人情自
爲陋幸與時菊開誰嗟發孤秀楚人寒木末已
見離騷就

傷驥

驚驥同一轡遲速能幾里當其被問時舉策數
耳耳馳騁心獨存壓抑頭不起空傳八駿名未
遇穆天子

陳丞相燕息園

少仕旣勤勞暮節念君息小車辭漢庭緇衣賦
衛國廣園樹嘉木鳴鳥來野色京水魚可縵東
陂鴈可弋豈不有秦聲酒酣歌在側寧同扶風
人自去北山北

依韻和普上人古琴見贈

獨蠻絲爲絃九竅珥爲軫彈風松颺聽水流
泯泯欣者舉袖舞悲者欲涕隕若此輒動人干
時固能準虞舜今在上南薰思無盡

依韻和胡舍人見寄

西垣閣老號文雄辭體能兼兩漢風絳帳舊生
雖授學瀟陵歸將已無功校文豈論居三上賦
分由來木下中不恨早朝秋雨急猶陪鷺鷥大
明宮

題三教圓通堂

處中最靈智人與天地參其間有物老易又推
爲三共以圓通出誠明自包含排檻壓文礎煥
采塗朱藍而將置吾儒復欲籠彼躡二徒不自
曉恬若均笑談越鳥不巢北代馬不嘶南固亦
辨殊土麟鷲唯時堪

設贈示坐客

沐河西引黃河枝黃流未凍鯉魚肥隨鉤出水
賣都市不惜百金持與歸我家少婦磨寶刀破

鱗奮翮如欲飛蕭蕭雲葉落盤面粟粟霜葡萄爲
綾衣楚橙作螿香出屋實朋競至排入屏呼兒
便索沃腥酒倒腸飢腹無相譏遠巡蛭竭上馬
去意氣不說西山薇

杜挺之新得和州將出京遺子新芻豆

魯公馬病不可出陶令言拙徒扣門舉家食粥
馬用怪但願漉酒中常存長安侏儒勝方朔水
邊漂母王哀孫王孫功名立四極方朔誤談干
至尊我才不及三二子摧藏自愧趨權關前時
未叔寄乘粟一秋已免憂朝昏今君益之薪與
菽老馬病骨生精魂昨聞新拜歷陽守王國又
客風處禪都水借船輕復淺急趁寒泫流渾渾
耳清眼明見野色一聽江鶴醒若噴餘糧滯鈍
不暇惜均於朋契惟義悖設如河涸膠在步驟
邑亦足供雞豚却嗟我儂有時墮莫與太倉黃
鼠論

江鄰幾邀食餽鈍學書謾成

老肌瘦腹喜食熱况乃十月霜侵膚與君共貧

君餽我吹齏不學屈大夫前時我膾斫頰鯉滿
坐驚眠卒笑呼誠知舉筋意淺狹一餐豈計有
與無

幽廟

老狐依叢祠妖橫起百怪巢泉助鳴聲穴兔資
狡獪巫給神靈言俗奏飲食拜三年空禱祈萬
疾無愈差腥臊日已熾疑畏誰敢懈近者勇丈
夫發揭窟乃壞始時驚其狂今盡喜其快羣耳
毛尚存獨使尾徒大廟貌更一新願以邪爲戒

十月十八日

霜梧葉盡枝影踈井上青絲轉轆轤西廂舞娥
豔如玉東櫛貴郎才且都纏頭誰惜萬錢錦狀
耳自有明月珠一爲轆轤情不已一爲梧桐心
不枯此心此情日相近卷起飛泉注玉壺

送鄴宰王殿丞

君行問埒鮎殊物可講解一寸明月腹中有小
碧蟹生意各騰騰黔角容夫夫願言寬賦刑穢
俗又疲憊

金陵與張十二傳師賞心亭飲

但嗟識君遲不恨春風惡風惡舟未前置酒共
談謔漁歌還浦頭斜日下洲角明朝渡江去相
望便成昨

阻風寄刁安國

江風裂瓦鳴浦口驚浪作君駕何不來客心空
寂寞

阻風秦淮令狐度支寄酒

春風不獨開春木能壓浪花高似屋江船百尾
泊深灣鐵纜千環繫長軸遠客今朝愁未平主
人贈榼飲還足前時共論酒可禁急世救弊且
勿速我今正得盃中趣効陶種秫置心曲

江上遇雷雨

雷從燕尾來雨到江心急挂帆中路時望浦前
舟入聲喧釜豆梨點疾盪立蕩搖魚鼈腥恐
懼兒女泣稍聞人好語出顧岸已及蘆洲有同
行言喧氣吸吸

登瓜步山二首

瓜步山頭廟堂因魏武興亡歸從赤壁事去憶
西陵軍并藏雲杪林根擁石稜微風認江水細
甲幾千層
山上濃雲合江南暴雨來將歸林下嶺中路遇
風雷心速灣猶遠行遲伴屢催舟師添繫纜兒
女望人迴

宛陵先生集卷第三十八

宛陵先生集目錄卷第三十九

韓子華遺冰 宣三館觀瑞蓮

和吳冲卿秋蟲 陌上二女

無悔 平瑞新和尚

和冲卿新葺南齋 江鄰幾遷居

聞刁景純侍女瘡已

景純期原甫飲 末濟倉書事

和幾道暑夜懷寄 和孫伴鴈蕩

赴景純招作將進酒

薛簡肅夫人挽詞 送淮南孫提刑

詠原甫林檎花 送張寺丞富公辟

送淮南李轉運 重送楊明叔

送董秀才之汝陰 送張子野知渝州

送楊子充知資陽縣

送司馬君實鄆州倅

送陳殿丞知韶州 寄岳州孫屯田

大愚

目錄終

宛陵先生集卷第三十九

宋宛陵梅堯臣聖俞著

韓子華遺冰

六月侍臣方賜冰我賦得之從友朋開盤一見
水玉璞置坐百步無青蠅熱膚收汗起疹粟不
有消渴同茂陵杜子每思赤脚踏韓老嘗苦如
醜丞慙無二公才與學享此足與俗輩矜

二十二日起居退聞宣三館諸公觀瑞

蓮

來朝十二旒將出未央殿微聞嘉蓮開獨許侍
臣兄嘉蓮其如何曾樓權霞片玉輦下天泉日
晏不知倦恩魚應亦喜跳沫珠欲濺誰憐與衆
歸博士臣疏賤

依韻吳冲卿秋蟲

梧桐葉未老露滴玉井牀秋蟲如里胥促織何
苦忙苒苒機上絲入夜爲鼠傷織婦中夕起投
梭重徬徨那聞草根聲背入然肝腸天子固明
聖措意如陶唐下民唯力穡不見田疇荒豈知

哀歛人督責矜健強所以機中女心關日月光
年年租稅在聒耳信已常哀哉四海人無不由
此戕吳侯當廳時靜坐愛初涼方將同佳人歡
樂舉盃觴繁鳴雜蟻蟻感愴情不皇况蒙朝家
恩兄弟登俊良意慮宜恤物以慰衆所望今者
秋蟲篇不異七月章

陌上二女

素手寒蕪離柔纖明春蕙轉晴動桂葉陽語啓
瓠犀阿姊金盛珠阿妹線籍圭吹香襲行路豈
獨下蔡迷

無悔

婦人未四十容貌已改前男年踰五十嗔怨固
自偏勿以色敵心色衰心易遷勿以愛恃久愛
移又多慙明鏡知惡看何須妬婢娟

甲瑞新和尚

示化何悲戚俱焚只衲衣已隨原火盡空見野
雲飛寫影誰方丈栽松舊翠微當年渡江鉢弟
子獨將歸

依韻和吳冲卿新葺南齋

移病新秋厭直廬自將僮僕治前除已栽楚客
江邊草不學嚴陵瀨上漁紅穗拂欄何椅繁綠
叢無水亦蕭疎從今有月君須飲况與朋親共
舍居

江鄰幾遷居

聞君遷新居應比舊居好復此假布囊家具何
草草我貧無囊假來僮笑欲倒所笑還往人生
計不足道非用僮僕知雖貧自懷寶

閑刀景純侍女瘞已

前時君家飲不見吹笛姬君言彼娉婷病瘞久
屢治隔日作寒熱經時銷膏脂醫師尤飲食冷
滑滯在脾次聞有鬼物水火陰以施乃因道士
逐實得鬼所爲手灑桃枝湯足學夏禹馳呵叱
出門牆勿復顧嘔遺今雖病且已皮膚尚尪羸
豈暇理舊曲未能畫蛾眉當期重相見風月臨
前暉

景純以侍兒病期與原甫月圓爲飲

古龍水底鳴素秋江雲不飛江買愁金陵舊族
天祿游家有善笛能娛侯憶侯前年罷姑孰自
買新州飽霜竹腮肥頂瘦裁青玉鑽鑿商聲五
音足牛渚磯邊夜泊時平波不起月中吹老魚
跳舞龜出泥雌蛟怨泣雄鷺悲新還中都人罕
知交親奏酒隔簾幃丹脣一發妙響馳醉客欲
見寧非癡昨夜劉郎辭玉卮主人勸謝當勿疑
渠今纏疋尚苦羸他日海蟾圓未遲圓未遲涼
肝脾畏肝熱生腦脂生脛脂不得窺

永濟倉書事

神武立四極收兵銷衆豪輸糧來萬國積庾下
千艘貔虎肥於秦麒麟老向槽中州無殍餓南
土竭脂膏黃鼠羣何畏青鳩啄且噉古梁生菌
耳朽堵出蟪蛄樹腹懸蛇蛻絲窠挂鳥毛塵埃
雖自汨朱墨亦能操直宿愁風雨經年弊褐袍
仲尼猶作吏我輩勿爲勞

依韻和礎守王幾道屯田暑夜懷寄

地厚天青冥故交榮謝井何當一壺酒以昔相

與傾君今二千石未往戀山楹山楹夜對月孤
懷豈忘情貴者幾何逝賤者幾何生夏簟且安
寢明星上東城

依韻和孫侔鴈蕩二首

海邊巉絕有蒼山怪怪奇奇物象閑百丈素流
珠噴薄千重紅樹火回環遠尋僧寺石屏下時
遇野人雲屋間今日京華見君說便思輕舸出
東關

鴈蕩高高路莫通噲蘆秋翼入雲峰山頭水澗
不見影巖下沙平時有蹤千仞柱天何欽閃萬
工揮筆漫輕濃葛巾蠟屐未能著空羨青蒼重
復重

赴刁景純招作將進酒呈同會

日光如鎔金湧上滄海流一朝復一朝鑄出萬
古愁大鑪石破碎世事安得休明月只照夜時
時如屈鉤常娥與玉兔搗藥何所瘳大患不自
治更被蝦蟆偷我思天地間二物最取尤措置
尚如此細故曷用憂著書欲傳道未必如孔丘

當時及後代見薄彼耽周功名信難立德行徒
自脩勞勞於我生藩桂同贊莛不如聽隣笛就
其舉盃既笛不煩教養酒不煩取求從今醉至
春從夏醉至秋勿禁雞狍魚間薦鴉鴈鳩况多
南方物醜醒美咽喉計較無以過試共玩籍謀

薛簡庸夫人挽詞四首

蕭公當貴日小吏引輕軒四德有遺美六親無
異言立孤傳世嗣垂範在閨門滄水終歸柝秋
雲逐去寬

嘗聞求子婿不似怒甘公莫以昔人比皆爲當
世雄家聲新慶續國禮舊恩隆必與齊姜墓千
秋蠟樹同

冠劍將朝去常知好直言戒辭猶可託先見久
應存瑩白冰兼玉清芬蕙與蓀堂塗從此閉何
日卜丘原

美合周詩播夏先岱嶽歸空堂遷舊榻素月照
靈衣珠翠香沉匣丹青影挂幃百年親戚淚併
作露霏霏

送淮南提刑孫學士

淮南木老霜欲飛願令恐縱諸侯威命書纔出
邸掾謁已見衣繡車迎歸樂莫我聽筵莫迓清
如蟾蜍夜吐暉不須又作平反吏自合橫經親
帝闈

八月三日詠原甫庭前林檎花

秋竄無完葉踈叢有瘁莖偶來庭樹下重看露
葩榮衆自守常理獨開偏見情從今數霜月結
子尚能成

送河陽通判張寺丞從富公辟

子諫

張公愛神錫佩服近玉麟又拭華陰土光彩一
以新百里無惡獸千里無冤人今朝欲何之去
上延平津應當出匣飛騰波決秋旻

送淮南轉運李學士君錫

王都重兵廩命使總八方淮南舟車衝三楚龍
利長惟時有才彥數計等秦羊八月賜詔行朱
旆挿大航汴湍入秋漲東鼓下鐘鏜今日發大
梁明朝過睢陽睢陽授經地父老認道傍同業

八十人或貴或爲郎先生歿大官弟子無荷囊
乃知詩書傳要在明三綱隋未聞仲淹來學去
佐唐唐初稱名臣鮮及杜與房親見慕義人專
門起輝光我聞房杜流已顯惟王張雲漢幾萬
里星宇爭耀芒歸來立嶠頭莫愛魚稻鄉君錫與王伯唐張端明同在

重送楊明叔 并序

行而有以贖者助所不足也車馬子有裘服子
有貨貝子有所可贈者詩言爾故先爲七言以
送將以道彼美而樂乎往也子不爲重邀予以
規又作五言應其請

君將會稽去舊蹟可以嬉子因狀其美贈子臨
路岐子不以爲樂但願有以規噫吾豈無說畏
子未及禪既求不語子吾曷忍子欺前年子渡
淮夜泊洪澤渚有鬼稱使者來告風波期子時
再拜謝乃被隣船嗤遠巡鬼復至復附船家兒
怒彼慢嗤士明當使驚危船兒傍舷迴走若一
足夔翌日各解舟出浦風動旗子獨乘安流彼

受橫浪吹此事非子傳焉得他人知昨逢令弟
蘊備述果不疑越俗素重鬼慎勿啓其私子口
有仁義子腹有書詩子嘗談王道怪語固未宜
近聞蘇才翁問子辟者誰得非外戚侯子怒已
翌眉今我倘得罪甘與蘇同之

送董傳秀才之汝陰

社燕已歸盡秋鷺猶繞林久爲梁園客不起灞
陵心徒步赴朋館遠遊無棄金注君丈人意其
入楚鄉深此處常

送張子野屯田知渝州

舊居蒼溪上久客咸陽東歸來得虎符馳馬向
巴中歌將聽巴人舞欲教渝童况嘗善秦聲樂
彼渝人風忠州白使君竹枝詞頗工行當繼其
美貢葛勿忽忽

送楊子充愈知資陽縣

家近古臨邛聞多木蘭樹其人襲芳馨乃有相
如賦成名三十年始見列鷺鷥出爲資陽長秋
鬢已點素天子愛黔黎歸與蜀民諭當時同洛

陽過半作丘基屈指今所存無如君最故唯酒
可餞行不飲車空駐

送司馬學士君實通判鄂州

君家世典史君復續祖爲蘭臺未成書汝陽從
已知將行我何贈一誦溪堂詩聞彼多蒲魚可
助禹與卮在昔阮嗣宗初赴東平時醉扶乘蹇
驢圖畫猶可披今見國門外徒馭不驅馳十里
馬一歇五里車一脂不得同鴈羣相送過寒陂

送陳殿丞知韶州

從茲

韶州使君行請問韶石名傳聞古帝舜石上奏
九成鳳皇爲之下朱鳥不復鳴舊祠亡玉琯四
序安得平至今南方熱臘月裘服輕事外共廢
酒曲江風物清

寄岳州孫屯田

兼

從來洞庭好都在岳陽樓明月一千里寒光三
萬秋年華有時盡風物不知休太守憐予句應
如沈隱侯

大愚

大愚不量能品藻輒已出朝以軻爲同暮以丘
爲四其人豈鷹雀鳩蛤化五日指鹿危二世師
欲造新室雖云許力尚終日殞斧鑕

宛陵先生集卷第三十九